

東野 戴侯章同前封卒子中嗣太初四年卒後國除

高平 地在平原 侯喜同前封十三年元鼎五年坐耐金免國除

廣川 見前 侯頗封免並同前

乘丘 史表作桑丘索隱曰漢表地在深澤 節侯將夜 史表作洋 元朔五年三月封十一年卒

子戴侯德以元鼎四年嗣卒子外人嗣元康四年坐淫亂免國除

高丘 闕 哀侯破胡同前封八年元鼎元年卒後國除

柳宿 地在涿郡 夷侯蓋同前封四年卒子蕪以元狩三年嗣八年元鼎五

年坐耐金免國除

樊輿 闕 節侯脩 史表作條 同前封三十六年卒子煬侯過倫以後元年嗣

卒傳思侯異衆頃侯上生至侯自予王莽篡位絕凡五世

安郭 地在涿郡 于侯傳富 史表作博 同前封五百二十戶卒子釐侯偃嗣卒子

宗嗣元康元年坐罪免國除凡三世

戎丘 闕 侯讓封同前封元鼎五年坐耐金免國除

曲成 地在涿郡 侯萬歲

安險 志屬中山 侯應

安道 史作安遙地闕 侯恢以上四侯封免並同

彭 師古曰彭音彭東海縣也 侯屈釐征和二年三月封三年坐為丞相祝詛要斬

右中山靖王子侯者二十人

成 地在涿郡 獻侯喜昭帝元鳳五年十一月封十五年卒子傾侯得疵以

神爵元年嗣卒子煬侯備嗣卒子哀侯貴嗣建平元年卒後國除

凡四世

宣處 闕 節侯章本始三年六月封四年卒子原侯衆以地節三年嗣

卒後國除

右中山康王子侯者一人

利鄉地在常山孝侯安宣甘露元年三月封傳戴侯遂至侯國免凡三世

右中山頃王子侯者一人

蒲領地在東海侯嘉武元朔三年十月封有罪絕

西熊關侯明同前封卒後國除

棗疆志屬清河侯晏同前封卒後國除

卑梁地在魏郡侯嬰同前封十九年元封四年坐罪為鬼薪國除

參鬲音宗地在東海侯則元封中封不得封年坐耐金免國除

沂陵地在東海侯喜封免並同前

右廣川惠王子侯者六人

甘井地在鉅鹿侯光史表作元元鼎元年七月封二十五年征和二年坐殺人

棄市國除

襄隄史表作襄陵索隱曰漢表地在鉅鹿志屬河東侯聖同前封五十年地節四年坐耐金

免聖子倫以惠王曾孫為廣德王

新市地在堂陽康侯吉昭帝元鳳五年封二十五年卒子頃侯義以甘露

三年嗣卒子欽嗣

東襄地在信都愛侯寬宣帝本始三年封卒子使親嗣建昭元年卒後

樂信地在鉅鹿頃侯彊神爵三年四月封傳孝侯何節侯賀至侯涉免凡

四世

昌成地在信都節侯元同前封四年卒子傾侯齒以五鳳三年嗣卒子釐

侯應質嗣卒子質侯江嗣建平三年卒後國除凡四世

歷鄉地在鉅鹿康侯必勝元康四年七月封五年卒子頃侯長壽以甘露元年嗣卒子繆侯宮嗣卒子東之嗣免

武陶地在鉅鹿節侯朝五鳳元年七月封傳孝侯弘節侯勳至侯京免凡四世

桃地在鉅鹿煬侯良元帝初元元年三月封傳恭侯敞至侯狗免凡三世
右廣川繆王子侯者九人

西梁地在鉅鹿節侯闢兵宣帝元康四年三月封七年卒子孝侯廣以甘露三年嗣卒子哀侯宮嗣卒子廣嗣免凡四世

右廣川戴王子侯者一人

皇虞志屬琅邪煬侯建武帝元封元年五月封九年卒子穰侯定以太初四年嗣十四年卒子節侯衰以本始二年嗣傳釐侯勳頃侯顯至侯

樂林時絕凡六世

魏其志屬琅邪煬侯昌同前封十七年卒子原侯傳光以本始四年嗣三十三年卒子孝侯禹以甘露三年嗣傳質侯嶠至侯嘉莽時絕凡五世

祝茲史記索隱曰按志松茲在廬江亦作祝茲而表在琅邪侯延年同前封五年坐罪免國除

右膠東康王子侯者三人

溫水闕侯安國昭帝始元五年六月封十年本始二年坐罪免國除
右膠東哀王子侯者一人

樂望地在北海孝侯光宣地節四年二月封傳釐侯林至侯起免凡三世
成地在北海

柳泉地在南陽節侯彊同前封十七年卒子孝侯建以黃龍元年嗣卒子

煬侯萬年嗣卒子永昌嗣免凡四世

新利關侯偃神爵元年四月封十一年坐上書謾免更封戶都侯建

始三年又上書謾免國除凡四百戶

右膠東戴王子侯者四人

羊石地在北海頃侯回元帝永光三年三月封卒子頃侯正嗣卒子福嗣

免

石鄉北海煬侯理同前封卒侯建國嗣免

新城北海節侯根同前封卒子霸嗣免

上鄉北海侯欽同前封三十九年免

昌鄉見前侯憲成建始二年封三十年元壽二年坐罪免國除

頃陽關侯共同前封三十九年免

樂陽關侯獲封免同前

平城見前釐侯邑同前封傳節侯珍至侯理免

密鄉關頃侯林同前封傳孝侯欽至侯敞免

樂都見前煬侯訢同前封傳繆侯臨至侯延年免

右膠東頃王子侯者十人

陵石關侯慶成帝鴻嘉四年四月封二十五年免

臨安關侯閔未始四年五月封二十一年免

徐鄉地在齊侯映元延元年二月封二十一年王莽建國元年坐舉兵

欲誅莽死

堂鄉關哀侯恢綏和二年五月封三年卒後國除

右膠東共王子侯者四人

松茲地名見前戴侯霸昭帝始元五年六月封二十二年卒子共侯始以神爵二年嗣傳頃侯綰至侯均恭時絕凡四世

右六安共王子侯者一人

富陽闕侯賜宣帝元康二年五月封八百戶二十八年建昭二年坐
上書歸印綬免國除

右六安夷王子侯者一人

博鄉闕節侯交元帝竟寧元年四月封卒子就嗣免

右六安繆王子侯者一人

庸鄉見前侯宰成帝綏和三年七月封十五年免

右六安頃王子侯者一人

遠鄉地在常山侯宣宣帝元康四年三月封二年卒後國除

右真定烈王子侯者一人

信昌闕侯廣平帝元始五年閏月封四年免

右真定共王子侯者一人

于鄉地在東海節侯定元帝永光三年三月封卒子聖嗣免

就鄉地在東海就鄉節侯瑋同前封七年卒後國除

右泗水勤王子侯者二人

昌陽見前侯霸成帝永始四年五月封二十一年免

右泗水戾王子侯者一人

安定地在鉅鹿侯賢宣帝本始元年七月封卒子頃侯延年嗣卒子昱

嗣免

新昌地在涿郡節侯慶本始四年五月封卒子頃侯穰嗣卒子哀侯未央

嗣卒亾後元延元年復以未央弟釐侯嫺紹封卒子普嗣免凡四世五侯

右燕刺王子侯者二人

臨鄉地在涿郡頃侯雲元帝初元五年封卒子交嗣免

西鄉涿頃侯容同前封卒子景嗣免

陽鄉涿思侯發同前封卒子度嗣免

益昌涿頃侯嬰永光三年三月封卒子共侯政嗣子福嗣免

右廣陽頃王子侯者四人

方樂關侯嘉哀帝元壽元年五月封十一年免

方城關侯宣平帝元始二年四月封七年免

右廣陽繆王子侯者二人

方鄉關侯常得成綏和元年六月封十六年免

當陽見前侯益平帝元始二年四月封七年免

廣城見前侯建封免並同

右廣陽思王子侯者二人

朝陽地在濟南荒侯聖宣帝本始元年七月封卒子思侯廣德嗣卒子安

國嗣免

平曲地在東海節侯會同前封十九年坐粟免後復封卒子釐侯臨嗣卒

子農嗣免

南利地在汝南侯昌同前封五年地節二年坐賊殺人免國除

襄平見前侯豐元年永光五年三月封四十七年免漢表作廣川王子誤

右廣陵厲王子侯者四人

蘭陵關侯宜元帝建昭五年十二月封傳共侯譚至侯便強免凡三世

廣平前見節侯德同前封卒子德嗣免

右廣陵孝王子侯者一人

膠鄉地在琅和敬侯漢元帝初元元年三月封七百四十戶卒子節侯成

嗣陽朔四年卒後國除

右高密哀王子侯者一人

卑梁關侯都買成帝建始二年正月封三十九年免

膠東前見侯恁封免並同前

武鄉關侯慶同前封卒子勁嗣免

成鄉前見釐侯安同前封卒子德嗣免

麗茲關共侯賜同前封卒子放嗣免

安丘關侯常鴻嘉元年正月封二十八年免

右高密頃王子侯者六人

樂平前見侯訢成帝陽朔二年六月封坐狂易免元壽二年更封共樂

侯

外黃侯圍訢子元始元年二月以憲王孫封八年免

高陽侯並封免同前

平陸侯寵同前

右淮陽憲王子侯者一人孫侯者三人

廣戚前見侯勲成帝河平三年正月封卒子顯嗣居攝元年立為孺子

莽篡位廢為定安公莽敗死

右楚孝王子侯者二人

陵鄉關侯曾哀建平四年三月封王莽六年坐舉兵欲誅莽死
武安關侯受同前封坐罪免元始元年復封八年免

郡鄉侯光平元始元年二月封八年免

新城侯武 宜陵侯置

堂鄉侯護 成陵侯由

成陽侯衆 復昌侯休

安陸侯平 梧安侯譽

朝鄉侯充 扶鄉侯普 以上十一侯封免並同地名俱關

呂鄉侯尚元始五年閏月封四年免

李鄉侯殷 宛鄉侯隆

壽泉侯承 杏山侯遵 以上五侯封免並同

右楚思王子侯者十八人

栗鄉關頃侯護成帝鴻嘉元年四月封卒子玄成嗣免

桑丘前見侯頃同前封

桃鄉前見頃侯宣鴻嘉元年正月封卒子立嗣免

富鳴前見侯萌永始三年三月封二十三年免

西陽東萊地在頃侯並元延二年四月封卒子偃嗣免

金鄉侯不害護子元始元年以思王孫封八年免

平通侯且 西安侯漢

湖鄉侯開 重鄉侯少柏 以上俱護子封免並同

陽興侯寄生 陵陽侯嘉

高樂侯脩 平邑 閔

平纂侯况

合昌侯輔

伊鄉侯開

就鄉侯不害

膠鄉侯武

宜鄉侯恢

昌城侯封

樂安侯禹

以上俱頃子封免並同前

右東平思王子侯者五人孫侯者十七人

嚴鄉闕侯信哀建平二年五月封四年坐父大逆免元始元年復封

六年王莽居攝二年翟義舉兵討莽立信為太子敗死

武闕侯璜封免復封同前居攝二年舉兵討莽敗死

陶鄉侯恢平帝元始元年二月封八年免

釐鄉侯褒封免同前

昌鄉侯旦同前

新鄉侯鯁同前以上四侯封免並同

春城侯允建平二年四月封七年免

右東平煬王子侯者七人

漢書表序曰孝元之世亾王子侯者盛衰終始豈非命哉元始之

際王莽攝朝偽褒宗室侯及王之孫焉王之孫亦封侯謂承鄉侯閔以下是也居攝

而愈多非其正故弗錄旋踵亦絕悲夫

路史曰孝文以徠侯者二百七十有七其後王者一十有五東牟平昌

楊虛 勃 安都 安陽 陽周 乘氏 桓邑 武成 白石 阜陵 武始 春陵 襄陵 別封者七 休分紅 離石分涉 陶分武原 隰分乘 斥夏 成分端氏 臨河分高俞 土軍分鉅 分夏立 漢自元成

政出王氏其矯偽褒封者蓋百有二十見於班表年淺制率亾足

紀洎莽攝据封繼俞多亾以述焉惡呼武帝發主偃之謀令諸侯

王得推恩分子弟於是諸侯王子孫侯者百七十有七元朔二年制詔御史

諸侯王或欲推私恩分子弟邑者令各條上朕且臨定其號名自是支庶畢侯元光侯者七元朔百二十有七元狩二十五元鼎

五而王國遂弱此賈誼之策也故善為計者事立於亡形方文帝

時分齊為五以封悼惠王之子淮南為三以封厲王之子則誼之

策畧施行矣賈曰欲天下之治安莫若衆建諸侯而少其力割地定制令齊楚趙各為若干國燕梁他國皆然文帝以

代王即位後分代為二國及思賈生言乃分齊為七淮南為三淮南廬泣衡山凡三城陽濟北濟南菑川膠西膠東齊凡七國云六

誤及乎景帝因晁錯計欲削七國而吳楚遂反豈可施之昔而不

可行之今哉失於欲速而不得其道爾錯為御史大夫請諸侯之罪過削其地收其支郡三

年楚來朝錯請誅之詔削東海郡因削吳之豫章會稽乃前二年趙有罪削其河間郡膠西以賣爵有姦削六縣子曰欲

速則不達東漢疾橫議而黨錮興文宗急姦竅而訓注起同此轍

也鄉使孝景沉思孰計修禮教正名以迪之則君君臣臣父父

子子不勞而天下定矣豈有不削亦反者計非不減惜乎其為說

之鄙也

外國語系

卷二十一

三三



國家圖書館, NATIONAL CENTRAL LIBRARY, TAIWAN, R.O.C

海君道部卷之四十五

世系類

四十五

列國譜系

二十六

漢封篇

三

功臣諸侯章

史記高祖功臣年表敘曰古者人臣功有五品以德立宗廟定社稷曰勲以言曰勞用力曰功明其等曰伐積日曰閱封爵之誓曰使河如帶泰山若礪國以永寧爰及苗裔余讀高祖侯功臣察其首封所以失之者曰異哉所聞書以協和萬國遷于夏商或數千歲蓋周封八百幽厲之後見於春秋尚書有唐虞之侯伯歷三代千有餘載自全以蕃衛天子豈非篤於仁義奉上法哉漢興功臣

受封者百有餘人天下初定故大城名都散亡戶口可得而數者十二三是以大侯不過萬家小者五六百戶後數世民咸歸鄉里戶口益息蕭曹絳灌之屬或至四萬小侯自陪富厚如之子孫驕溢忘其先淫嬖至大初百年之間見侯五餘皆坐法隕命亡國耗矣罔亦少密焉然皆身無兢兢於當世之禁法居今之世志古之道所以自鏡也觀所以得尊寵及所以廢辱亦當世得失之林也何必舊聞於是謹以終始表見後有君子欲推而列之得以覽焉又惠景間侯者年表敘曰昔高帝定天下功臣非同姓疆土而王者八國至孝惠時唯獨長沙金禪五世以無嗣絕澤流枝庶無功而侯者數人及孝惠訖孝景間五十載追修高帝時遺功臣及從代來吳楚之勞諸侯子弟若肺腑外國歸義封者九十有餘咸表始終當世仁義成功之著者也

又建元以來侯者年表叙曰匈奴絕和親攻當路塞閩越擅伐東甌請降二夷交侵當盛漢之隆以此知功臣受封侔於祖考矣何者自詩書稱三代戎狄是膺荆舒是徵齊桓越燕伐山戎武靈王以區區趙服單于秦繆用百里霸西戎吳楚之君以諸侯役百越况乃以中國一統明天子在上兼文武席卷四海內輯億萬之衆豈以晏然不爲邊境征伐哉自是後遂出師北討疆胡南誅勁越將卒以次封矣

漢書高惠高后孝文功臣表叙曰自古帝王之興曷嘗不建輔弼之臣所與共成天功者乎漢興自秦二世元年之秋楚陳之歲初以沛公總帥雄俊三年然後西滅秦立漢王之號五年東克項羽

即皇帝位八載而天下迺平始論功而定封訖十二年侯者百四

十有三人時大城名都民人散亡戶口可得而數裁十二三裁與纒同

是以大侯不過萬家小者五六百戶封爵之誓曰使黃河如帶泰

山若礪國以永存爰及苗裔於是申以丹書之信重以白馬之盟

又作十八侯之位次高后二年復召丞相陳平盡差列侯之功錄

第下竟滅諸宗廟滅與藏同副在有司謂列侯功籍已藏于宗廟其副本入在有司未始不

欲固根本而枝葉稍落也故逮文景四五世間流民既歸戶口亦

息列侯大者至三四萬戶小國自倍富厚如之子孫驕逸忘其先

祖之艱難多陷法禁墮命亡國或云子孫訖于孝武後元之年靡

有孑遺耗矣罔亦少密焉故孝宣皇帝愍而錄之乃開廟與藏同臧與藏同覽舊籍詔令有司求其子孫咸出庸保之中並受復除或加以金

帛用章中興之德降及孝成復加卹問稍益哀微不絕如綫於是

成帝復紹蕭何哀平之世增修曹參周勃之屬得其宜矣以綴續

前記究其本末并序位次盡于孝文以昭元功之侯籍云一

又景武昭宣元成功臣表叙曰昔書稱蠻夷帥服詩云徐方既徠

春秋列潞子之爵許其慕諸夏也漢興至於孝文時乃有弓高襄

城之封雖自外徠本功臣後故至孝景始欲侯降者丞相周亞夫

守約而爭帝黜其議初開封賞之科又有吳楚之事興胡越之伐

將帥受爵應本約矣

卮言曰史記漢書功臣表戶數先後及姓名互異今并存之

鄴縣屬南陽文終侯蕭何沛豐人以文無害為沛主吏掾高帝為布衣時

荷數以吏事護高帝高帝為亭長常左右之及高帝起為沛公何常

爲丞督事高帝入咸陽何收得秦圖籍從入漢爲丞相守蜀及關中
給軍食佐定諸侯爲法令漢五年己亥高帝卽皇帝位以何功最盛
先封爲鄼侯食邑八千戶後益封七千戶九年惠二年卒子哀侯祿
以惠三年嗣六年卒無子高后乃封何夫人同爲鄼侯小子延爲筑
陽侯文元年罷同更封延爲鄼侯二年卒子煬侯遺嗣一年卒無子
文五年復以遺弟則爲武陽侯二十年坐罪戶免二萬六千景二年
復以武陽戶二千封則弟嘉爲列侯七年卒子勝以中二年嗣二十
一年坐罪免武帝元狩三年復以鄼戶二千四百封則子慶爲鄼侯
七年卒子壽成嗣十年坐爲太常犧牲瘦免宣地節四年詔末蕭相
國後得玄孫建世等十二人復下詔以鄼戶二千封建世爲鄼侯十
四年卒謚安侯子思侯輔以甘露二年嗣卒侯獲嗣永始元年坐罪
免是年復封何玄孫之子南繚長喜爲鄼侯三年卒子質侯尊嗣五
年卒子■侯章嗣元始元年益封滿二千戶十三年卒王莽居攝元
年禹嗣建國元年更爲蕭鄉侯莽敗絕凡九世
十六侯
許應元曰鄼初封八千戶至其六世乃有二萬六千平陽始封六
百戶至其六世乃有二萬三千敘所謂四五世間流民旣歸戶口
亦息者也

臣瓚曰茂陵書何封國在南陽鄼音贊師古曰瓚說是也而或云
何封沛郡鄼縣音才何反非也按地理志南陽鄼縣云侯國沛鄼
縣不云侯國也又南陽鄼者本是春秋時陰國所謂遷陰于汴者
也今爲襄州陰城縣有鄼城城西見有蕭何廟彼土又有筑木筑
木之陽古曰筑陽縣與鄼國近連接據何本傳何夢之後子祿無

嗣高后封何夫人同為鄼侯小子延為筑陽侯孝文罷同更封延為鄼侯是知何封鄼國兼有筑陽此明驗也但鄼字別有鄼音是以沛之鄼縣史記漢書皆作鄼字明其音同也班固泗水亭碑銘曰文昌四友漢有蕭何序功第一就封于鄼何與鄼同韻誤以為沛地之嗟矣

平陽縣屬河南懿侯曹參沛人秦時為沛獄掾而蕭何為主吏居縣為豪吏矣高帝之為沛公也參以中涓從賜爵七大夫進五大夫楚懷王封參為執珪號曰建成君遷為成公從滅秦高帝為漢王封參建成侯還定三秦拜左丞相高帝即皇帝位賜參爵列侯食邑平陽萬六百三十戶惠帝二年代蕭何為相國三年卒子靖侯宙以惠帝六年嗣凡二十九年卒子簡侯奇以文帝後四年嗣七年卒子夷侯時以

景帝四年嗣二十三年卒子共侯襄以元光五年嗣十六年卒子侯宗以元鼎三年嗣二十四年征和元年坐罪免戶凡二萬二千元康四年參玄孫之孫杜陵公乘喜詔復家哀帝元壽三年復以平陽千戶封參玄孫之孫杜陵公士本始為平陽侯元始元年益滿二千戶王莽時卒子宏嗣建武中先降河北封平陽侯卒子曠前十世九侯王氏曰漢列侯八百餘人及光武而存者平陽富平二侯耳
 卮言曰曹參身經百戰殺戮多矣而侯封累世與漢同休豈非為相清靜之效乎陳平以陰謀為道家所禁宜多陰禍世卒不永然則黃老之教善用之者固亦有益不善用者則亦有害也

留縣屬彭城文成侯張良其先韓人也大父開地相韓昭侯宣惠王襄哀王父平相釐王悼惠王二十三年平卒卒二十歲秦滅韓良

年少未官事韓韓破良家僅三百人第死不葬悉以家財求客刺秦王爲韓報仇以大父父相韓五世主故也良與客徂擊秦始皇帝誤中副車後十年陳涉等起良聚少年百餘人欲往從之道遇高帝遂屬焉高帝拜良爲廐將從入武關設策降秦王嬰解項羽隙及高帝爲漢王遣良歸韓而韓王成爲項羽所殺良復歸漢漢已還定三秦矣乃以良爲成信侯從東擊楚卒破滅之良多病未嘗特將兵常爲畫策高帝卽位六年封功臣帝曰運籌策帷幄中決勝千里外子房功也自擇齊三萬戶良曰臣始起下邳與上會留此天以臣授陛下陛下用臣計幸而時中願封留足矣不敢當三萬戶迺封良爲留侯邑萬戶十六年高后八年卒子不疑以后三年嗣十年文五年坐不敬國除元康四年良玄孫之子陽陵公乘千秋詔復家

洪邁氏曰張良陳平皆漢祖謀臣良之爲人非平可比也平嘗曰我多陰謀道家之所禁吾世卽廢矣以吾多陰禍也平傳國至曾孫而以罪絕如其言然良之爵但能至子去其死才十年而絕後世不復紹封其禍更促於平何哉蓋嘗考之沛公攻峽關秦將欲連和良曰不如因其懈怠擊之公引兵大破秦軍項羽與漢王約解而東歸矣良勸王回軍追羽滅之此其事固不止於殺降也其無後宜哉

曲逆

逆音邁縣屬中山後章帝改曰蒲陰

獻侯陳平陽武戶牖鄉人也少時家貧好讀

書治黃老之術有田三十畝獨與兄伯居伯常耕田縱平使遊學陳涉之起平固已前謝其兄伯從少年往事魏王咎于臨濟魏王以爲太僕人或讒之平亡去從項羽破秦賜平爵卿殷王反楚羽以平爲

信武君擊殷降之拜都尉高帝爲漢王攻下殷平懼誅乃降漢爲護
軍用其奇計策卒滅楚定天下漢六年封平戶牖侯明年從擊韓王
信于代至平城爲匈奴圍七日不得食高帝用平奇計得出南過曲
逆上其城望室屋甚大曰壯哉縣吾行天下獨見雒陽與是耳顧問
御史曲逆戶口幾何對曰始秦時二萬餘戶間者兵後起多亡匿今
見五千餘戶於是詔御史更封平爲曲逆侯盡食之除前所食戶牖
平凡六出奇計輒益邑封惠帝時爲左丞相凡二十四年文二年卒
子共侯買以文三年嗣二年卒子簡侯悝以文五年嗣二十三年卒
子何景五年嗣十三年元光五年坐略人妻棄市國除戶萬六千元
原四年平子孫之子長安簪裹莫詔復家元始二年詔賜平代後者
鳳爵關內侯不言世凡四世

史記本傳曰始平曰我多陰謀道家所禁吾世卽廢亦已矣終不
復起以吾多陰禍也然其後曾孫陳掌以衛氏親戚貴願得續封
陳氏然終不得也

絳縣屬武侯周勃沛人也其先卷縣屬人徙沛勃以織薄曲爲生常

爲人吹簫給喪事材官引彊高帝起沛勃以中涓從至灞上高帝爲

漢王賜勃爵威武侯從入漢中拜爲將軍還定三秦至秦賜食邑懷

德定隴西擊項籍守峽關定泗水東海六年正月定封絳侯食絳入

千二百八十戶歷遷相國太尉後誅諸呂迎立文帝爲右丞相益封

萬戶凡二十三年文十一年卒子勝之以文十二年嗣六年有罪免

國絕一年文後二年封勝之弟亞夫爲條縣屬侯續絳後十八年亞

夫爲丞相以罪詣廷尉不食而死國絕一歲景後元年更封勃它子

堅為平曲侯續絳後十九年卒謚曰共侯子建德以元朔五年嗣十二年元鼎五年坐耐金免元康四年勃曾孫槐里公乘廣漢詔復家

平帝元始二年繼絕世復封勃玄孫之子恭為絳侯千戶凡五世六侯

舞陽縣屬潁川武侯樊噲沛人以屠狗為事後與高帝俱隱于芒碭山澤

間陳勝初起蕭何曹參使噲求迎高帝立為沛公噲以舍人從至霸

定豐沛賜爵國大夫從擊章邯賜爵列大夫破李由軍賜上聞爵事

上從攻成武賜爵五大夫從攻秦軍破之賜爵卿攻宛陵先登賜爵

封號賢成君攻破南陽賜重封加二號也高帝為漢王賜爵臨武侯還定

三秦益食平陰二千戶擊項籍滅之高帝即位以噲有功益食邑八

百戶六年正月封舞陽侯除前所食從攻韓王信定之益食千五百

戶遷為左丞相擊燕王盧縮破之益食邑三百戶定食舞陽五千四

百戶十三年惠六年卒子伉以惠七年嗣侯而伉母呂類亦為臨光

侯高后八年伉坐呂氏誅國絕數月文元年復封噲庶子市人為侯

復故邑二十九年卒謚曰荒子佗廣以景七年嗣六年景中六年坐

非荒侯子下吏免元康四年噲曾孫長陵不更勝客詔復家元始二

年復封噲玄孫之子章為舞陽侯凡四世六侯

曲周縣屬廣平景侯酈商陳留高陽人陳勝起商聚少年得數千人屬高

帝於岐從攻長社先登賜爵信成君以將軍從入漢還定三秦賜食

邑武城六千戶從擊項籍益食四千戶高帝即帝位為右丞相六年

正月賜爵列侯食邑涿郡五千戶擊破陳豨又從破黥布更今封食

邑五千一百戶除前所食二十二年高后八年卒子寄以文元年

嗣三十一年景中二年有難免戶萬八千中三年復封商宅子堅為

繆侯奉商後是為靖侯卒子康侯遂成以元光四年嗣卒子懷侯世宗嗣卒子終根以元鼎二年嗣二十九年後二年坐祝詛要斬國除元康四年商玄孫之子長安公士共詔復家元始二年詔賜商代後者猛友爵關內侯凡五世六侯

高粱地關共侯酈疥景侯商從子父食其好讀書家貧落魄無衣食業為里監門然吏縣中賢豪不敢役皆謂之狂生年六十餘以客從起陳留說下陳留號廣野君弟商為將食其嘗以列侯為說客馳使諸侯韓信方東擊齊高帝使食其說齊王田廣降之而信乃進兵襲齊齊王烹食其十二年高帝舉功臣思食其亦數將兵帝以其父故封後更食武陽六十三年卒子勃以元光三年嗣卒子平司史表無元此侯元狩元年坐罪免國除元康四年食其玄孫陽陵公乘賜詔復家凡三世

汝陰縣屬汝南文侯夏侯嬰沛人也試補縣吏與高帝相愛高帝之攻沛也嬰以縣令史從降沛為太僕常奉車從破秦賜爵執珪高帝為漢王賜爵列侯號昭平侯還定三秦從擊項籍賜食邑沂陽定楚至魯益食茲民高帝即位從擊滅荼取楚王信五年十二月更封汝陰侯千戶從擊匈奴益食細陽千戶從擊陳豨黥布益千戶定食汝陰六千九百戶除前所食高后崩與大臣迎立文帝復為太僕三十年文八年卒子夷侯竈以文九年嗣七年卒子共侯賜以文十六年嗣四十年卒子頗以元光三年嗣十八年元鼎二年坐尚公主與父御婢姦自殺國除初嬰為滕令奉車故號滕公及曾孫頗尚主主隨外家姓號孫公主故滕公子孫為滕民凡四世

潁陰縣屬潁川懿侯灌嬰睢陽販繒者也高帝為沛公嬰以中涓從破秦

賜爵執帛號宣陵君從至霸上賜爵執圭號昌文君從入漢還定三秦擊破項籍賜爵列侯號昌文侯食杜平鄉以將軍屬從韓信定齊淮南及八邑賜益食邑二千五百戶追殺項籍高帝卽帝位賜益邑三千戶六年正月封潁陰侯定食潁陰二千五百戶從擊陳豨破黥布益食邑二千五百戶高帝歸定令嬰食潁陰五千戶除前所食邑後與絳侯共誅諸呂迎立文帝益封三千戶歲餘以丞相卒凡二十六年子平侯何以文五年嗣二十八年卒子疆以景中三年嗣十五年有罪絕戶八千四百武元光二年復封嬰孫賢爲臨汝侯奉嬰後五年元朔五年坐罪免國除千戶元康四年嬰曾孫長安官首匿詔復家元壽二年詔賜嬰代後者誼爵關內侯

凡三世

陽陵

縣屬

景侯傅寬以魏五大夫騎將從高帝爲舍人起橫陽至霸

上高帝爲漢王賜封號共德君從入漢中還定三秦食邑雕陰從擊項籍賜爵通德侯益食邑屬淮陰定齊地高帝卽位之年十二月定封陽陵侯二千六百戶除前所食爲齊相國後爲丞相惠五年卒凡十二年子頃侯清以惠六年嗣二十二年卒子共侯明以文十五年嗣十二年卒子偃以景四年嗣三十一年元狩元年坐與淮南王謀反誅元康四年寬玄孫之孫長陵士伍景詔復家

凡四世

蒯成

縣屬

制侯周緜沛人也以舍人從高帝起沛至霸上西入漢中

還定三秦常爲參乘賜食邑泚陽從擊項籍戰有利有不利終亡離

心高帝卽位六年八月封信武侯食邑三千三百戶十二年更封蒯

城侯二十七年文五年卒子昌以文七年嗣有罪國除景中元年復

封緜子應爲鄆侯一年卒謚康侯子仲居嗣二十四年元鼎三年坐

為太常有罪國除元康四年縲曾孫長安公士禹詔復家卒七子復
免元始元年復以縲玄孫護為禹後卒亡子絕凡三世

信武地名肅侯斬歙以中涓從起宛胸擊破秦軍賜爵臨平君從至

霸上高帝為漢王賜爵建武侯遷騎都尉從定三秦擊項籍別定江

陵食邑四千二百戶高帝即位十二月定封信武侯食四千六百戶

從擊黥布有功益封定食邑五千三百戶九年高后五年卒子亭以

高后六年嗣二十一年文後三年有罪免國除元康四年歙玄孫之

子長安上造安漢詔復家

史贊曰仲尼稱犁牛之子騂且角雖欲勿用山川其舍諸言士不

繫於世類也樊噲夏侯嬰灌嬰之徒方其鼓刀僕御販繒之時豈

自知附驥之尾勒功帝籍慶流子孫哉

安國縣屬武侯王陵故沛人始為縣豪高帝微時兄事陵及起沛入

咸陽陵亦自聚黨數千人居南陽不肯從高帝及高帝為漢王還擊

項籍乃以兵屬漢從定天下以功封食邑五千戶二十一年惠七年

以右丞相卒子哀侯忌以高后八年嗣二年卒子終侯旌以文元年

嗣三十九年卒子安侯辟方以武建元元年嗣二十年卒子定以元

狩三年嗣八年元鼎五年坐耐金免元康四年陵玄孫長安公長異

詔復家凡五世

汾陰縣屬悼侯周昌沛人也其從兄苛秦時皆為泗水卒吏從高帝

起沛以昌為職志苛為客從入關破秦高帝為漢王以苛為御史大

夫昌為中尉高帝還擊項籍使苛守滎陽為籍所烹遂以昌為御史

大夫常從擊楚高帝即位六年正月封左遷為趙相十年卒子哀侯

開方以惠四年嗣十六年卒子意以文前五年嗣十三年坐罪免國除景中二年復封昌孫左車爲安陽侯八年建元元年有罪國除元康四年昌曾孫沃侯國士伍明詔復家

高景史表作高京侯周成父苛以內史從破秦爲御史大夫入漢圍取諸

侯守滎陽功比辟陽侯爲項籍所烹九年四月成以父死事封三十年文後五年謀反下獄死國除景中元年更封成孫應爲繩侯卒

子平嗣元狩五年坐罪免國除元康四年成玄孫長安公大夫賜詔復家凡三世

廣阿縣屬鉅鹿懿侯任敖沛人也少爲獄吏高帝嘗避吏吏繫吕后遇之

不謹敖素善高帝怒擊傷主吕后更及高帝初起敖以客從爲御史守豐二歲高帝立爲漢王東擊項籍敖遷爲上黨守高帝卽位陳豨

及代敖以堅守封食邑千八百戶高后時爲御史大夫免文元年卒

凡十九年子夷侯敬以文三年嗣一年卒子敬侯但以文四年嗣四十年卒子越人以建元五年嗣二十一年元鼎二年坐爲太常廟酸

不敬國除元康四年敖玄孫廣阿簪裏定詔復家凡四世

北平縣屬中山文侯張蒼陽武人也好書律曆秦時爲御史主柱下方書

有罪亡歸及高帝爲沛公略地過陽武蒼以客從至咸陽入漢中還定三秦從淮陰侯平趙高帝以蒼爲代相從攻臧荼有功以六年八

月封北平侯食邑千二百戶遷爲計相一月更以列侯爲主計十四年遷爲御史大夫景五年卒自封至卒凡五十年子康侯奉以景六

年嗣八年卒子類以景後元年嗣七年武建元五年坐臨諸侯喪後免國除元康四年蒼玄孫之子長安公士益宗詔復家凡三世以上十六侯有傳

史記本傳曰初張蒼父長不滿五尺及生蒼蒼長八尺餘為侯丞相蒼子復長及孫類長六尺餘坐法失侯蒼之免相後老口中無齒食乳女子為乳母妻妾以百數嘗孕者不復幸蒼年百有餘歲而卒

清陽

史記年表作清陽漢表作清河地里志清陽縣屬清河郡漢封諸侯皆以縣名當從史記

定侯王吸以中涓

從起豐至霸上為騎郎將入漢以將軍擊項籍功六年十二月封三千二百戶二十二年卒子哀侯疆以文元年嗣七年卒子孝侯伉以文八年嗣二十年卒子哀侯不害以景五年嗣十九年元光二年卒亡後國除元康四年吸玄孫長安大夫充國詔復家凡四世

廣

史記索隱曰晉書地道記廣縣在東莞嚴謚也史漢皆誤

嚴侯召歐以中涓從起沛至霸上為

連敖入漢以騎將定燕趙得燕將軍六年十二月封二千二百戶二

十三年卒子戴侯勝以文二年嗣九年卒子共侯嘉以文十一年嗣

十三年文後七年卒亡後國除元康四年歐玄孫安陵大夫不識詔

復家凡三世

廣平

縣屬臨淮

敬侯薛歐以舍人從起豐至霸上為郎入漢以將軍擊項

籍將鍾離昧功六年十二月封四千五百戶十四年卒子靖侯山以

高元年嗣二十六年卒子節侯澤以文後三年嗣景中三年有罪免

中二年復封澤為平棘侯二十三年卒子穰以元朔四年嗣三年元

狩元年坐罪免國除元康四年歐玄孫長安大夫去病詔復家凡四世

博陽

縣在汝南

莊侯陳濞以舍人從起楊以刺客將入漢以都尉擊項籍

榮陽絕甬道殺追士卒功六年十二月封二十年卒子共始以文後

三年嗣九年坐罪免景中五年復封共始為塞侯

塞在桃林之西

二年後元

年有罪免國除元康四年潯曾孫茂陵公乘壽詔復家 凡二世

堂邑 縣屬臨淮 安侯陳嬰以自定東陽為將屬項羽為楚柱國四歲項羽

死屬漢定豫章浙江都浙定自為王壯息 師古曰嬰既定浙而都之時又有壯息者借稱王嬰

復討平也 六年十二月封六年卒子共侯祿以高后五年嗣十八年卒子

夷侯午以文三年嗣尚公主四十八年卒子季須以元光六年嗣十

三年元鼎元年坐罪自殺國除景中五年復封長公主子融為隆慮

侯萬五千戶二十九年坐母薨未除服姦自殺國除元康四年嬰玄

孫之子霸陵公士尊詔復家 凡四世

梁鄒 縣屬濟南 孝侯武虎 史表作儒 兵初起以謁者從擊破秦入漢還定三秦

出關以將軍擊定諸侯比博陽侯六年正月封十一年卒子最嗣五

十八年卒子頃侯嬰齊以元光三十年嗣二十年卒子山柎以元鼎

四年嗣一年元鼎五年坐耐金免元康四年虎玄孫之子夫夷侯國

公乘充竟詔復家 凡四世

成 縣屬丞郡 敬侯董濞兵初起以舍人從擊秦為都尉入漢定三秦出關

以將軍定諸侯功比厭次侯六年正月封二千八百戶七年卒子赤

嗣四十四年有罪免戶五千六百景中五年復封赤為節氏侯八年

卒謚康侯子共侯罷軍嗣五年卒子朝以元光四年嗣十二年元狩

三年坐罪耐為鬼薪國除元康四年濞玄孫平陵公乘詘詔復家 凡四世

蓼 縣屬六安 夷侯孔聚以執盾從起碭以左司馬入漢為將軍三以都尉

擊項籍屬韓信六年正月封三十年卒子藏以文九年嗣四十五年

元朔三年坐為太常以罪免國除元康四年藁玄孫長安公士宣詔復家

史記索隱曰姚氏云按孔子家語云子武生子魚及子文子文生最字子產說文以最爲積聚字此作藜不同又按孔叅云臧歷位九卿爲御史大夫辭曰臣經學乞爲太常典禮臣業以安國綱紀右訓武帝難違其意遂拜太常典禮賜如三公臧子琳位至諸吏琳子黃失侯爵此云臧國除當是後更封其子也

費縣屬圍或作圍漢表無謚侯陳賀以舍人從起碭以左司馬入漢用都尉

屬韓信擊項籍爲將軍定會稽浙江胡陵侯六年正月封二十二年卒子共侯常以文元年嗣二十四年卒子偃以景二年嗣八年有罪免景中六年復封賀子最爲巢侯二年卒亡後國除元康四年賀曾

孫茂陵上造橋詔復家

凡三世四侯

陰慮縣屬河內克侯周竈以卒從起碭以連敖入漢以長鉅都尉擊項籍

有功六年正月封三十九年卒子通以文後二年嗣十二年景中元年有罪國除元康四年竈玄孫陽公乘詔復家

陽都縣屬琅邪敬侯丁復以越將從起薛至霸上以樓煩將入漢定三秦

屬周呂侯破龍且彭城爲大司馬破項籍兼爲將軍忠臣侯六年正月封七千八百戶十九年卒子趨侯竈以高后六年嗣十三年卒子安成以文六年嗣十五年景二年有罪國除戶萬四千元康四年復

曾孫臨沂公士賜詔復家

凡三世

陽信縣屬汝南胡侯呂青以漢五年用令尹初從功比堂邑侯六年正月

封千戶十年卒子頃侯臣以惠四年嗣十八年卒子懷侯義以文七年嗣二年卒子惠侯它以文九年嗣十九年卒子共侯善以景五年嗣五年卒子談以景中三年嗣二十五年元鼎五年坐耐金國除元

康四年青玄孫長陵大夫陽詔復家 凡六世

東武縣屬琅邪貞侯郭蒙以戶衛從起薛屬周呂侯破秦軍扛里陷楊熊

軍曲遇入漢為城將定三秦以都尉堅守敖倉為將軍破項籍六年

正月封三千戶十九年卒子它以高后六年嗣三十一年景六年有

罪棄市國除戶萬一百元康四年蒙玄孫長陵公士廣漢詔復家

什防史作什加縣屬廣漢肅侯雍齒故沛豪有力與高帝有郤晚從定諸侯六

年五月封二千五百戶九年卒子荒侯鉅鹿以惠三年嗣二十八年

卒子野以景三年嗣十年卒子中侯桓以景中六年嗣元鼎五年坐

酎金免元康四年上造長安上造章詔復家 凡四世

陳沛史漢地關剛侯陳武以將軍將卒二千五百人起薛別救東阿至霸

上二歲十月入漢擊齊歷下軍臨菑侯田既功六年三月封四十八

年文後元年卒子竒反不得置後國除元康四年武曾孫雲陽上造

嘉詔復家

都昌地關莊侯朱軫以舍人從起沛以隊帥先降翟王虜章邯六年三

月封四年卒子剛侯率以高后元年嗣十五年卒子夷侯誦以文八

年嗣十六年卒子共侯偃以景元年嗣三年卒子辟彊嗣五年中元

年卒亡後元康四年軫玄孫昌侯國公士先詔復家 凡五世

武疆關莊侯嚴不職以舍人從起沛至霸上以騎將入漢還擊項籍

屬丞相甯功侯用將軍擊黥布六年三月封二十年卒子簡侯嬰以

高后七年嗣十九年卒子青翟以文後二年嗣四十七年元鼎二年

坐為丞相逮御史大夫湯不直自殺國除元康四年不職曾孫長安

公乘仁詔復家 凡三世

貫音世縣屬鉅鹿齊侯合傳胡害以越戶將從破秦入漢定三秦以都尉擊

項籍功比臺侯六年三月封六百戶二年卒子共侯方山以高八年

嗣二十九年卒子煬侯赤以文元年嗣十一年卒子康侯遺以文十

二年嗣四十四年卒子猜以元朔五年嗣八年元鼎元年坐殺人棄

市元康四年胡害玄孫茂陵公士世詔復家元壽二年詔賜胡害為

後者爵之上凡五世

海陽縣屬南越齊信侯搖母餘東越之族也以越隊將從破秦入漢定三

秦以都尉擊項籍六年三月封九月卒子哀侯昭襄以惠三年嗣十

年卒亡後國除元康四年母餘玄孫之子不更未央詔復家元壽二

年詔賜母餘代後者賢爵關內侯凡四世

南安縣屬犍為莊侯宣虎以河南將軍漢三年降晉陽以亞將破臧荼六

年三月封九百戶三十年卒子共侯戎以文九年嗣十一年卒子千

秋以文後四年嗣十一年景中元年坐傷人免戶二千一百元康四

年虎曾孫南安簪襄護詔復家凡三世

肥如縣屬遼西敬侯恭寅以魏太僕漢三年初從以車騎將軍破龍且及

彭城侯六年三月封二十四年卒子莊侯戎以文三年嗣十四年卒

子奴以文後元年嗣七年景元年卒亡後國除元康四年寅曾孫肥

如大夫福詔復家凡三世

曲成縣屬涿郡圉侯蟲達以曲城戶將卒三十七人初從起碭至霸上為

執珪五年為二隊將屬周呂侯入漢定三秦以都尉破項籍陳下六

年正月封四千戶二十二年卒子捷以文元年嗣八年有罪免十四

年捷復封十八年復免戶九千三百景中五年捷復封五年卒子臯

柔以建元二年嗣二十四年元鼎二年坐為汝南太守以罪免國除元康四年達玄孫茂陵公乘宜詔復家 凡三世

史記索隱曰楚漢春秋云夜侯蟲達蓋改封也夜縣屬東萊又謚法威德彊武曰圉子恭侯捷封垣故位次曰夜侯垣亦誤

河陽 縣屬河內 莊侯陳涓以卒從起碭以二隊將入漢擊項籍得梁郎將

處以丞相定齊地六年三月封二十二年卒子信以文元年嗣二年

坐罪奪侯國除元康四年涓玄孫卽丘公士元詔復家 凡二世

芒 縣屬沛郡 侯彰跽以門尉從起碭至霸上為定武君入漢還定三秦以

都尉擊項籍六年三月封三年卒亡九年有罪國除景三年昭以故

芒侯將兵從太尉擊吳楚有功復封為張侯卒子申以景後元年嗣

元朔六年坐罪免

卮言曰按漢表云芒侯彰跽封三年薨亡後侯昭嗣有罪免孝景

三年復封張侯申嗣既云亡後何以有二嗣侯辭似矛盾今從史

記

敬市 縣屬河南 侯閻澤赤以執盾初起入漢為河上守遷為殷相擊項籍

功比平定侯六年四月封千戶三年卒子夷侯無害以高九年嗣三

十八年卒子戴侯續以文後四年嗣八年卒子穀以景五年嗣元鼎

五年坐耐金免元康四年澤赤子玄孫之子長安上造章世詔復家

凡四世

柳丘 縣屬渤海 齊侯戎賜以連敖從起薛以三隊將入漢定三秦以都尉

破項籍軍為將軍六年六月封八千戶十八年卒子定侯安國以高

后五年嗣三十年卒子敬侯嘉成以景四年嗣十一年卒子角以景

後元年嗣有罪免國除戶三千元康四年賜玄孫長安公士元生詔復家凡四世

魏其縣屬莊侯周止史表以舍人從起沛以郎中入漢為周信侯定

三秦以為騎郎將破項籍東城六月封千戶十八年卒子簡以后五

年嗣二十九年景三年謀反誅國除元康四年止玄孫長安不更廣

世詔復家

祁縣屬穀侯續賀以執盾從起晉陽以連敖擊項籍高帝為漢王敗

走賀擊楚追騎以故不得進六年六月封千四百戶二十三年卒子

頃侯胡以文十二年嗣十七年卒子它以景六年嗣十九年元光二

年坐罪免國除元康四年賀玄孫茂陵公大夫賜詔復家凡三世

平縣屬悼侯工師喜史表兵初起以舍人從擊秦楚以郎中入漢

以將軍定諸侯守洛陽功比費侯賀六年六月封千三百戶六年卒

子靖侯奴以文十二年嗣三十一年卒子執以文十六年嗣十九年

景中五年坐罪免國除戶三千二百凡三世

卮言曰漢表平侯工師喜史表云沛嘉位次曰聊城侯互異如此

魯縣屬侯奚涓以舍人從起沛至咸陽為郎中入漢以將軍從定諸

侯功比舞陽侯六年六月封四千八百戶是年死軍事無子封母疵

為重平侯十九年卒國除

城父縣屬沛史莊侯尹恢兵初起以謁者從入漢以將軍擊定諸侯

以右丞相備守淮陽功比厭次侯諸莊六年封一千戶九年卒子開

方以惠三年嗣七年高后三年奪爵為關內侯元康四年恢玄孫之

子新豐簪菓殷詔復家

任縣屬廣平侯張越以騎都尉從起東垣擊燕代屬雍齒有功爲車騎將軍六年封十六年高后三年坐匿死罪免國除戶七百五十

棘地名侯襄以執盾隊史從起碭破秦以治粟內史入漢以上郡守

擊定西魏地六年封十四年高后元年有罪免國除戶九百七十

阿陵縣屬涿郡項侯郭亭以連敖從起單父以塞路入漢還定三秦屬周

呂侯以都尉擊項籍六年七月封二十四年卒子惠侯歐以文三年

嗣二十二年卒子勝侯客以景二年嗣八年有罪免國除中六年復

封亭子延居爲南侯十五年卒謚靖侯子則以元光六年嗣十七年

元鼎五年坐耐金免國除元康四年亭玄孫茂陵公乘賢詔復家凡三

世五侯

昌武地名靖信侯單究初起以舍人從以郎中入漢定三秦以郎騎

將軍擊諸侯功比魏其侯六年七月封九百八十戶十三年卒子惠

侯如意以惠六年嗣四十二年卒子賈成以景中四年嗣十六年卒

子德以元光五年嗣四年元朔二年坐罪棄市除戶六百元康四年

究玄孫之孫陽陵公乘萬年詔復家凡四世

高宛史表作高苑縣名屬千乘制侯丙猜初以客從入漢定三秦以中尉破項籍

功比斥丘侯六年七月封千六百五戶七年卒子簡侯得以惠元年

嗣三十年卒子平侯武以文十六年嗣二十四年卒子信以建元元

年嗣三年坐罪免國除戶三千三百元康四年猜玄孫之孫高苑大

夫齟詔復家元始三年猜玄孫之曾孫內詔賜爵關內侯凡四世

宣曲地名齊侯丁義以卒從起留以騎將入漢定三秦破籍軍滎陽

爲郎騎將破鍾離昧軍固陵六年七月封六百七十戶二十二年卒

子通以文十一年嗣十七年有罪免國除戶千一百景中五年復封通為發婁侯十一年有罪免國除元康四年義曾孫陽安公士年詔復家

終陵史表作絳陽齊侯華毋害以越將從起留入漢定三秦擊滅荼從攻

馬邑及布六年七月封三十五年卒子共侯勃以文四年嗣十六年

卒子祿以文後四年嗣七年以景四年坐罪免國除戶千五百元康

四年毋害曾孫於陵大夫告詔復家凡三世

東茅地名敬侯劉到史表作釗以舍人從起碭至霸上以三隊入漢定三

秦以都尉擊項籍破滅荼六年八月封以捕韓王信為將軍益邑千

戶二十四年卒子告以文三年嗣十三年文十六年坐罪免國除元

康四年到曾孫綱陽公乘威詔復家

斥丘魏郡屬懿侯唐厲以舍人從起豐以左司馬入漢以亞將攻籍却

敵為東部都尉破籍為中尉六年八月封武成侯擊黥布有功更封

斥丘侯千戶二十年卒子共侯朝以文九年嗣十二年卒朝史作子賢

以文後六年嗣四十二年卒子尊以元鼎二年嗣二年元鼎五年坐

酎金免國除元康四年厲曾孫長安公士廣意詔復家凡四世

臺臺鄉縣屬臨淄定侯戴野以舍人從起碭用隊率入漢以都尉擊項籍籍

死擊臨江屬將軍劉賈功以將軍擊燕代六年八月封二十五年卒

子午漢表第以文四年嗣二十二年景三年坐謀反誅元康四年野玄

孫長陵上造安昌詔復家

樂成地名節侯丁禮以中涓騎從碭為騎將入漢定三秦為正奉侯

以都尉擊項籍屬灌嬰殺龍且六年八月定今封食邑千戶二十七

年卒子夷侯馬從以文五年嗣十八年卒子式侯吾客以文後七年

嗣四十二年卒子義以元鼎三年嗣三年坐罪棄市國除戶二千四

百元康四年禮玄孫之孫長安公士禹詔復家凡四世

辟陽縣屬信都幽侯審食其以舍人初起侍呂后六年八月封二十五年

以丞相為淮南王長所殺子平以文四年嗣二十一年景二年坐謀

反自殺元康四年食其曾孫茂陵公乘非詔復家

卮言曰辟陽以嬖倖得侯亂漢家法其子又以謀反誅元康中乃

與諸功臣並詔復家漢於是失政刑矣

安平縣屬涿郡敬侯鄂秋史表作鄂千秋以謁者漢三年初從定諸侯有功食邑

安平六年八月以舉蕭何功因故侯封三千戶十二年卒子簡侯嘉

以惠三年嗣九年卒子頃侯應以高后八年嗣十四年卒子煬侯寄

以文十四年嗣二十五年卒子但以景後三年嗣十九年元狩元年

坐罪棄市元康四年秋玄孫之子解大夫後詔復家凡五世

高胡侯陳夫乞以卒從起扛里入漢以都尉擊項籍將軍定燕六年

封二十五年卒子煬侯程以文五年嗣卒亡後國除元康四年夫乞

玄孫公乘勝之詔復家

厭次縣屬平原侯爰類史表爰項以慎將從起留入漢以都尉守廣武功六年

封二十二年卒子賀以文元年嗣六年謀反誅國除元康四年類玄

孫之子陽陵公士世詔復家元始三年類玄孫之孫萬詔賜爵關內

侯

復陽縣屬南陽剛侯陳胥以卒從起薛以將軍入漢以右司馬擊項籍七

年十月封千戶三十一年卒子共侯嘉以文十一年嗣十八年卒子

康侯拾以景六年嗣二十三年卒子彊以元朔元年嗣七年元狩二年坐父拾非嘉子免國除元康四年胥曾孫雲陽簪褻幸詔復家元始元年胥玄孫之子傳詔賜帛百疋凡三世

陽河縣屬上黨齊侯其石史表云齊哀侯無名以中謁者從入漢以郎中騎從定諸

侯功比高胡侯七年十一月封三年卒子安國以高十年嗣五十一

年卒子午以景中四年嗣三十三年卒國中絕元鼎四年更封章為

卑山侯十三年卒謚共侯子仁以元封元年嗣征和三年坐祝詛要

斬國除元康四年石玄孫之子長安官大夫益壽詔復家凡五世

柏至地名關靖侯許益史表許溫以駢隣從起昌邑以說衛入漢以中尉擊

項籍七年十月封千戶十四年高后元年有罪免三年復封六年卒

子簡侯祿以文元年嗣十四年卒子哀侯昌以文十五年嗣三十二

年卒子安如以元光二年嗣十三年卒子福以元狩元年嗣五年元

鼎三年坐罪免國除元康四年益玄孫之子長安公士建詔復家凡五世

中水縣屬涿郡莊侯呂馬童以中郎騎將從起好時以司馬擊龍且復共

斬項籍七年正月封千五百戶三十年卒子夷侯瑕以文十年嗣二

年卒子共侯青眉以文十三年嗣三十二年卒子靖侯德以建元六

年嗣一年卒子宜城以元光元年嗣二十五年元鼎五年坐酎金免

國除元康四年馬童玄孫之孫長安公士建詔復家

杜衍縣屬南陽莊侯王翥史表作翳以中郎騎漢二年從起下邳屬淮陰侯從

灌嬰共斬項羽七年正月封千七百戶十八年卒子共侯福以高后

六年嗣七年卒子市臣以文五年嗣七年卒子舍史表作翁以文十二年

嗣二十四年有罪免國除戶三千四百景後元年復封翦子郢人十二年卒諡曰彊侯子定國以元光四年嗣十三年元狩五年有罪免

國除元康四年翦曾孫長安大夫安樂詔復家

凡四世六侯

赤泉

地名莊侯楊喜以郎中騎漢二年從起杜屬淮陰後從灌嬰兵

斬項羽七年正月封千九百戶十三年高后元年有罪免二年復封

十八年卒子定侯敷

史表作殷

以文十二年嗣十五年卒子母害以景四

年嗣六年坐罪免國除中五年復封母害為臨汝侯十二年元光二

年有罪免國除元康四年喜玄孫茂陵不更孟嘗詔復家子恢代復

卒子譚代卒子並代永始元年賜帛百疋二年求復不得

凡三世

朝陽

縣屬南陽齊侯華寄以舍人從起薛以連敖入漢以都尉擊項籍復

攻韓王信七年三月封千戶十二年卒子文侯要以高后元年嗣二

十一年卒子當以文十四年嗣三十九年元朔二年坐罪免國除戶

五千元康四年寄玄孫奉明大夫定國詔復家

凡三世

棘陽

棘音紀縣屬南陽

莊侯杜得臣以卒從起胡陵入漢以郎將迎左丞相

軍擊項籍七年七月封二千戶二十六年卒子質侯但以文六年嗣

四十二年卒子懷侯武以元光四年嗣七年元朔五年卒亡後

凡三世

涅陽

縣屬南陽

莊侯呂騰

史表作勝

以騎士漢三年從出關以郎中共擊斬項

羽功比杜衍侯七年封二十五年文五年卒子成實非子不得代國

除元康四年騰玄孫之子涅陽不更忠詔復家

平棘

縣屬常山

懿侯林摯

史表作執無姓

以客從起亢父斬章邯所置屬守為燕

相國七年封二十四年卒子辟彊以文五年嗣有罪鬼薪國除元康

四年摯曾孫項圍大夫常驩詔復家卒亡子絕

深澤縣屬中山齊侯趙將夕史表將夜以趙將漢三年降屬淮陰侯定趙齊楚

又以擊平城有功七年十月封十三年高后元年有罪免二年復封

二年卒子戴侯頭以文後二年嗣八年卒子循史記作情以景三年嗣七

年有罪免中五年復封頭子胡為更侯二十一年元朔五年卒諡曰

夷侯亡後絕凡三世四侯

擗史表作恂縣屬扶風項侯温亦以燕將軍漢四年從破曹咎軍為燕相告燕

王荼反又以燕相國定盧綰七年十月封二十五年卒子文侯仁以

文六年嗣十七年卒子何以文後七年嗣七年景中四年有罪國除

漢表云元康四年亦玄孫長安公士福詔復家凡三世

歷縣在信都史記表作磨誤簡侯程黑以趙衛將軍漢二年從起盧奴擊項籍敖

倉下為將軍攻臧荼有功八年十月封千戶十四年卒子孝侯釐以

后三年嗣二十二年卒子竈以文後元年嗣十四年景中元年有罪

免國除元康四年黑玄孫之子長安簪叟弘詔復家元始五年詔賜

黑代後者安爵關內侯

武原地名關靖侯衛肱漢四年以梁將軍初從擊韓信陳豨黥布功比

高陵侯八年十二月封二千八百戶八年卒子共侯寄以惠四年嗣

三十七年卒子不害以景三年嗣十二年後二年坐罪免國除元康

四年肱玄孫郭公乘堯詔復家凡三世

橐縣屬山陽祖侯陳錯史表作祇侯陳錯高帝七年為將軍從擊代陳豨有功八

年十二月封六百戶七年卒子懷侯嬰以惠二年嗣十九年卒子共

侯應以文七年嗣十四年卒子節侯安以文後五年嗣三十一年卒

子千秋以元狩二年嗣九年元鼎五年坐酎金免國除元康四年錯

玄孫之子茂陵公乘王儒詔復家凡五世

宋子縣屬鉅鹿惠侯許憇以漢三年用趙羽林將初從擊定諸侯功比歷

侯八年二月封四月卒子共侯留史作不疑以高十二年嗣二十五年卒

子九以文十年嗣三十二年景中二年坐罪免國除元康四年憇玄

孫之孫宋子大夫廼詔復家凡三世

倚氏縣屬河東敬侯陳遯以舍人從起豐入漢以都尉擊項籍八年三月

封千一百戶十一年卒子靖侯支史表作交以惠七年嗣二十四年卒子

頃侯羌史表作差以景三年嗣一年卒亡後國除元康四年遯曾孫倚氏

大夫胡詔復家凡三世

清縣屬東郡簡侯室中室中姓見風俗通史表作空中以弩將初起從入漢以都尉擊

項籍功比彭侯八年三月封千戶子頃侯聖以惠元年嗣三十二年

卒子康侯鮒以文八年嗣五十二年卒子頃侯古以元狩三年嗣七

年卒子生以元鼎四年嗣明年坐酎金國除元康四年同玄孫高宛

簪裹武詔復家

疆固侯留盼史表作勝以客吏初起從入漢以都尉擊項籍功比彭侯八

年三月封千戶三年卒子戴侯章以高十一年嗣二十九年卒子復

以文三年嗣二年有罪免國除元康四年盼曾孫長安大夫定詔復

家凡三世

彭縣屬東海簡侯秦同以卒從起薛以弩將入漢以都尉擊項籍八年三

月封千戶二十二年卒子戴侯質以文三年嗣二十三年卒子武以

景三年嗣十一年後元年有罪免國除元康四年同玄孫費公士壽

王詔復家凡三世

呂房縣屬汝南莊侯楊武以郎中騎將漢元年從起下邳擊夏陽以騎都

尉斬項羽有功八年三月封三十二年卒子去疾以文十三年嗣二

十五年景後三年有罪免國除元康四年武孫霸陵公乘談詔復家

談兄孫為次復亡子絕

甯縣屬齊南莊侯魏遯以舍人從起碭入漢以都尉擊臧荼有功八年四

月封三十五年卒子共侯連以文十六年嗣八年卒子指以文後元

年嗣三年坐出國界免國除元康四年遯玄孫長安公士都詔復家

凡三世

昌縣屬琅邪圉侯旅史表作盧旅即盧古旅弓字卿以齊將漢四年從韓信起無鹽定

齊擊項籍又擊韓王信於代八年六月封千戶二十四年卒子通以

文十五年嗣十一年景三年坐謀反誅國除元康四年卿玄孫長安

公士都昌上造光詔復家光卒子賜代卒無子絕有同產弟元始二

年求代不得

共縣屬河內莊侯張罷師以齊將漢四年從韓信起擊項籍又攻韓王信

於平城有功八年六月封千二百戶二十六年卒子惠侯黨以文七

年嗣五年卒亡子國除元康四年罷師曾孫霸陵簪裏信詔復家

闕氏縣屬安定節侯馮解散史表解散以代大與漢三年降為鴈門守以將軍

平代反寇八年六月封千戶四年卒子共侯它以高十二年嗣一年

卒亡後它遺腹子文侯遺以文二年嗣十四年卒子共侯勝之以文

十六年嗣十二年卒子平以景六年嗣三十九年元鼎五年坐酎金

免國除凡五世

安丘縣屬北海懿侯張說以卒從起方與屬魏豹一歲五月以執鉞入漢

以司馬擊項籍以將軍定代八年七月封三千戶三十二年卒子共

侯奴以文十二年嗣十二年卒子敬侯執以景三年嗣十年卒子康

漢訢以景四年嗣二十年卒子拾史記作指以元狩元年嗣九年元鼎四

年坐罪免國除元康四年說玄孫之子陽陵上造舜詔復家凡五世

襄平縣屬臨淮侯紀通父城以將軍從擊破秦入漢定三秦功比平定侯

戰好時死事封末通以八年九月封五十二年卒子康侯相夫以景中

三年嗣十九年卒子夷吾以元朔元嗣十九年元封元年卒無後國

除元康四年通玄孫長安簪萬年詔復家凡三世

龍陽史表作龍索隱曰廬江有龍舒縣蓋其地敬侯陳署初以卒從漢元年起霸上以謁

者擊項籍曹咎八年九月封千戶十八年卒子堅以後七年嗣十八

年文後元年有罪免國除

平史表作繁地關莊侯張瞻史表以趙騎將漢五年從擊諸侯功比吳房

侯九年十二月封千五百戶八年卒子慶侯惇史表康侯煦獨以惠五年嗣

三十七年卒子景以景四年嗣卒子安國以景中三年嗣元狩元年

為人所殺國除元康四年瞻師玄孫之子連城上造敏詔復家凡四世

陸梁地在江南表作陸量侯須無高帝九年三月詔以為列侯自置吏受令長

沙王三年卒子共侯桑以高十二年嗣三十四年卒子康侯慶忌以

文後三年嗣五年卒子冉以景元年嗣四十四年元鼎五年坐酎金

免元康四年無曾孫酈陽秉鐸聖詔復家凡四世

離地關侯鄧弱以長沙將兵九年四月封

義陵一作義陽縣在汝南侯吳郢以長沙柱國九年九月封千五百戶七年卒

子重史表作種以惠四年嗣十年高后九年卒亡後

東陽縣屬臨淮武侯張相如高帝六年為中大夫以河間守擊陳豨力戰

有功十一年十二月封千三百戶三十二年卒子共侯殷以文十六

年嗣五年卒子戴侯安國以文後五年嗣六年卒子哀侯彊以景四

年嗣十三年建元元年卒無後國除元康四年相如玄孫之子茂陵

公乘宣詔復家凡四世

慎陽縣屬汝南本侯樂說史表淮陰侯韓信舍人告信反十一年十

二月封三千戶五十二年卒子靖侯願以景中六年嗣四年卒子買

之以建元元年嗣二十二年元狩五年坐罪棄市國除元康四年說

玄孫之子長安公士通詔復家凡三世

洪氏邁曰信謀發兵襲呂后其舍人得罪信信囚欲之舍人弟

上書變告信欲反晉灼注曰楚漢春秋言謝公也表有樂說蓋非

謝公

開封縣屬河南愍侯陶舍以右司馬漢五年初從以中尉擊代功比共

侯十一年十二月封二千戶子夷侯青以高十二年嗣四十八年卒

子節侯偃以景中三年嗣十七年卒子睢以元光五年嗣十八年元

狩五年坐酎金免國除元康四年舍玄孫之孫長安公士元始詔復

家凡四世

禾成地名孝侯公孫昔史表以卒漢二年初從以郎中擊代斬陳豨

十一年正月封千九百戶二十一年卒子懷侯漸以文五年嗣九年

文十四年卒無後國除元康四年昔曾孫霸陵公乘廣意詔復家

堂陽縣屬鉅鹿哀侯孫赤以中涓從起沛以郎入漢以將軍擊項籍為惠

侯坐守滎陽降楚免後復來以郎擊籍為上黨守擊陳豨十一年正

月封八百戶九年卒子德以后元年嗣四十二年景中六年有罪免國除元康四年赤曾孫霸陵上乘明詔復家

祝柯縣屬平原孝侯高色史表作邑以客從起齧桑以上隊將入漢以將軍擊

魏太原井陘屬淮陰侯罌渡軍破項籍及陳豨十一年正月封千八

百戶二十一年卒子成以文五年嗣十四年文後三年坐罪免國除

元康四年邑玄孫長陵上造弘詔復家

鄱陽洪氏曰漢書功臣表所紀列侯功狀有紀傳所軼者韓信擊

魏以木罌在渡軍表云高邑從淮陰擊魏木罌渡軍蓋此計由邑

所建也

長修縣屬河東平侯位次曰信平侯杜恬以漢二年用御史初從出關以內史擊

諸侯功比須昌侯十一年正月封千九百戶四年以廷尉死事子懷

侯中以惠三年嗣七年卒子意以文五年嗣二十七年有心景中

五年復封相夫為陽平侯三十七年元封三年坐罪免國一

江邑地關侯趙堯以漢五年為御史用奇計從御史大夫周昌為趙相

代昌為御史大夫從擊陳豨十一年十一月封高后元年有罪免

土軍縣屬西河式侯位次曰信成侯宣義高帝六年為中地守以廷尉擊陳豨十

一年二月封一千一百戶七年以為燕相卒子孝侯莫如以惠六年

嗣三十五年卒子康侯平以景三年嗣十九年卒子生以建元六年

嗣八年元朔二年坐罪免國除元康四年義玄孫之子阿武不更寄

詔復家凡四世

須昌縣屬東郡貞侯趙衍以謁者漢元年初從起漢中軍塞渭上高帝

計欲還衍言從他道道通後為河間守陳豨反誅都尉相如有功十

一年二月封千四百戶三十二年卒子戴侯福以文十六年嗣四年卒子不害以文後四年嗣八年景五年有罪免國除元康四年衍玄孫之孫長安簪裹步昌詔復家

轅地關堅侯戚鯁初從為郎以都尉守蘄城十一年十二月以中尉封

五百戶子夷侯觸龍以惠五年嗣三十七年卒子共侯中以景四年

嗣十六年卒子賢以建元四年嗣二十五年元鼎五年坐酎金免國

除元康四年總玄孫公郎官人太常詔復家元始二年總玄孫之孫

少詔爵關內侯凡四世

汲縣屬河內紹史表作終侯公上不害高帝六年為太僕擊代豨有功十一年

二月封千二百戶三年以趙太傅卒子夷侯武以惠二年嗣二十七

年卒子康侯通以文十四年嗣二十七年卒子廣德以建元二年嗣

九年元光五年坐妻大逆棄市國除元康四年不害玄孫安陵五大

夫常詔復家凡四世

甯陵甯屬陳留夷侯呂臣以舍人從陳留以郎入漢破曹咎成臯為

都尉擊豨有功十一年二月封二十七年卒子戴侯謝以文十一年

嗣十六年卒子惠侯始以景四年嗣十七年卒無後國除元康四年

呂臣玄孫南陵公大夫得詔復家凡三世

汾陽縣屬太原莊侯史表作諡靳彊以郎中騎千人從起櫟陽擊項籍以中尉

破鍾離昧十一年三月封十一年卒子共侯解以高后三年嗣三十

三年卒子康侯胡以景五年嗣十二絕元鼎五年復封石為江鄒侯

九年太始四年坐罪免國除元康四年彊玄孫長安公乘忠詔復家

凡四世

戴縣在故敬侯祕彭祖史表無姓以卒從起沛開沛城門為太公僕以中

令擊陳豨十一年三月封十一年卒子共侯憚以高后三年嗣十二

年卒子夷侯安國以文八年嗣十二年卒子安侯軫史表作侯安期以元朔

五年嗣十二年卒子蒙以元鼎四年嗣十二年後元年坐祝詛要斬

國除元康四年彭祖玄孫之孫陽陵大夫政詔復家凡五世

師古曰今見有祕姓讀如祕書而韋昭妄為音讀非也

行地闕簡侯翟旰以漢二年為燕令以都尉下楚九城堅守燕十一年

七月封九百戶十二年卒子祗侯山以高后四年嗣二年卒子節侯

嘉以後六年嗣四十四年卒子不疑以建元三年嗣十年元朔元年

坐罪國除元康四年旰玄孫陽陵公乘光詔復家凡四世

平州縣屬巴郡共侯昭涉姓也掉尾四年以燕相從擊項籍還擊凡十一

八月封千戶十八年卒子戴侯種史表作禮以文二年嗣三年卒子懷侯

它人以文五年嗣四年卒子孝侯馬童以文九年嗣二十九年卒子

昧以景後二年嗣三十四年元狩五年坐罪免國除元康四年掉尾

玄孫浯不更福詔復家凡五世

中年縣屬河南共侯單右車史表作單父聖以卒從起沛入漢以郎擊黥布始高

帝微時有急給高帝一馬故得侯十二年十月封二十二年卒子敬

侯繒以文八年嗣五年卒子戴侯終根以文十三年嗣二十七年卒

子舜以元光二年嗣十八年元鼎五年坐酎金免國除元康四年右

車玄孫之子陽陵不更充國詔復家凡四世

郎縣屬南郡莊侯黃極忠以羣盜長為臨江將已而為漢擊臨江及諸侯

破黥布十二年十月封千戶二十七年卒子夷侯榮成史作敬侯榮盛以文

十二年嗣九年卒子共侯明以文後五年嗣三十五年卒子遂以元朔五年嗣八年元鼎元年坐罪免國除戶四千元康四年極忠玄孫之子即公乘調詔復家元始五年賜極忠代後者爵關內侯

博陽縣屬彭城節侯周聚以卒從豐以隊卒入漢擊項籍成皐有功黥布

反定吳郡十二年十月封三千戶二十四年卒子邀以文九年嗣十

五年景元年有罪奪爵一級國除元康四年聚曾孫長陵公乘萬年

詔復家

陽羨縣屬宜陽史表作陽陵定侯靈常以荆令尹漢五年初從擊鍾離昧及陳

公利幾破之徙為漢中大夫從至陳取韓信還為中尉從擊布有功

十二年十月封二千戶子共侯賀以後七年嗣八年卒子哀侯勝以

文七年嗣六年卒亡後國除元康四年常玄孫南和大夫橫詔復家

下相縣屬臨淮莊侯冷音零耳以客從起沛入漢擊破田解軍以楚丞相堅

守彭城拒布軍十二年十月封千戶子順以文三年嗣十三年景三

年坐謀反誅元康四年耳玄孫長安公士安詔復家

高陵縣屬琅邪圜侯王虞人以騎司馬漢元年從起廢丘以都尉破田橫

龍且追籍至東城以將軍擊布十二年十二月封九百戶十年卒史表

王周史表弄作并子惠侯弄弓漢表無謚以後二年嗣十八年卒子行以文三

年嗣十二年景三年謀反誅

期思縣屬汝南康侯賁赫淮南王英布中大夫與布有郟上書告布反布

盡殺其宗族十二年十二月封二千戶二十九年文十四年卒亡後

國除元康四年赫玄孫壽春詔復家

厄言曰賁赫以有郟告反得侯無後也固當史漢表皆云無後矣
漢表又云復玄孫何也樂說告韓信反雖侯三世至孫而棄市然
其後亦復則信布之武宜受天禍假手二子以報之而不絕其世

歟

戚縣屬東海圍侯季必灌嬰傳作李必表作季誤重泉人以騎都尉漢二年初起櫟陽

攻破廢丘西擊項籍屬韓信破齊攻臧荼為將軍擊韓信十二年十

二月封千五百戶十六年卒子賁侯長史表無以文元年嗣三年卒子

躁侯瑕史表作齊侯班以文四年嗣三十八年卒子信成以建元三年嗣二

十年元狩五年坐為太僕不敬免國除元康四年必玄孫長安公士

買之詔復家凡四世

穀陽史表作穀陵地未詳定侯馮谿以卒起柘擊籍定代為將軍十二年正月

封二十二年卒子共侯熊以文七年嗣十八年卒子隱侯印以景二

年嗣三年卒子懿侯解中史表作獻侯解以景五年嗣十二年卒子偃以建

元四年嗣史漢表俱失國絕故元康四年谿玄孫之子穀陽不更詔復家凡五世

壯漢表作嚴避明帝諱敬侯許倩以楚將漢二年降從起臨濟以郎中擊籍及

稀十二年正月封四十年卒子共侯漢表無諡恢以景二年嗣十六年卒

子煬史表作殤侯則以建元二年嗣九年卒子節侯周以元光五年嗣卒

史表無此侯子廣宗以元朔二年嗣十五年元鼎五年坐酎金免元康四

年倩玄孫之子平壽公士任壽詔復家凡五世

成陽縣屬汝南定侯奚意以魏郎漢二年從起陽武擊項籍屬魏王豹豹

反屬相國彭越以太原尉定代十二年正月封六百戶二十六年卒

子信以文十一年嗣二十九年建元元年有罪要斬元康四年意曾

孫陽陵公乘通詔復家

桃縣屬信都安侯劉襄以客從漢二年起定陶以大謁者擊布為淮南太

守項氏親也賜姓劉氏十二年三月封惠七年有罪免二年復封十

六年卒子懿史表作哀侯舍以文十年嗣三十年以丞相卒子厲侯由以

建元元年嗣十三年卒子自為以元朔二年嗣十五年元鼎五年坐

酎金免國除元康四年襄玄孫之子長安上造益壽詔復家凡四世

紀信地闕匡侯陳倉以中涓從起豐以騎將入漢以將軍擊項籍後攻

盧縮十二年六月封七百戶十年卒子夷侯開以后二年嗣二十三

年卒子煬以文後二年嗣八年景二年反誅元康四年倉玄孫之子

長安公士千秋詔復家

景地闕史表作甘泉誤莊侯史表無諡王競史表作竟以軍司馬漢元年初從起高陵屬

劉賈以都尉從軍十二年六月封五百戶七年卒子煬侯真粘史表莫播

以惠七年嗣十九年卒子嬖史表作嫫以文十二年嗣二十二年景十年

有罪免國除元康四年競玄孫長安公士昌詔復家凡三世

張縣屬廣平節侯毛釋之史表作澤以中涓從起豐以郎騎入漢還從擊諸侯

十二年六月封七百戶二十六年卒子鹿史表作夷侯慶以文十一年嗣二

年卒子舜以文十三年嗣二十三年景中六年有罪免元康四年釋

之玄孫長安公士景詔復家凡三世

煮棗地在宛句端侯革朱史表作靖侯赤以越連敖從起薛別以越將入漢擊諸

侯為都尉十二年六月封九百戶七年卒嗣子有罪不得代次子康

侯式史表作武以文二年紹封二十一年卒子昌史表作武以文十一年嗣二年有

罪免國除元康四年朱玄孫陽陵大夫奉詔復家世

鄆陵縣屬莊侯朱濞以卒從起豐入漢以都尉擊項籍滅荼十二年

十二月封二千七百戶十二年卒子共侯慶以后四年嗣十二年文

七年卒亡後國除元康四年濞曾孫陽陵公士言詔復家

史表鹵作鹵莊侯張平以中涓從起單父從入關以擊籍布盧縮得南陽

侯十二年十二月封二千七百戶十二年卒子勝以后五年嗣七年

文四年有罪國除元康四年平玄孫之子長安公士常詔復家

右高帝時百三十四人其淮陰後為王在異姓王章射陽平臯在

恩澤侯章周呂建成二人在外戚羹頡合陽沛德四人在王子侯

章不系於此

路史曰高皇帝五年滅項籍趣定功行封六年十二月甲申始剖

符列十八侯之位次訖十二年侯者百四十有三高后二年詔丞

相平盡差列侯之功錄第下竟藏之宗廟副在有司史漢表傳五

國本百三十有七又有周呂建成在外戚合陽羹頡沛德四人在

王子侯實百四十有三然按平定梧軼上邳朱虛便沅陵平都八

國非帝所封故表末云百四十夫封功勞建賢德所以崇國基建

天下也是故功必稱地位必稱德然後庶人不議而天下定按留

侯良曲逆侯平勛業之具在漢亡以出其右者乃不得豫於十八
位之中張敖者何人而反危然顯據第三及后叙定良居六十二
平次四十七而淮陰信且紉于列噫論功定封而以私意行之可
乎唐之裴度平淮之功固非李愬下也韓愈氏評之得其凡矣而
憲宗乃以愬妻皇族命段文昌改立碑頌歸功於愬於是議者蠶
午夫以度公議固不可掩而一時所屈亦足以銷志士功名之念
而沮忠臣事上之心憲宗可謂失君人之道矣抑嘗言之惟天下

之亡私者可以為天下漢之封法既不善矣而又行之以私意欲不擾且亂顧可得乎

筑陽

武陽

蕭鄉

以上鄴之後封修

平曲

以上絳之後封

重平

魯之後封

臨汝

賴陰之後封

安陽

汾陰之後封

池陽

蒯之初封

鄆

蒯之後封

節氏

成之後封

塞

博陽之後封

信平

睢陽

南宮

樂昌

以上宣平之後封

南

河陵

巢

費之後封

發婁

宜曲

繩

高京

岬山

河陽之後

江鄒

汾陽之後

史

深澤之後

臨

赤泉之後

陽平

長脩之後

張

芒之後封

路史曰右百四十三國之後分封者惡乎漢之諸侯可謂真不幸矣方高帝之封也其封券之誓曰使黃河如帶泰山如礪國以永寧爰及苗裔申以丹書之信重之白馬之盟可謂惠矣柰何高帝

不學面墻不能講禮制度與為長久計上亡道侯下亡法守功臣子弟亦復不閑有家一旦得國正猶鄆人之驟獲放意酒色而不知所興起迨文景時民歸戶息富厚什伯于前矣為子孫者惟宜講禮修樂以樂其生而乃驕忘其先亡兢兢於苛世之禁隕命亡國匹匹相繼洎武後元異姓耗矣耗音毛無也或絕失姓或乏亡主朽骨孤于墓苗裔流于道生為愍隸而死為之傳尸傳音轉即是胔之豈惟在下之不教哉亦上之人不知所以惠之之道亡制以保之也唐有天下子孫蕃衍其初咸有封爵至世遠親盡亦雖賢愚與異姓雜仕或流困民間繇此而言開國之君其可不知所以惠之之道而為之善後者乎

外國詩集
卷之三十六

外國詩集卷之三十六



國家圖書館, NATIONAL CENTRAL LIBRARY, TAIWAN, R.O.C

君道部卷之四十六

世系類四十

列國譜系二十

漢封篇四

功臣諸侯章二

便

音鞭屬桂陽

頃侯吳淺長沙王芮子也惠帝元年以王子封二千戶三

十七年卒子共侯信以文後七年嗣六年卒子廣志以景六年嗣卒

子千秋嗣元鼎五年坐耐金免國除元康四年淺玄孫長陵上造長

樂詔復家

軌

縣屬江夏

侯黎朱蒼

史表作利蒼

以長沙相惠二年封七百戶八年卒子孝

侯稀

史表無謚

以後三年嗣三十四年卒子秩嗣元封元年坐罪當斬會



NATIONAL CENTRAL LIBRARY, TAIWAN, R.O.C.

赦免國除元康四年蒼玄孫之子竟陵簪裹漢詔復家

平都地在東海孝侯劉到以齊將高帝三年定齊降惠五年六月封千戶

十三年卒子成以文三年嗣三十五年景後二年有罪免國除元康

四年到曾孫長安公乘如意詔復家

右惠帝時三人

南宮縣屬信都侯張買以父越人為高帝騎將從軍為大中大夫高后元

年封卒子生嗣武帝初有罪為隸臣萬六千六百戶史表云買坐呂氏事誅國除無

侯生

梧縣屬彭城齊侯陽城延以軍匠從起邾後為長樂未央少府作長樂未

央宮築長安城先就后元年封五百戶六年卒子敬侯去疾以后七

年嗣三十四年卒子靖侯偃以景中三年嗣十五年卒子戎奴以元

光三年嗣十四年元狩五年坐罪棄市國除月三千三百元康四年

延玄孫之子梧公士注詔復家

平定地關敬侯齊受以卒從高帝起畱以家車吏入漢以梟騎都尉擊

項籍得樓煩將為齊丞相后元年封九年卒子齊侯市人以文二年

嗣四年卒子共侯應以文六年嗣四十一年卒以後元光二年康侯

延居嗣八年卒元鼎四年侯昌嗣二年元鼎六年有罪免國除元康

四年受玄孫安平大夫安德詔復家

博成地關敬侯馮無擇以郎中從高帝起豐攻雍擊項籍力戰奉呂澤

出滎陽后元年封三年卒子侯代以后四年嗣八年坐呂氏誅

沅陵縣屬武陵頃侯吳楊長沙王臣子也高后元年以王子封二十五年

卒子頃侯福以文後二年嗣十七年卒子哀侯周以景中五年嗣卒

亡後國除

中邑地貞侯朱進史表作通以執矛從高帝入漢以中尉破曹咎為呂相

后四年四月封六百戶二十二年卒子悼以文後二年嗣二十一年

景後三年有罪免國除

樂平地簡侯衛母擇以隊卒從高帝起沛屬皇訢以郎擊陳餘為衛

尉后四年四月封三年卒子共侯勝以文六年嗣四十一年卒子修

以景後三年嗣建元六年坐罪死國除

山都地貞侯王恬啓漢五年為郎中柱下令以衛將軍擊陳豨為梁

相后四年四月封八年卒子憲侯史表作惠中黃以文四年嗣二十三年

卒子敬侯觸龍以景四年嗣二十三年卒子當以元狩五年嗣八年

元封元年坐罪免國除

祝茲史表作松茲縣屬廬江郡夷侯徐厲以舍人從起沛以郎中入漢還得雍王

邯家屬為常山丞相后四年四月封十一年卒子康侯悼以文七年

嗣二十九年卒子偃以景中六年嗣九年建元六年有罪免國除

成陰史表作成陶地名夷侯周信以卒從高帝起單父為呂后舍人度呂后

免難為河南守后四年四月封五百戶十六年卒子勃以文十二年

嗣十五年有罪免國除

俞縣屬清河侯呂它父嬰以連敖從高帝破秦入漢以都尉定諸侯功比

朝陽侯死事它襲功后四年四月封四年后八年坐呂氏誅國除

醴陵縣屬長沙侯越以卒從漢二年起櫟陽以卒吏擊項籍為河內都尉

長沙相后四年四月封六百戶八年文四年有罪免國除

右高后十二人又十一人在恩澤外戚五人隨父三人在王子凡

三十一人

故安縣屬涿郡節侯申屠嘉梁人以材官蹶張從高帝擊項籍遷為隊率

從擊黥布為都尉惠帝時為淮陽守文元帝舉故以二千石從高帝

者悉以為關內侯食邑者三十四人而嘉食邑五百戶後為丞相後

三年四月因故邑封七年卒子共侯以景三年嗣二十二年卒子與

以元狩三年更封清安侯元鼎元年坐罪免國除

陽信索隱曰表在新野志屬渤海恐有二縣夷侯劉揚高帝時為郎後以典客奪呂祿

印閉殿門止產等軍共立文帝元年十一月封三千戶十四年卒子

中意以文十五年嗣十四年景六年有罪免國除

壯武縣屬膠東侯宋昌以家吏從高帝起山東以都尉從滎陽食邑以代

中尉勸王駿乘入即帝位元年四月封千四百戶三十三年景中四

年有罪奪爵一級為關內侯

樊縣屬東平侯蔡兼以睢陽令初從高帝起阿以韓家子師古曰本六國時韓家之諸子

後更姓蔡劉放白子謂此猶言楚子諸侯也還定北地為常山相文元年六月封千二百

戶十三年卒子康侯客以文十五年嗣十八年卒子共侯平以景中

二年嗣二十一年卒子辟方以元朔二年嗣元鼎四年坐罪免國除

沛陵沛古坻字康侯魏泗以陽陵君文七年三月封十二年卒亡後

國除

南鄭河內有鄭亭音頡或音程音貞俱非侯以信平君文七年三月封起史失其信以信平

君文七年三月封坐後父故削一級為關內侯

黎史表作犁縣屬東郡頃侯召奴以齊相召平子文十年四月封四百一十戶

十一年卒子潰史表作澤以文後五年嗣三十五年卒子延以元朔五年

嗣十九年元封六年坐罪要斬國除戶千八百

併縣屬侯孫單史表作單父印以北地都尉匈奴入力戰死事子侯文十

四年三月封十二年景前三年坐反誅國除

弓高縣在營陵壯侯史表作莊韓頹當故韓王信孽子也以匈奴相國降文十

六年六月封卒子嗣侯漢表云不得子嗣侯者年名史表無此侯卒子則以元朔五年嗣

史表云景前元年嗣元朔五年卒卒亡後國除

龍頡縣屬平原侯韓說隤當之孫元朔五年四月以都尉從大將軍衛

青擊匈奴得王功元朔五年封十二年元鼎五年坐耐金免國絕

二歲漢表云韓說封龍頡免韓說復封按道元朔六年說以橫海將軍擊東越元封

元年復封為按道侯按道屬齊十九年為衛太子所殺子與史表作長以征

和三年嗣四年坐祝詛要斬說子曾以後元元復封為龍頡侯

三十一年卒子思侯寶以五鳳四年嗣鴻嘉九年卒亡後元始元

年節侯共以寶從父昆弟紹封卒子敞嗣王莽敗絕凡五世六侯

史記索隱曰漢表以龍頡案道為二人封非也

襄城縣屬潁川哀侯韓嬰故韓王信太子之子以匈奴相國降文十六年

六月封千四百三十戶七年卒子釋之史表澤之以文後元年嗣三十一

年元朔四年坐罪耐為隸臣國除

右文帝時十人又三人在外戚十四人在王子凡二十七人

俞音輸侯屬清河欒布梁人彭越為家人時常與布遊窮困賃庸於齊為

酒家保數歲別去而布為人所略賣為奴於燕為其家主報仇燕將

臧荼舉以為都尉臧荼為燕王布為將軍及荼反漢擊燕虜布梁王

彭越聞之迺上言請釋布為梁大夫使於齊未還會越以反誅布還

奏事越頭下祠而哭之吏捕以聞布請就烹高帝釋之拜為都尉文帝時為燕相吳楚反時布以將軍擊齊有功景帝六年四月封六年卒子賁以景中六年嗣二十二年元狩六年坐罪免國除

建陵

地名

哀侯衛綰代大陵人以戲車為郎事文帝以功次遷中郎

將醇謹無他景帝初為河間王太傅吳楚反詔綰為將將河間兵擊吳楚有功拜為中尉六年四月以軍功封千三百十戶二十一年以丞相免後卒子信以元光五年嗣十八年元鼎五年坐耐金國除

塞

地名

信侯直不疑南陽人也文帝時為郎人稱為長者稍遷至中

大夫吳楚反時不疑以二千石將擊之景帝後元年拜御史大夫八月修吳楚時功封六年卒子康侯相如以建元四年嗣十二年卒子堅以元朔四年嗣十三年元鼎五年坐耐金國除史漢二表皆同而不疑本傳乃云信

侯傳子至孫彭

祖國除名異

建平

縣屬故史表沛郡敬作京

侯程嘉以將軍擊吳楚有功景六年四月以江都

相封三千一百五十戶十八年卒子節侯橫以元光二年嗣一年卒

子回以元光三年嗣四年卒亡後國除

凡三世

平曲

地在高城

侯公孫渾邪以將軍擊吳楚有功景六年四月以隴西太

守封三千二百二十戶五年中四年有罪免國除子賀以將軍擊匈

奴得王元朔五年更封為南大郊音侯十二年元鼎五年坐耐金免

大初二年賀復以丞相封葛繹侯三年延和二年以子敬聲有罪下

獄死

江陽

縣在東海

康侯蘇息

史表作嘉

以將軍擊吳楚有功景六年四月封卒子

懿侯盧以景中二年嗣八年卒子明以建元二年嗣十六年卒子雕

以元朔六年嗣十一年元鼎五年坐耐金國除

凡四世

遽鄉名在常山侯橫史失其姓以父建德為趙相不聽王遂反死事景中二年

四月封千一百七十戶六年後二年有罪棄市

新市縣屬鉅鹿侯王棄之史表作康以父悍為趙內史不聽王遂反死事景中

二年四月封一千十四戶八年卒子煬史表作煬以景後元元年嗣元光

四年為人所賊殺國除

南陵地在臨淮侯趙周以父夷吾為楚太傅王戊反不聽死事同前封千

四十五戶三十六年元鼎五年坐為丞相知列侯耐金輕下獄自殺

國除

山陽地名關侯張當居以父尚為楚相王戊反不聽死事同前封一千

一百十戶三十四年元朔五年坐罪髡為城旦國除

右景帝時十人又八人在王子四人在外戚八人入恩澤一人隨

父共三十一人

平陵地在武當侯蘇建杜陵人以校尉從大將軍青擊匈奴有功元朔二

年三月封五年以游擊將軍從大將軍益封凡千戶一歲為右將軍

與翁侯俱敗獨身脫來歸當斬贖為庶人其後為代郡太守卒有三

子武最知名

岸頭地在平氏侯張次公河東人以都尉傳云校尉從車騎將軍擊匈奴有功

元朔二年六月封六年從大將軍益封凡二千戶五年元狩元年有

罪國除

合騎地在高城侯公孫敖義渠人以郎事景帝至武帝時為騎將軍出代

失軍當斬贖免復以護軍都尉三從大將軍擊匈奴至右賢王庭得

王元朔五年四月封六年從大將軍益封九千五百戶元狩二年坐將兵擊匈奴與驃騎將軍期後畏懦當斬詐死亡居民間五六歲後覺復繫坐妻為巫蠱族

博望縣屬南陽侯張騫漢中人建元中為郎使絕域以校尉從大將軍擊

匈奴知水草處軍得以不乏元朔六年三月封元狩二年坐以將軍

擊匈奴畏懦坐罪當斬贖為庶人

浞野史漢表俱作從驃然從驃者以其從驃騎得封故名非地名也今列後封侯趙破奴太原人嘗亡入

匈奴已而歸漢以司馬再從驃騎將軍擊匈奴得兩王千騎元狩二

年五月封從驃侯二千戶元鼎五年坐耐金失侯元狩三年以匈奴

河將軍擊虜樓蘭王更封浞野侯五年太初二年以浚稽將軍擊匈

奴為虜所獲遂沒其軍國除破奴居匈奴中十歲復與其太子安國

亡入漢後坐巫蠱族

邳離史表作符離縣屬沛侯路博德西河平州人以右北平太守從驃騎將軍

擊右王得重會期虜茸萬餘元狩四年六月封後以伏波將軍伐破

南越益封凡千六百戶封十五年太初元年坐罪失侯為彊弩都尉

屯居延卒

海西地名關侯李廣利女弟李夫人有寵於帝產昌邑哀王太初元年

以廣為貳師將軍擊大宛斬王侯太初四年四月封八千戶十一年

延和四年擊匈奴兵敗降匈奴為所殺國除以上七侯史漢有傳

安樂史表作樂安地在昌縣侯李蔡以輕車將軍從大將軍擊匈奴得王元朔

四年四月封二千戶六年元狩五年坐以丞相侵賣園陵道墮地自

殺國除

軹史表作涉軹漢表軹在西安無涉字地理志西安在齊郡涉軹猶從驃然皆當時意也故前又有涉安侯侯李朔以校

尉三從大將軍擊匈奴至右王庭得王虜闕氏功元朔五年四月封

六年有罪國除

從平地在樂昌侯公孫戎奴以校尉三從大將軍青擊匈奴至右賢王庭

數為鴈行上石山先登元朔五年四月封千一百戶三年元狩二年

坐為上黨太守發兵擊匈奴不以聞國除

隨城地在千乘侯趙不虞以校尉三從大將軍青擊匈奴攻辰吾先登石

壘同前封七百戶三年元狩二年坐為定襄都尉敗太守以聞非實

坐謾國除

衆利地在陽城侯郝賢以上谷太守四從大將軍擊匈奴首虜千級以上

元朔六年五月封二年元狩二年坐謾罪國除

義陽地在平氏侯衛山以北地都尉從驃騎將軍擊匈奴得王元狩四年

六月封千一百戶二十六年太始四年坐罪死國除

龍地屬魯史表作龍亢誤侯膠音居虬反廣德父樂以校尉擊南越死事元鼎五年

三月廣德以父封六百七十戶六年坐耐金國除

成安地在陳畱侯韓延年父千秋以校尉擊南越死事延年同前封三百

八十戶七年元封六年坐為太常行太常令事畱外國書一月乏興

當有所興發因其遲畱故闕乏入穀贖完為城旦國除

將梁見前侯楊僕以樓船將軍擊南越推鋒却敵功元鼎六年三月封

四年元封四年坐為將軍擊朝鮮畏懦入竹二萬箇贖完為城旦國

除

昆地在鉅鹿侯渠復索以屬國大首渠擊匈奴功元鼎五年五月封卒子

乃始嗣地節四年卒亡後國除

騏地在北屈侯駒幾以屬國騎擊匈奴捕單于兄功同前封卒子督嗣卒

子釐侯崇嗣陽朔二年卒亡後元延元年六月復以崇弟詩紹封五百五十戶

梁期地屬魏郡侯任破胡以屬國都尉間出擊匈奴得復絛緡等功元

鼎五年七月封卒子當千嗣太始四年有罪國除

海常地在琅邪莊侯蘇弘以伏波司馬捕得南越王建德功元鼎六年七

月封太初元年卒亡後國除

繚婁地關侯劉福以故校尉從橫海將軍說擊南越功元封元年正月

封二年有罪國除

荀兒鄉名在吳越界今鄞陽湖有荀兒港莊侯轅終古以軍卒斬東越徇北將軍功元

封元年閏正月封六年太初元年卒亡後國除

涪地關侯王恢以故中郎將兵捕得車師王功元封四年正月封四月

坐使酒泉矯制害當死贖罪免

新時地在齊侯趙弟以貳師將軍騎士斬郁成王首侯太初四年四月

封七年太初三三年坐爲太常鞠獄不實入錢百萬贖死完爲城旦

承父地在東萊侯續相如以使西域發外王子弟誅斬扶樂王首虜二千

五百人太始三年五月封千百五十戶五年延和四年坐賊殺軍吏

謀入蠻夷祝詛上要斬

秣地在濟陰侯商丘成以大鴻臚擊衛太子力戰亡它意延和二年七月

封二千一百七十戶四年後二年坐爲詹事侍祠孝文廟醉歌堂下

曰出居安能鬱鬱大不敬自殺

重合地在渤海侯莽通以侍郎發兵擊反者如侯延和二年七月封四千

八百七十戶四年後二年發兵與衛尉濇等謀反要斬

德地在濟南侯景建以長安大夫從莽通共殺如侯得少傅石德同前封

三千七百三十五戶坐共莽通謀反要斬

題地在鉅鹿侯張富昌以山陽卒與李壽共得衛太子侯同前封八百五

十八戶四年後二年四月為人所賊殺

邗地屬河內侯李壽以新安令史得衛太子同前封一百五十戶三年坐

為衛尉居守擅出長安界又使吏謀殺方士不道誅

卮言曰衛太子非反也即使誠反而亟敗發兵捕之何難乎當時

以此得侯者五人何濫也不旋踵而誅滅宜矣功不貴倖成豈獨

天道哉

當塗地在九江康侯魏不害以圍守尉捕淮陽反者公孫勇等延和二年

十一月封後以與議定策益封凡二千二百戶卒子愛侯聖嗣卒子

刺侯楊嗣卒子戴侯向嗣卒子堅居嗣王莽居攝二年更為翼漢侯

莽篡位更為翼新侯莽敗絕凡五世

轅陽地在清河史表作轅陳侯江喜史表作德以圍齎夫捕淮陽反者公孫勇等同

前封千一百二十戶卒子仁以六年嗣永光四年坐使家丞上書還

印符隨方士免

蒲地在琅邪侯蘇昌以圍小史捕反者故越王子鄒起同前封千二十六

戶卒子夷吾嗣鴻嘉三年坐罪免國除

丞父觀侯孫王以告反者太原自義等侯延和四年三月封千一百

五十戶三年始元元年坐殺人會赦免

右武帝時二十三人又五十一人在外戚恩澤十五人隨父共八十九人王子不在其中

秬音妬地在齊陰成武敬侯金日磾字翁叔本匈奴休屠王太子也武帝元狩中昆邪王殺休屠王并將其衆降漢日磾與母闕氏弟倫俱没入官輸黃門養馬年十四矣久之帝見而奇之拜爲馬監遷侍中駙馬都尉光祿大夫日磾既親近未嘗有過失帝甚信愛之本以休屠作金人爲祭天主因賜姓金氏云莽何羅與弟通謀反日磾禽縛之及帝病日磾與霍光同受顧命輔政帝崩昭帝卽位遺詔以討莽何羅功封日磾爲秬侯日磾以帝少不受封始元二年日磾病困光乃白封日磾凡二千三百一十八戶臥受印綬一日卒子賞嗣四十二年卒亡後元始四年復以日磾曾孫當紹封王莽敗絕凡四世

都成地屬潁川敬侯金安上日磾弟倫之子也倫爲黃門郎早卒安上少爲侍中惇篤有智宣帝愛之頗與發舉楚王延壽反謀賜爵關內侯食邑三百戶後霍氏反安上傳禁中門闥無內霍氏親屬宣帝地節四年八月進今封千七百七十七戶十一年卒子夷侯常以五鳳三年嗣一年卒亡後元始元年復以安上孫侍中欽紹封爲王莽所殺更封安上孫長信少府涉之子右曹湯爲都成侯莽敗絕

漢書贊曰金日磾夷狄亡國羈虜漢庭而以篤敬寤主自著勒功上將傳國後嗣世名忠孝七世內侍何其盛也

安平表在汝南地屬涿郡敬侯楊敞華陰人給事大將軍莫府爲軍司馬霍光愛重之稍遷至大司農元鳳中燕倉知上官桀等反謀以告敞敞素

及國諸系 卷二十七
謹畏事不敢言迺移病臥以告杜延年延年以聞蒼延年皆封敞以
九卿不輒言故不得侯元鳳六年二月以丞相封九百戶後以夫人
言從光議定策立宣帝月餘卒子頃侯忠以元平元年嗣以敞功益
封三千五百戶十一年卒子譚以元康三年嗣九年五鳳四年坐季
父暉罪免國除

平通

地在博陽

侯楊暉敞幼子其母司馬遷女也暉始讀外祖太史公

記頗爲春秋以材能稱以兄忠任爲郎補常侍騎擢爲左曹霍氏
謀反暉受董忠等言以告待中金安上霍氏謀反俱伏誅地節二
年八月封二千五百戶十年五鳳二年坐爲光祿勳誹謗要斬妻
子徙酒泉

卮言曰楊敞以不言反者不得侯而子暉以告反侯敞以謹畏爲
丞相卒封侯及子而暉以行能自伐取禍及身敞之謀國非也
之自謀疎矣莊子云周將處於材不材之間爲此言者其知道乎

富平

地屬平原

敬侯張安世杜陵人父湯爲御史大夫爲治刻深後爲丞

相三長史所陷自殺武帝惜之安世少以父任爲郎用善書給事尚
書精力於職嘗亡書二篋詔問莫能知惟安世識之帝奇其材擢爲
尚書令遷光祿大夫昭帝卽位大將軍霍光秉政以安世篤行光親
重之擢爲右將軍以自副元鳳六年十一月詔以安世輔政宿衛肅
敬不怠封富平侯二千戶徙爲車騎將軍與大將軍定策立宣帝益
封凡萬三千六百四十戶十三年卒子愛侯延壽以元康四年嗣十
一年卒子繆侯勃傳作勃表作尚以甘露三年嗣四年卒子共侯臨以初元
二年嗣十五年卒子思侯放嗣三十六年卒子純以建平元年嗣王

莽建國四年更爲張鄉侯純恭儉自修明習漢家制度故事有敬侯遺風王莽建國四年更封張鄉侯建武中歷位至大司空更封富平之別鄉爲武始侯張湯本居杜陵安世武昭宣輒隨陵凡三徙復還杜陵安世子孫自宣元以來爲侍中中常侍諸曹散騎列校尉者凡十餘人功臣之世惟有金氏張氏親近寵貴比於外戚

陽都

地名

哀侯張賀安世之兄也賀幸于衛太子太子敗賓客皆

誅安世爲賀上書得下蠶室後爲掖庭令而宣帝以皇曾孫收養掖庭賀所以視養拊循恩甚密焉及宣帝卽位而賀已死無子以安世小男彭祖爲子彭祖又少與帝同席研書指欲封之先賜爵關內侯元康三年三月詔封彭祖爲陽都侯六百戶賜賀諡曰陽都哀侯時賀有孤孫霸年七歲拜爲散騎中郎將賜爵關內侯食

邑三百戶彭祖封凡四年神爵二年爲妻所殺

漢書贊曰馮商稱張氏之先與雷侯同祖而司馬遷不言故闕焉漢興以來侯者百數保國持寵未有若富平者也湯雖酷烈及身蒙咎其推賢揚善固宜有後安世履道滿而不溢賀之陰德亦有助云

建平

地在濟陽

敬侯杜延年南陽杜衍人父周爲御史大夫與兩子治皆

酷暴惟少子延年行寬厚昭帝初大將軍霍光秉政以延年三公子吏材有餘補軍司空以軍功遷諫大夫左將軍上官桀等反延年以聞桀等伏誅元鳳元年七月封二千戶延年本霍光吏首發大姦有忠節擢爲太僕與光定策立宣帝益封凡四千三百戶二十八年卒子孝侯緩以甘露二年嗣十九年卒子荒侯業以竟陵元年嗣二十

四年卒子輔以元始二年嗣卒子憲嗣建武中以先降梁王卒不得代杜氏凡五世五侯初杜周武帝時徙茂陵至延年徙杜陵云

漢書贊曰張湯杜周竝起文墨小吏致位三公列于酷吏而俱有良子德器自過爵位尊顯繼世立朝相與提衡至于建武杜氏爵乃獨絕迹其福祚元功儒林之後莫能及也自謂唐杜苗裔豈其

然乎

義陽地在平氏侯傅介子北地人以從軍為郎歷遷平樂監謂大將軍霍

光曰樓蘭龜茲數反覆而不誅無所懲艾願往刺之以威示諸國光曰遣之介子遂往刺殺樓蘭王以歸懸首北闕元鳳四年七月封千三百戶十三年元康元年卒子厲嗣爭財相告有罪國除元始四年復以介子曾孫長紹封更始元年為兵所殺以上八侯漢書有傳

宣城地在濟陰史表作宣城誤戴侯燕倉以假稻田使者先發覺左將軍上官桀

等反謀元鳳元年七月封二千戶六年卒子刺侯安以元平元年嗣削戶六百定七百戶四十一年卒子釐侯尊以竟陵元年嗣十年卒子煬侯武以陽朔二年嗣卒子級嗣卒子舊嗣正莽敗絕凡六世

弋陽地屬汝南節侯任宮以故上林尉捕格謀反者上官桀殺之便門元

鳳元年七月封九百一十五戶三十二年以太常行衛尉事卒子剛侯千秋以初元二年嗣三十二年卒子愿侯暉以河平三年嗣二年卒子孝侯岑以陽朔元年嗣二十四年卒子固以元始元年嗣更始元年為兵所殺

商利地在徐郡侯王山壽史表山無壽字以丞相少史誘反者上官安入丞相斬

之同前封戶亦同十四年元康元年坐為代郡太守有罪免國除

成安

地在潁川

莊侯郭忠以張掖屬國都尉匈奴入寇與戰斬黎汗王功

元鳳三年二月封七百二十四戶七年卒子愛侯遷以本始三年嗣

四年卒子刻侯賞以元康三年嗣四十一年卒子郾侯長以陽朔三

年嗣卒子釐侯嗣卒亡後居攝元年復以忠玄孫之子每紹封王莽

敗絕

平陵

地在武當

侯范明友家在隴西以家世習外國事使護西羌事以校

尉擊反氏以度遼將軍擊烏桓獲王虜首六千二百功元鳳四年七

月封與大將軍光先定策益封凡二千九百二十戶封凡十一年地

節四年坐謀反誅國除

右昭帝時十人又四人在外戚恩澤一人隨父凡十五人

卮言曰安平富平兩侯漢表在恩澤中然富平之勳賢功臣中亦

鮮儔焉萬戶之封豈寵澤哉安平雖以丞相得封而有定策之功

其子又以功侯故宜列于功臣之中都成平通封在宣帝之世而

附見秬安平之後亦猶陽都之隨父見也俾論世者易考鏡焉

營平

地在濟南

壯侯趙充國隴西上邽人也從徙金城令居始為騎士以

六郡良家子善騎射補羽林武帝時以假司馬從貳師將軍擊匈奴

遷護車都尉將兵擊匈奴獲西祁王擢為後將軍與大將軍光定策

立宣帝本始元年八月封千二百七十九戶二十二年甘露二年卒

年八十六孫攷侯欽以建始四年嗣欽尚敬武公主主亡子主教欽

良人習詐有身名它人子欽立七年卒子岑以陽朔三年嗣十二年

元延三年坐非子免國除戶一千九百四十四

凡三世四侯

博陽

地在南頓

定侯丙吉魯國人治律令為魯獄史積功勞稍遷至廷尉

右監坐法失官歸為州從事武帝末巫蠱事起吉以故廷尉監徵詔

治巫蠱郡邸獄時宣帝生數月以皇曾孫坐衛太子事繫賴吉得生

詳各本類昭帝時吉遷大將軍長史霍光甚重之入為光祿大夫給事中

昭帝崩與大將軍定策立宣帝宣帝即位賜吉爵關內侯元康二年

二月詔以舊恩追今封邑千三百戶八年卒子顯以五鳳三年嗣甘

露元年坐罪奪爵一級為關內侯卒子康侯昌嗣爵關內侯成帝鴻

嘉元年六月復封昌為專陽侯國絕三十一歲復續云昌卒子釐侯

並嗣卒子勝客嗣王莽敗絕凡五世

昌水地在於陵侯田廣明鄭人武帝時以郎為天水司馬功次遷河南都

尉以殺伐為治遷淮陽太守以捕斬反者賜爵關內侯徙衛尉後出

為左馮翊治有能名與大將軍光定策立宣帝本始元年八月進今

封二千七百戶三年坐為祁連將軍擊匈奴不至期自殺國除

陽城地在濟陽侯田延年先齊諸田也徙陽陵延年以材略給事大將軍

莫府霍光重之遷為長史出為河東太守誅鉏豪彊姦邪不敢發以

選入為大司農與大將光決疑定策立宣帝本始元年八月封二千

四百五十三戶二年坐罪自殺國除

史記索隱曰漢表云陽城在濟陰非也且濟陰有城陽縣耳而穎

川汝南又各有陽城縣城字從士在陽之下不可分別

卮言曰二田事業在酷吏傳迹其所以得封豈無功倖致哉而俱

以罪過自殺不及嗣世則酷之效也張湯杜周史亦列於酷吏至

其子而侯傳世不絕益振家聲班史云兩酷吏俱有良子德器自

過蓋祖功宗德自古記之為人子者幹蠱用裕之道其可忽諸

長羅地在陳畱壯武侯常惠太原人少時家貧自奮應募隨移中監蘇武

使匈奴并見拘留十餘年昭帝時乃還拜光祿大夫宣帝本始二年

以惠為校尉持節將烏孫兵擊匈奴獲名王首虜三萬九千級四年

四月封二千八百五十戶二十四年元康三年卒子莊侯成以初元

三年嗣十六年卒子愛侯卬以建始三年嗣五年卒子翕以河平四

年嗣四十九年建武四年卒亡後

安遠地在慎繆侯鄭吉會稽人以卒伍從軍數出西域由是為郎吉為

人彊執習外國事以侍郎遷衛司馬發西域諸國兵破車師降日逐

威震西域為都護騎都尉神爵三年四月封千戶坐法削戶三百定

七百九十戶十一年卒子光以初元元年嗣八年永光三年卒亡後

國除居攝元年復以吉曾孫永紹封王莽敗絕以上六侯漢書有傳

平丘表在肥城志屬陳留侯王遷家在衛為尚書郎習刀筆之文遷侍中光祿

大夫與大將軍光定策功本始元年八月封千二百五十三戶五年

地節二年有罪自殺國除

爰氏地在單父史表無肅侯史樂成傳作史樂成表云姓便疑表誤以少傅與大將軍光定

策功同前封一年卒子康侯輔以本始二年嗣三年卒子哀侯臨以

地節元年嗣二年卒亡子絕元始五年復以樂成曾孫鳳紹封千戶

王莽敗絕史氏凡四世四侯

愛戚地名關靖侯趙長年史表作趙成以平陵大夫告楚王延壽反地節二

年四月封千五百三十戶十七年卒子節侯訢嗣卒子牧以永始四

年嗣四十年建武四年以先降梁王免國除

博成地在淮陰侯張章父故潁川人為長安亭長失官之北闕上書寄宿

霍氏第舍臥馬櫪間夜聞養馬奴相與語言諸霍氏子孫欲謀反狀以告董忠忠以聞霍氏伏誅地節四年八月封三千九百一十三戶九年卒子建以五鳳元年嗣十三年建始四年坐罪免國除

高昌

地屬千乘

壯侯董忠父故潁川陽翟人以習書詣長安忠有材力能

騎射用短兵給事期門與張章相習知霍氏反章以語忠忠告楊惲同前封二千戶再坐法削戶千一百定九百七十九戶十九年卒子煬侯弘以初元二年嗣四十一年建平元年坐佞邪免二年復封三年卒子武以元壽元年嗣二年坐父罪免國除建武二年復以武子

永紹封

凡四世

合陽

地屬平原

愛侯梁喜以平陽大夫告霍微史徵史子信家監迴陷故

侍郎鄭當時謀反得侯元康四年二月封千五百戶四十一年卒子

旅以建始二年嗣卒亡後元始五年復以喜孫萌紹封王莽敗絕

右宣帝時十二人又十八人在恩澤外戚六人隨父凡三十六人

卮言曰漢表營平博陽昌水陽城平丘爰氏六侯在恩澤今入功

臣都成平通本侯附前條見

義成

地名見前

侯甘延壽北地郁到人少以良家子善騎射爲羽林投石

拔距絕於等倫由是遷爲郎以材力愛幸稍遷至遼東太守免官車

騎將軍許嘉薦郎中諫大夫使西域都護騎都尉與副校尉陳湯共

斬郅支單于竟陵元年四月封四百戶九年卒子煬侯建以陽朔元

年嗣十九年卒子節侯建以建平二年嗣居攝二年更誅郅支益封

凡二千戶十四年卒子相以建國二年嗣建武四年爲兵所殺

凡四世

破胡壯侯陳湯山陽瑕丘人少好書博達善屬文家貧旬貸無節不

為州里所稱西至長安求官得大官獻食丞後以薦為郎數求使外

國久之遷西域副校計與甘延壽出西域共斬郅支王竟寧元年四

月賜爵關內侯食邑三百戶成帝初丞相匡衡奏湯罪奪爵為士伍

卒後數年元始元年王莽為安漢公追謚湯曰破胡壯侯封湯子馮

為破胡侯以上二侯漢書有傳

駟望地屬瑯邪忠侯冷廣以濕沃公士告男子馬政謀反侯陽嘉元年正

月封千八百戶卒子何齊嗣王莽敗絕

延鄉地名節侯李譚以尉氏男子捕得反者樊並侯永始四年七月

封千戶十三年卒子成以元始元年嗣王莽敗絕

新山地名侯穰忠以捕得反者樊並永始四年十一月封千戶

童鄉地名釐侯鍾祖功封同前卒後元始五年復以祖子匡紹封王

莽敗絕

樓虛地名侯訾功封同前

討狄取名侯杜勳以前為軍假丞手斬郅支單于首功元始五年七月

與破胡侯同封

右元帝時一人三人隨父二人在外恩澤外戚凡七人成帝時五

人又十人在恩澤外戚十五人隨父凡十三人平帝時一人

卮言曰破胡討狄二侯漢表在恩澤今入功臣

史記褚先生曰太史公記事盡於孝武之事故復修記孝昭以來

功臣侯者令後好事者得覽觀成敗長短絕世之適得以自戒焉

當世之君子行權合變度時施宜希世用事以建功有土封侯立

名當世豈不盛哉觀其持滿守成之道皆不驕蹇謙讓驕蹇爭權

喜揚聲譽知進不知退終以殺身滅國以三得之及身失之不能傳功於後世令恩德流子孫豈不悲哉夫龍額侯曾為前將軍世俗順善厚重謹信不與政事退讓愛人其先起於晉六卿之世有土君國以來為王侯子孫相承不絕歷年經世以至于今凡八百餘歲豈可

路史曰六 志以來侯者凡二百四十三間有附在前者又不數

焉太平御覽孝平時郡國百三十二侯國二百四十一 元始五年而後雖稍封繼亡足紀者

其如孝武所封冠軍博望從驃之類名亦詭矣且多匈奴方士雜

適其間封法焉瞭宅開陵博望成安宜春安陽冠陽陽平博成周陽俞樂安高平建平富民承父眾利輝渠翁皆封

樂平義陽三封 惡呼高帝封功臣信誓之亂事關宗廟豈後世臣子所得

輕議哉武帝乃以酬金文致奪之不數年間而見侯者四不亦悲

乎太初之年異姓漸盡封威紹絕時也不幸帝且殘忍動以法繩獨雞意鹿一切耐除或一歲誅或再歲斬籃雞胥悖圈兔交驚吾何以觀之哉愔有國家者其母以若所為也

羅氏曰漢魏春秋云高祖封許負為明堆亭侯裴松之疑時列侯無鄉亭之爵孔衍之謬然劉備傳謂中山勝之子貞亦元狩六年封陸城侯按貞封乃元鼎二年此亦誤也

羅氏又曰自高帝以侯生為平國君婁敬為奉春君而後有劉胡子光武亦有鐫胡侯其有功德侯者為朝侯自通者為徹侯通侯也其侍祠無朝位者為侍祠侯食關內者為關內侯又有倫侯若建成侯趙亥昌武侯馮母擇者但有封名無食邑霍光之封博陸下取博大陸平其後曹操遂至立名號侯鄉公亭伯之類故樊子

蓋以功濟天下遂有濟公之號皆不足法

知進文三

無懈亭之題以濟之語然濼濼漸漸中
山溯之千泉亦云務六平
歸又曰蕪蕪春林云高而捷捷
向以驪之錯對青固家者其母以
幸也

平大亦之平異哉濼濼陸
蕪蕪也



學士海君道部卷之四十七

世系類

四十
七

列國譜系

二十
八

漢封篇

五

外戚諸侯章

冊府外戚封邦敘曰夫正位居體周官貴內治之數綏族展親良
史稱助國之義三代已降后妃之家或藉長樂之親或因椒房之
之寵重侯累爵席寵連封或一門三主或同族五侯分食名城預
聞邦政車服之制名器之重寢或踰焉西京呂王之勢東都梁竇
之權不反三隅同歸一貫俾上微不當之譏下免無功之誚惟明
聖能焉

漢書外戚侯表敘曰漢興外戚與定天下侯者二人故誓曰非劉氏不王若有亡功非上所置而侯者天下共誅之是以高后欲王諸呂王陵廷爭孝景將侯王氏條侯犯色卒用廢黜是後薄昭實嬰上官衛霍之侯以功受爵其餘后父據春秋褒犯之義帝舅緣大雅申伯之意寢廣博矣是以別而敘之

臨泗侯漢呂公高帝單父人高皇后呂氏之父漢元年以后父賜號

臨泗侯四年卒高后元年追尊曰呂宣王外戚世系詳大禮類后妃門

周呂縣在濟陰令武謚侯呂澤高后兄以客從入漢定三秦將兵有功高

帝六年正月封三年卒

建成縣屬沛郡侯呂釋之高后次兄以客從入漢還豐沛衛太上皇六年

四月封九月卒子則以孝惠二年嗣建成侯七年有罪免則弟橫更

至不其侯八年反誅

扶柳縣屬信都侯呂平惠帝元年四月以皇太后姊長姁子封八年坐呂

氏誅國除

贅其縣屬臨淮侯呂勝以皇太后昆弟子七年封八年并誅

呂成地名關侯呂忿以皇太后昆弟子七年封八年并誅

祝茲縣屬琅邪侯呂瑩以皇太后昆弟子八年四月封九月反誅

右呂氏凡八侯高帝時三人高后時五人其加封四王則見前篇

異姓諸王章

宣平地名關武侯張敖趙王耳之子也詳前異姓諸王耳卒敖嗣為王坐相貫

高等謀反廢為宣平侯九年四月封十七年卒子偃以魯元公主子

高后二年立為魯王文元年復廢為南宮侯十五年卒謚共子哀侯

歐以文十六年嗣十七年卒子任史表以景中三年嗣十四年罪絕

元光三年復封壬弟廣為睢陵侯十六年卒子昌以元鼎元年嗣十

二年太初二年坐罪免國除元康四年耳玄孫長陵公乘遂詔復家

凡四世
五侯

軹縣屬侯薄昭文帝母薄太后弟元年封萬戶十年坐殺使者自殺

使者自殺帝為置後子戎奴以文十一年嗣三十一年卒子梁以建

元二年嗣凡三世

鄆縣屬太原侯駟鈞以齊王舅元年四月封六年坐罪免

周陽縣屬上郡侯趙兼以淮南王舅元年四月封六年有罪免

章武縣屬渤海景侯竇廣國景帝母皇太后弟文後元七年六月封萬一

千八百六十九戶七年卒子共侯定以景七年嗣十八年卒子常生

以元光三年嗣十年元狩元年坐罪免國除凡三世

南平縣屬渤海侯竇彭祖以皇太后兄子同前封二十一年卒子夷侯良

以建元六年嗣五年卒子桑林以元光五年嗣十八年元鼎五年坐

酎金免國除南皮凡三世

魏其縣屬琅邪侯竇嬰皇太后昆弟子以將軍屯滎陽破吳楚景三年六

月封二十三年元光四年坐罪棄市國除

蓋縣屬渤海靖侯王信景帝王皇后兄景中五年五月封二千八百九十

戶二十五年卒子頃侯充以元光三年嗣卒子受嗣元鼎五年坐酎

金免史表信之後惟有
侯偃與漢表大異

武安縣屬魏郡侯田蚡武帝母田太后同母弟景後三年三月封八千二

百一十四戶十年卒子恬史表以元光四年嗣五年元朔三年坐罪

免國除

周陽縣屬上郡懿侯田勝以太后母弟同前封六千二十六戶十二年卒

子祖史表彭祖以元光六年嗣八年元狩二年坐罪免國除

長平縣屬上郡烈侯衛青武帝衛皇后弟初以后寵召為侍中以將軍擊

匈奴取朔方元朔二年二月封以大將軍破右賢王再益封凡八千

七百戶青三子在襁褓中皆為列侯二十三年卒

宜春縣屬汝南侯衛伉青長子元朔五年四月以青功封元鼎元年坐

罪免太初元年嗣長平侯五年坐罪完為城旦國除

陰安縣屬魏郡侯衛不疑青次子同前封十二年元鼎五年坐酎金免

國除

發干縣屬東郡侯衛登青三子封免俱同陰安元康四年詔賜青孫錢

五十萬復家永始元年青曾孫玄以長安公乘為侍郎元始四年

賜青玄孫賞爵關內侯

冠軍縣屬南陽景桓侯霍去病衛皇后姊子亦以校尉擊匈奴斬相國元

朔六年四月封後以驃騎將軍破祁連迎昆邪王益封凡六千四百

戶七年卒子哀侯嬪以元鼎七年卒亡後

博陸博廣陸平取其嘉名無此縣也食邑北海河東瓚曰漁陽有博陸成宣成侯霍光去病弟也父中

孺河東平陽人以縣吏給事平陽侯家與侍者衛少兒私通而生去

病中孺吏畢歸家娶婦生光因絕不相聞久之少兒女弟子夫得幸

於武帝立為皇后去病以皇后姊子貴幸既壯大廼自知父為中孺

未及求問會為驃騎將軍擊匈奴道出河東遣吏迎中孺為買田宅

而去還復過焉廼將光西至長安時年十餘歲任光為郎稍遷諸曹

侍中去病死後光爲奉車都尉光祿大夫小心謹慎甚見親信武帝病以光爲大司馬受遺詔輔政昭帝卽位以武帝遺詔以光前與金日磾上官桀三人共誅反者莽何羅功俱封爲侯始二千三百五十戶元二年正月封二千三百五十戶後以大將軍定策立宣帝又以河北東武陽益封光萬七千戶與故所食凡二萬戶凡十七年卒子禹以地節二年嗣四年謀反要斬國除元始二年詔以光從父昆弟之曾孫龍勤士安陽紹封三千戶王莽篡位絕

樂平

表在東郡志屬南陽史表作樂成

侯霍山光兄子也初爲奉車都尉地節二

年光病時上書願分所封東武陽三千戶以封山爲列侯奉驃騎將軍去病祀光卒旣葬卽以三千戶封山爲樂平侯四年坐謀反誅

冠陽

漢志屬南陽史表作冠軍

侯霍雲山弟初爲中郎將地節三年四月以光

功封千八百戶四年坐謀反誅

安陽

表在蕩陰志屬汝南

侯上官桀隴西上邽人少時爲羽林期門郎武帝奇

其材力遷未央殿令由是親近爲侍中稍遷至太僕武帝病以爲左將軍與大將軍霍光同受遺詔輔政功封如光桀子安娶光女生女爲婕妤數月立爲皇后年甫六歲桀封六年五鳳元年謀反誅

桑樂

地在千乘

侯上官桀子以女爲昭帝皇后始元三年六月封千

五百戶二年千乘五鳳元年謀反誅

卮言曰武帝征伐四夷衛霍爲首功博陸擁昭立宣厥勲茂焉萬戶侯豈有憑藉哉然其起家顯庸率由椒房之故上官際遇微恩至於建國及因緣怙寵卒以覆宗故不系功臣而系外戚云

平恩地屬魏郡戴侯許廣漢昌邑人宣帝許皇后之父也初廣漢以罪下

蠶室後為宦者丞復坐罪論為鬼薪輸掖庭後為暴室齋夫宣帝養

於掖庭號皇曾孫與廣漢同寺居及壯大廣漢以女妻之生元帝宣

帝即位許氏立為皇后霍光以後父廣漢刑人不宜居國歲餘乃封

為昌成君許后立三年霍光夫人顯使女醫淳于衍毒殺許后而光

女立為后地節三年元帝立為太子四月廣漢乃以太子外祖父封

五千六百戶七年卒無子絕元帝即位初元元年復以廣漢弟延壽

之中子嘉紹封二十二年卒子莊侯況以河平二年嗣卒子質侯且

以鴻嘉二年嗣二十九年卒子敬以建國四年嗣王莽敗絕凡五世

博望地屬南陽頃侯許舜廣漢弟亦有舊恩為衛尉元康二年三月封

千五百戶四年卒子康侯敬以神爵三年嗣八年卒子戾侯黨以

甘露三年嗣二十六年卒子釐侯并以河平四年嗣卒亡後

二年以並弟報子紹封千戶王莽敗絕凡四世

樂成地在平氏敬侯許延壽廣漢少弟亦有舊恩為侍中先賜爵關內

侯同前封十年卒子思侯湯以甘露元年嗣六年卒子襄侯常以

初元二年嗣九年卒無子元延二年復以常弟節侯泰紹封千戶

卒子康侯去疾以建昭元年嗣二十一年鴻嘉二年卒無子侯修

嗣王莽敗絕凡四世

平昌地屬關節侯王無故宣帝舅宣帝即位賜爵關內侯地節四年二月

進今封凡六百戶九年卒子考侯接以五鳳元年嗣十六年卒子釐

侯臨以永光三年嗣二十一年卒子獲以鴻嘉元年嗣三十八年國

絕建武五年詔復爵

樂昌地在汝南共侯王武宣帝舅賜爵封同前十四年卒子戾侯商以甘

露二年嗣二十七年卒子安以河平四年嗣二十七年元始三年為

王莽所殺

邛成地屬濟陰共侯王奉光以皇后父為關內侯元康二年三月封二千

七百五十戶十八年卒子敞以初元二年嗣二十八年卒子勳以鴻

嘉二年嗣十四年建元二年坐罪免元始元年復以奉光曾孫堅固

紹封王莽敗絕

安平地見前夷侯王舜以皇太后兄為侍中中郎將初元元年封千四

百戶十三年卒子剛侯章以建昭四年嗣十四年卒子儋侯淵以陽

朔四年嗣二十五年卒子懷侯買以元始五年嗣凡四世

樂陵地屬平原安侯史高宣帝悼皇考舅子宣帝即位為侍中賜爵關內

侯地節四年八月封二千三百戶二十四年卒子莊侯術以永光二

年嗣十一年卒子康侯榮以建始二年嗣四年卒亡後元延二年以

崇弟淑紹封亡後元始四年以高曾孫岑紹封王莽敗絕凡先後四世五侯

武陽地在郊頃侯史丹高次子成帝為太子高輔導有恩及即位賜

爵關內侯鴻嘉元年四月封千三百戶七年卒子煬侯邯以永始

四年嗣十二年卒子獲嗣更始元年為亂兵所殺

將陵地屬關哀侯史曾高弟初為侍中中郎將賜爵關內侯元康二年

二月封二千二百戶五年神爵四年亡後

平臺地屬常山康侯史玄曾弟官爵同前同日封千九百戶二十五年

卒子戴侯恁以建昭元年嗣十九年卒子習以鴻嘉二年嗣

陽平地屬東郡頃侯王禁元帝王皇后父初元元年三月封二千六百戶

六年卒子敬成侯鳳以永光二年嗣以大將軍益封五千四百戶凡八千戶二十四年卒子釐侯宣以陽朔三年嗣十九年子康侯岑以

建平十四年卒子莫以建國三年嗣十二年更始元年為兵所殺

世凡四

安成地屬汝南共侯王崇王太后母弟成帝時為散騎光祿大夫關內侯

建始元年二月封萬戶二年卒子靖侯奉世以建始三年嗣二十九

年卒子持弓以建國二年嗣王莽敗絕

平阿地屬沛安侯王譚太后弟賜爵關內侯河平二年六月封二千一

百戶十一年卒子刺侯仁以永始元年嗣十九年為王莽所殺子述

以元始四年嗣建武二年卒絕

卮言曰王氏五侯同日並封黃霧四塞詳大禮類外戚門及鑿戒

類

成都地屬山陽景侯王商太后弟同前封以大將軍益封凡四千戶十六

年卒子况以元延二年嗣四年綏和二年坐罪免建平元年以况弟

邑紹封王莽篡位為隆新公與莽俱死

紅陽地屬南陽荒侯王立太后弟同前封三十年卒子柱以元始四年嗣

王莽敗絕光武建武元年立曾孫武桓侯泓以父丹為將軍戰死柱

又與帝有舊封

曲陽地屬九江煬侯王根太后弟同前封三千七百戶再以大司馬益封

七千七百戶哀帝又益二千戶凡萬二千四百戶二十一年卒子涉

以建平元年嗣王莽篡位號直道公為莽所殺

高平地屬臨淮戴侯王逢時太后弟同前封三千戶十八年卒子置以元

延四年嗣王莽敗絕

新都地屬南陽侯王莽太后弟曼之子封後篡位詳篡逆門

褒新侯王安莽子元始四年四月以莽功封二千戶莽篡位為僖

遷公病免

賞都侯臨莽子同前封二千戶莽篡位為太子後為統義陽王自

殺

安陽地屬魏郡敬侯王音太后從弟為大司馬車騎將軍錄尚書事音既

以從舅越親用事小心親職鴻嘉元年六月詔曰車騎將軍音宿衛

忠正勤勞國家前為御史大夫以外親宜典兵馬入為將軍不獲宰

相之封朕甚憊焉其封音以安陽侯食邑與五侯等俱三千戶五年

卒子舜以永始二年嗣莽篡位為安新公子公攝以建國三年嗣更

號和新公與莽俱死

成陽地在新息節侯趙臨成帝趙后父永始元年四月封五年卒子訢以

元延二年嗣建平元年坐弟昭儀絕繼嗣免徙遼西

新成地在廣侯趙欽臨子哀帝綏和二年五月以太后弟封一年建

平元年罪絕同前

宜鄉地名侯馮參中山王舅綏和元年二月封建平元年坐誣告其

姊中山太后祝詛自殺

陽安地名侯丁明哀帝舅綏和二年四月封五千戶七年元始元年

為王莽所殺

平周地屬湖陽侯丁滿帝舅子綏和二年五月封千七百二十九戶元始

三年坐非正免

孔鄉地屬侯傅晏哀帝祖母傅太后之父綏和二年四月封三千戶

又益二千戶六年元壽二年徙合浦

高武地在杜衍貞侯傅喜太后從弟為大司馬建平元年正月封二十三

百戶十五年卒子勁以建國二年嗣王莽敗絕

汝昌地在陽穀侯傅商太后從弟建平四年二月封千戶一年元壽元年

坐外附諸侯免二年五月復以商兄子昌祚封以奉商祀八月坐非

正免

陽新地在野侯鄭業太后同母弟子建平四年八月封二年元壽二年

坐非正免

關內侯衛寶平帝之舅平帝為成帝後賜爵

恩澤諸侯章

漢書敘曰自古受命及中興之君必興滅繼絕修廢舉逸然後天

下歸仁四方之政行焉傳稱武王克殷追存聖賢至乎不及下車

世代雖殊其揆一也高帝撥亂誅暴庶事草創日不暇給然猶修

祀六國求聘四皓過魏則寵無忌之墓適趙則封樂毅之後及其

行賞而授位也爵以功為先後官用能為次序後嗣共已遵業舊

臣繼踵居位至乎孝武元功宿將略盡會上亦興文學進拔幽隱

公孫弘自海瀕而登宰相於是寵以列侯之爵又疇咨前代詢問

耆老初得周後復加爵邑自是之後宰相畢侯矣

周子南地屬長社君姬嘉周後裔也元鼎四年詔求周後得嘉封為周子

南君二千戶六年卒子置以元封四年嗣二十四年卒子常以始元

四年嗣十六年地節三年坐罪棄市元康元年復以常弟延年紹封

初元五年更封為周承休侯位次諸侯王二十九年卒諡曰考子質侯安以建昭三年嗣四年卒子釐侯世以陽朔二年嗣八年卒子黨以永始二年嗣七年綏和元年進爵為公地滿百里元始四年更為鄭公王莽篡位為章牟公卒子常以莽天鳳元年嗣建武二年更封為周承休侯卒子武嗣十三年更為衛公姬氏凡七世三君四侯三公

博山地在順陽簡烈侯孔光孔子十四世之孫也世系別見祖延年以治尚書

為武帝博士父霸亦治尚書昭帝末年為博士宣帝時為大中大夫元帝即位徵霸以師賜爵關內侯食邑八百戶號褒成君卒諡曰烈君長子福嗣關內侯光最少子也經學尤明年未二十舉為議郎坐左遷自免成帝即位舉為博士歷轉僕時尚書令光周密謹慎甚信

任之後為光祿勳遷御史大夫綏和二年二月代翟方進為丞相封

博山侯二年建平二年坐衆職廢免元壽元年復以光為丞相復舊

封益戶凡萬一千病甚上書讓還七千戶六年卒子放嗣王莽敗絕

殷紹嘉地在沛侯孔何齊孔子十三世孫吉之嫡子也綏和元年二月

封以紹殷後千六百七十戶後六月進爵為公地方百里建平二年

益戶九百三十元始二年更為宋公

褒成地在瑕丘侯孔均初名莽孔子世褒成烈君霸之曾孫也始霸為關

內侯食邑上書求奉孔子祭祀元帝下詔曰其令師褒成君關內侯

霸以所食邑八百戶祀孔子焉故霸還長子福於魯奉夫子祀霸卒

子福祀福卒子房嗣房卒子莽嗣元始元年封周公孔子後為列侯

食邑各二千戶莽更封為褒成侯後避王莽更名

褒魯地在南陽節侯公子寬周公世魯頃公玄孫之玄孫也元始元年六月封奉周祀凡二千戶十月卒子相如以十一月嗣更姓公孫氏後更爲姬氏

右先代之後封國

平津鄉屬高城獻侯公孫弘菑川薛人也少時爲獄吏有罪免家貧牧豕海上年四十餘乃學春秋雜說年六十以賢良文學徵對策第一拜爲博士二歲中至左內史嘗與公卿約議至上前皆背其約以順上旨數年遷御史大夫元朔五年代澤爲丞相先是漢嘗以列侯爲丞相唯弘無爵於是下詔以高城之平津鄉戶六百五十封弘爲平津侯其後以爲故事至丞相封侯自弘始也三年卒年八十子度以元狩三年嗣十三年元封四年爲山陽太守坐罪論爲城旦元始二年

以弘後子孫之次見爲侯者爵關內侯食邑三百戶

牧丘地在平原恬侯石慶其先趙人也趙亡徙溫慶父奮年十五爲小吏

侍高帝高帝與語愛其恭敬又召其姊爲美人以奮爲中涓受書謁徙其家長安中戚里以姊爲美人故也奮積功勞文帝時至太中大夫景帝時爲九卿奮長子建次甲次乙次慶皆以馴行孝謹官至二千石號奮爲萬石君元朔五年卒歲餘建亦死元狩元年慶自沛守選爲太子太傅七歲遷御史大夫元鼎五年代趙周爲丞相九月封十年卒子德以太初三年嗣二年天漢元年坐爲太常失法罔上完爲城旦國除

富民地在定侯車千秋本姓田氏其先齊諸田徙長陵千秋爲高寢

郎會衛太子爲江充所譖敗久之千秋上急變訟太子寃武帝見而

說之立拜千秋為大鴻臚數月遂代劉屈氂為丞相征和四年六月封千秋無他材能學術又無閎闊功勞特以一言寤意旬月取宰相封侯世未嘗有也然千秋為人敦厚有智居位自稱踰于前後數公武帝崩遺詔益封凡千六百戶與大將軍霍光輔政十二年卒子順以元鳳四年嗣六年本始元年坐罪自殺國除

宜春地屬汝南敬侯王訢濟南人以郡縣吏積功稍遷為被陽令暴勝之

薦為左輔都尉守右扶風十餘年為御史大夫元鳳四年二月代車千秋為丞相封侯明年卒子康侯譚以元鳳六年嗣以列侯與大將軍光定策立宣帝益封三百戶後坐法削戶五百定六百八戶凡四十五年卒子孝侯咸以建始三年嗣十八年卒子釐侯章以元延元年嗣十八年卒子強以建平二年嗣王莽妻即咸女莽篡位王氏以外戚寵強 二十六年更始元年為兵所殺凡五世

陽平地在東郡節侯蔡義河內温人也以明經給事大將軍莫府家貧常

步行眾門下好事者相合為義買犢車令乘之數歲遷補覆盎城門候久之以說詩召見說之擢光祿大夫給事中數歲拜為少府遷御史大夫元平元年九月代楊敞為丞相封與大將軍光定策益封凡七百戶三年本始四年卒亡後國除

扶陽地在蕭節侯韋賢魯國鄒人也其先韋孟家本彭城徙鄒自孟至

賢五世賢以詩教授號稱鄒魯大儒徵為博士給事中進授昭帝詩稍遷光祿大夫至大鴻臚宣帝即位賢以與議定策賜爵關內侯食邑徙為長信少府本始三年代蔡義為丞相封七百一十一戶十年卒年八十二子共侯玄成以神爵元年嗣九年有罪削爵一級為關

內侯永光二年二月代于定國爲丞相復封六年卒子頃侯寬以建
昭三年嗣卒子僖侯育以元延元年嗣卒子節侯沈表作侯湛嗣元始中
戶千四百二十王莽敗絕凡五世

高平地在憲侯魏相濟陰定陶人徙平陵少學易爲郡卒史舉賢良

以對策高第爲茂陵令後遷河南太守坐罪下獄會赦免復有詔守

茂陵令遷揚州刺史相與丙吉相善宣帝卽位徵爲大司農遷御史

大夫地節三年六月代韋賢爲丞相封侯八百一十三戶八年卒子

弘以神爵三年嗣六年甘露元年坐罪削爵一級爲關內侯

建成地在定侯黃霸淮陰陽夏人以豪傑役使徙雲陵霸少學律令

喜爲吏武帝末以待詔入錢賞官補侍郎謁者察補河南均輸長復

察廉爲河南太守丞宣帝卽位召以爲廷尉正坐事下獄因從夏侯

勝受尚書獄中後勝出爲諫大夫遂薦霸爲揚州刺史擢潁川太守

以治行賜爵關內侯徵爲太子太傅遷御史大夫五鳳三年二月代

丙吉爲丞相封建成侯六百戶四年卒子思侯賞以甘露三年嗣以

定陶太后不宜立號益封二千二百戶三十年卒子忠侯輔嗣二十

七年卒子忠以居攝二年嗣王莽敗絕凡四世

西平地在安侯于定國東海郟人其父于公爲縣獄史郡決曹決獄

平羅文法者于公所決皆不恨定國少學法於父父死後定國亦爲

獄史郡決曹補廷尉史以材高舉侍御史遷御史中丞超爲廷尉定

國乃迎師學春秋爲廷尉十八歲遷御史大夫甘露三年五月代黃

霸爲丞相封六百六十戶十一年卒子頃侯永以永光四年嗣二十

四年卒子恬以鴻嘉元年嗣四十三年更始元年絕凡三世

樂安鄉名在僮侯匡衡東海承人父世農夫至衡好學家貧庸作以供資

用射策甲科以不應令除為太常掌故調補平原文學元帝初史高

光祿大夫太子少傅數年遷御史大夫建始三年七月代韋玄成為

丞相封六百戶七年建始四年坐顯地盜土免

安昌地在汝南節侯張禹河內軹人至禹父徙家蓮勺禹以明經舉為郡

文學久之試為博士遷光祿大夫數歲出為東平內史成帝即位徵

為給事中領尚書事賜爵關內侯食邑六百戶是時帝舅王鳳專權

而禹與鳳竝領尚書內不自安乞退避不許河平四年六月代王商

為丞相封安昌侯六百十七戶益戶四百二十一年卒子宏以建平

二年嗣二十八年更始元年為兵所殺

高陽地在東莞侯薛宣東海郟人少為廷尉書佐都船獄史察補不其丞

後補茂材為宛句令大將軍王鳳聞其能薦為長安令以明習文法

詔補御史中丞出為陳留太守入守左馮翊遷為少府谷永薦為御

史大夫鴻嘉元年四月代張禹為丞相封千九百戶五年永始二年

坐罪免國除宣足智多謀為丞相時翟方進為司直宣知方進名儒

有宰相器深結厚焉後方進竟代為丞相思宣舊恩宣免後二歲薦

宣復用帝乃復宣舊封加寵特進十年綏和二年坐不忠孝父子賊

傷近臣完為城旦子况後坐姦罪棄市

高陵地在琅邪共侯翟方進汝南上蔡人家世微賤至方進父翟公好學

為郡文學方進年十二三失父孤學給事太守府為小史後至京師

受經積十餘年經學明習諸儒稱之以射策甲科為郎二三歲舉明

列國普系 卷之二十八 五

經遷議郎河平中轉爲博士數年遷朔方刺史居官有威多遷丞相
司直徙爲京兆尹永始二年遷御史大夫十一月代薛宣爲丞相封
千戶八年卒子宣以綏和二年嗣十二年居攝元年弟東郡太守義
舉兵討莽不克莽捕義母及宣親屬二十四人皆磔暴于長安市發
方進及其祖冢在汝南者燒其棺柩夷三族誅及種嗣

汜鄉縣在南陽侯何武蜀郡郫縣人宣帝求通達茂異士武以歌詩與王

褒等召見宣室武詣博士受業治易以射策甲科爲郎遷爲鄠令坐
法免歸久之太僕王音舉武賢良方正徵對策拜爲諫大夫遷揚州
刺史五歲入爲丞相司直丞相薛宣敬重之出爲清河太守入爲司
隸校尉徙京兆尹左遷沛郡太守復入爲廷尉綏和元年代孔光爲
御史大夫改官名曰大司空封汜鄉侯食邑千戶汜鄉在琅邪不其

哀帝初卽位褒賞大臣更以南陽隼之博望鄉爲汜鄉侯國增邑千
戶十年元始三年爲王莽所陷自殺衆多寃之莽欲厭衆意令武子
况嗣侯諡武曰刺莽篡位免况爲庶人

高樂地在新野節侯師丹琅邪東武人治詩事匡衡舉孝廉爲郎復舉茂

材補博士出爲東平王太傅丞相翟方進孔光等舉丹爲丞相司直
歷少府光祿勳侍中甚見尊重哀帝卽位爲左將軍賜爵關內侯食
邑領尚書事綏和二年七月代王莽爲大司馬封一年建平元年以
議定陶尊號不合免尋從唐林言賜爵關內侯食邑三百戶元始三
年平帝卽位王莽削定陶尊號更以厚丘之中鄉戶二千一百封爲
義陽侯月餘卒子業嗣王莽敗絕

揚鄉地在相陵侯朱博杜陵人家貧少時給事縣爲亭長稍遷爲功曹後

以太常掾察廉補安陵丞成帝卽位大將軍王鳳秉政長史陳咸薦
博除莫府屬鳳甚奇之舉博櫟陽令以高第入爲長安令遷冀州刺
史徙并州遷琅邪太守以高第入守左馮翊遷爲大司農坐法左遷
病免官復徵爲光祿大夫遷廷尉坐罪免哀帝卽位復召爲光祿大
夫數月超爲大司空建平二年四月代孔光爲丞相封二千五百戶
博上書讓曰故事封丞相不滿千戶而獨臣過制誠慙懼願還千戶
許之八月坐誣罔自殺

新甫

地在
新野

忠侯王嘉平陵人以明經射策甲科爲郎坐事免復察廉

爲長陵尉鴻嘉中舉敦朴能直言召見宣室對政事得失超遷大中
大夫出爲九江河南太守治甚有聲徵入爲大鴻臚徙京兆尹遷御
史大夫建平三年四月代平當爲丞相封千六十八戶三年元壽元

年以封還董賢益戶事下詔獄瘦死元始四年詔追錄忠臣以嘉子

子崇紹封王莽敗絕

長平

地在
濟南

頃侯彭宣淮陽陽夏人治易事張禹舉爲博士遷東平太

傅禹以帝師見尊信薦宣入爲右扶風遷廷尉以王國人出爲平原
太守數年復入爲大司農光祿勳右將軍哀帝卽位徙爲左將軍賜
爵關內侯罷歸元壽元年復以鮑宣薦召爲光祿大夫遷御史大夫
轉爲大司空五月封二千七十四戶哀帝崩王莽秉政罷就國封凡
四年卒子節侯聖以元始四年嗣十四年卒子業以天鳳五年嗣王

莽敗絕

凡三
世

關內侯平當祖父以訾百萬自下邑徙平陵當以爲大行治禮丞後
爲桐邑令以明經爲博士遷丞相司直累遷大鴻臚光祿勳建議淳

千長不應封爵左遷鉅鹿太守哀帝卽位復徵爲光祿勳御史大夫
建平二年代朱博爲丞相以冬月賜爵關內侯明年春帝使使者召
欲封當當病篤不應召後月餘卒

防鄉

地名

侯平晏當之子也明經歷以長安少府與劉歆孔永孫

遷四人使治明堂辟雍得萬國懽心元始五年爲大司徒封千戶
王莽篡位更爲孰新公

扶德

地在
潁榆

侯馬宮東海戚人治春秋莊氏以射策甲科爲郎後爲丞

相司直出爲青州刺史汝南九江太守所在見稱徵爲詹事光祿勳
右將軍平帝元始元年代孔光爲大司徒封二千戶王篡篡位以宮
爲太子師卒官本姓馬矢宮仕學稱馬氏云

扶平

地在
臨淮

侯王崇以大司空同前封三年爲侍婢所毒卒

右宰相封者二十一人

通考曰班孟堅述西都列侯除王子之外以功臣爲一表外戚恩
澤爲一表蓋功臣者以勳績顯著而得之者也外戚恩澤者以遷
逢忝竊而得之者也然裔夷之降虜有何勳庸乃儕之功臣宰相
而封侯未爲恩澤乃儕之恩澤又博陸之定大策輔幼主長平冠
軍之征匈奴取朔方破祁連其殊勳偉績本不緣椒房至李貳師
則祗緣女寵以進伐大宛得名馬之事又不足言且不能終守臣
節今列貳師於功臣列傳博陸長平冠軍於外戚抑揚之意殊所
未喻

卮言曰漢初之約非有功不侯而列侯得爲丞相自公孫弘以布
衣取相乃至封侯其後遂爲故事然其初實特恩也長平冠軍博

陸雖建殊勲而其始進則緣椒房班氏列之恩澤立法嚴而用意遠矣且外戚恩澤固亦有當封者不必盡爲抑也貳師祗緣女寵不得比於外戚故類見于功臣之中而所謂功臣侯者亦未必皆勳賢耳惟降虜雖有戰功不得與功臣比故系之恩澤云

射陽

縣屬臨淮射或作貫者後人改也

侯劉纏本姓項氏卽項伯也兵初起與諸侯

共擊秦爲楚左令尹高帝爲漢王與項有郤於鴻門纏解難以破羽

降漢賜姓劉氏六年正月封九年惠三年卒子睢有罪不得代

平臯

縣屬河南

煬侯劉它本姓項氏漢六年以礪郡長初從賜姓劉氏功

比軼侯七年十月封五百八十戶

漢表云五千八百戶

子共侯遠以惠五年嗣

三十四年卒子節侯光以景元嗣十六年卒子勝以建元元年嗣二

十八年元鼎五年坐酎金免元康四年它玄孫之孫長安簪裹勝之

詔復家

安陵

地名

侯于軍以匈奴王降景中三年十一月封千五百二十七

戶十三年建元六年卒亡後國除

垣

縣屬河東

侯賜失姓以匈奴王降同前封中元六年卒不得代

遒

縣屬涿郡

侯陸史表作隆彊以匈奴王降同前封五千五百六十九戶子則

嗣武後元年坐祝詛要斬國除

容城

縣屬涿郡

攜侯徐盧以匈奴王降侯同前封七百戶七年卒子康侯

纏

史表作綽

十四年卒子光以建元二年嗣四十年後元二年坐祝詛要

斬國除

易

縣屬涿郡

侯僕黜音但史表作

以匈奴王降侯同前封千一百十戶六年後

三年卒無後國除

范陽縣屬靖侯范代史表作以匈奴王降侯同前封千一百九十七

戶十四年卒子懷侯德以元光二年嗣四年卒亡後國除元始二年

代玄孫政詔賜爵關內侯

翁地在黃侯邯鄲以匈奴王降侯同前封六年元光四年坐罪國除

亞谷一作亞父簡侯盧它之史表作故燕王盧綰子也以匈奴東胡

王降侯景中五年四月封千五百戶二年卒子安侯種漢表以景後

元年嗣七年卒子康侯漏史表以建元五年嗣七年卒子賀以元光

六年嗣三十九年征和二年坐受衛太子節掠死國除

翁地見侯趙信以匈奴相國降為侯武帝元光四年七月封元朔二

年擊匈奴功益封千六百八十戶六年為前將軍與匈奴戰敗降匈

奴

潦地在悼侯趙漢表無王援誓以匈奴趙王降元狩元年七月封二

年卒無後國除

宜冠地在侯高不識故匈奴歸義以校尉從驃騎將軍再擊匈奴有

功元符元年五月封四年坐擊匈奴增首不以實當斬贖罪免

輝渠鄉名地忠侯僕朋史表作僕多故匈奴歸義以校尉從驃騎將

軍再出擊匈奴得王元狩二年二月封又從驃騎將軍虜五王功益

封八年卒子雷電史表名以元鼎四年嗣二十二年征和三年以五

原屬國都尉與貳師將軍擊匈奴沒

下摩地在侯呼毒尼以匈奴王降元狩二年六月封七百戶九年卒

子煬侯伊即軒以元鼎五年嗣卒失子冠友嗣神爵三年詔居弋居

山坐罪免國除

濕陰

史表作濕陰在平原

定侯昆邪

史表

以匈奴昆邪王將眾十萬降元狩三年

年四月封萬戶四年卒子魏侯蘇以元鼎元年嗣十年元封五年卒

亡後國除

輝渠慎侯應死

音疋履反

以匈奴王降元封三年七月封五年元鼎三年

卒亡後國除

史記索隱曰韋昭云僕多所封則作輝渠應它所封則作渾渠二

者皆鄉名在魯陽今並作輝誤也按漢表及傳亦皆作輝孔文祥

云同是元狩中封則一邑分封二人也其義為得

河綦

地在濟南

康侯烏黎以匈奴右王與渾邪降同前封六年卒子餘利

鞮以元鼎三年嗣四十二年本始二年卒亡後國除

常樂

地在濟南無謚

侯稠雕以匈奴大當戶與渾邪降同前封十八年

卒子廣漢以太初三年嗣六年太始元年卒亡後國除

杜

史表作杜地在東平

侯復陸友以匈奴因淳王歸義從驃騎將軍擊左王以

少破多捕虜三千一百元狩四年六月封五年卒子偃以元鼎二年

嗣卒子屠耆嗣卒子宣平嗣卒子福嗣河平四年坐非子免國除凡

五世五侯

衆利

地名

侯伊即軒以匈奴樓剽王歸義從驃騎將軍擊右王手自

劔合同前封十四年卒子當時以元封六年嗣卒子輔宗嗣始元五

年卒亡後國除為諸縣凡三世三侯

湘成

地在陽城

侯敞屠洛以匈奴符離王降同前封千八百戶七年元鼎

五年坐酎金國除

散

地在陽城

侯董舍吾

史表作茶吾索隱曰劉氏云茶誤今以其人名余吾余吾匈奴水名也

以匈奴都尉

降同前封千一百戶十七年卒子安漢以太初三年嗣卒子賢嗣征和三年坐祝詛下獄病死

臧馬地在朱虛康侯雕史表無雕延年以匈奴王降同前封八百七十戶五年卒無後國除

卒無後國除

瞭地在舞陽侯次公以匈奴歸義王降元鼎四年封五年坐酎金國除

術陽地在下邳侯建德南越王兄初為越高昌侯元鼎五年三月封四年

坐罪誅國除

特轅地在南陽史表作特裝誤侯樂史失其姓以匈奴都尉降元朔元年後九月封六

百五十戶十三年元鼎元年卒亡後國除

親陽地在舞陽侯月氏以匈奴相降元朔二年十月封六百八十戶五年

坐謀反入匈奴要斬

若陽地在平氏侯猛史失姓以匈奴相降同前封五百三十戶罪誅同前

涉安地名關侯於單以匈奴單于太子降元朔三年四月封五月卒亡

後國除

昌武地在武陽堅侯趙安稽以匈奴王降元朔四年七月封又從驃騎將

軍擊右賢王益封二十一年卒子充國嗣四年卒亡後國除

襄城地在潁川侯桀龍史表作無龍一云乘龍以匈奴相國降元朔四年七月封四

百戶三十二年與浞野侯俱以戰死事子病以太初三年嗣十五年

後元二年坐祝詛下獄瘦死國除

瞭見前侯罽取以南越將軍降元鼎六年三月封五百十戶卒子奉義

嗣後二年坐祝詛要斬

安道地在南陽侯揭陽定以南越揭陽令聞漢兵至自定降元鼎六年三

月封六百戶卒子當時嗣延和四年坐殺人棄市國除

隨桃地在南陽項侯史表無盜趙光以南越蒼梧王聞漢兵至降元鼎六年四

月封三千戶卒子昌樂嗣本始元年卒嗣子有罪不得代元始五年

復以光玄孫放紹封千戶

湘成地在堵陽侯監居翁監官居姓翁字以南越桂林監聞漢兵破番禺諭歐駱

氏四十餘萬降元鼎六年五月封八百三十戶子益昌嗣五鳳四年

坐為九真太守盜使人出買犀奴婢臧百萬以上不道誅

外石地在濟南史表作北石誤侯吳陽以故東越侯佐繇王斬餘善功元封元年

正月封千戶九年卒子首以太初四年嗣十四年後二年坐祝詛要

要斬國除

下鄜地在南陽史表作下鄜誤侯左黃同以故甌駱左將斬西干王功元封元

年四月封七百戶卒子奉漢嗣後二年坐祝詛要斬國除

開陵地在臨淮侯建成以故東粵建成侯與繇王共斬餘善功元封元年

正月封二千戶卒子祿嗣延和二年坐舍衛太子所私幸女子又祝

詛要斬國除

臨蔡地在河內侯孫都以故南越郎漢兵破番禺為伏波得南越相呂嘉

功同前封千戶卒子襄嗣太初元年坐擊番禺奪人虜掠死國除

東城地在九江侯居股以故東粵繇王斬東粵王餘善功同前封萬戶二

十三年延和三年坐衛太子舉兵謀反腰斬國除

無錫縣屬會稽侯東軍以東粵將軍漢兵至棄軍降同前封千戶卒子卯

嗣延和四年坐與歸義趙文王將兵追反虜到弘農擅棄兵還贖罪

死

涉都

地在南陽

侯喜

史表作嘉

父棄故南海太守漢兵至以越邑降元封元年

喜以父封二千四十戶八年太初二年卒亡後國除

平州

地在梁父

侯王

史表無姓

啖以朝鮮將漢兵至降元封三年四月封千四

百八十戶四年卒亡後國除

菽苴

地在渤海

侯韓陶

史表作陰

以朝鮮相將兵漢兵圍之降元封三年四月

封五百四十戶十九年延和二年卒封終身不得嗣

瀆清

地在齊

侯參以朝鮮泥溪相使人殺其王右渠降漢元封三年六

月封千戶十一年天漢二年坐匿朝鮮亡虜下獄病死國除

隄茲

表在琅邪

侯稽谷姑以小月氏右賢王將眾降元封四年十一月封

千九百戶太初元年卒亡後國除

開陵

見前

侯成婉以故匈奴介和王將兵擊車師封

不得封年

卒子順嗣卒

侯參嗣王莽敗絕凡四世後元延元年復以參弟級紹封是為僖侯千二十

戶子參嗣王莽敗絕

凡四世五侯

輒譙

縣屬河東

侯扞者以小月氏王將軍眾千騎降元侯四年正月封二

年卒子勝以元封六年嗣五年天漢二年卒制所幸封不得嗣

幾

地在河南

侯張啓以朝鮮王子漢兵圍朝鮮降元封四年三月封六年

坐使朝鮮謀反死國除

涅陽

地屬南陽

康侯最父路人故朝鮮相漢兵至首先降道死元封四年

三月最以父封五年太初元年卒亡後國除

歸德

地在汝南

侯先賢揮以匈奴單于從兄日逐王率眾降神爵三年

四月封二千二百五十戶二十六年卒子煬侯富昌以竟陵元年嗣

子諷以建始二年嗣五十六年卒子襄以建武二年嗣卒子霸嗣永

平十四年有罪免國除

凡五世

信成

地在細陽

王定以匈奴烏桓屠幕單于子左大將軍率眾降五鳳二年九月封千六百戶後坐弟謀反削百五戶凡十二年卒子廣漢以初元五年嗣三年永光元年卒亡後國除元始五年復以定孫紹封千戶

義陽

前見

侯厲溫敦以匈奴諱連累單于率眾降五鳳三年二月封千五百戶四年坐子伊細王謀反削爵一級爲關內侯食邑千戶

右降附封者凡五十二人

建陵侯張澤宦者以大謁者勸王諸呂文八年四月封九月奪

樂通

地在高平

侯欒大以方術詔所褒元鼎四年封二千戶五年坐罔上

要斬

定陵

地在汝南

侯淳于長魏郡元城人少以太后姊爲黃門郎未進幸會

大將軍王鳳病長侍病有恩鳳且終以長屬托后及帝拜爲列校尉諸曹遷侍中至衛尉九卿父之趙飛燕貴幸欲立爲后太后難之長往來通語歲餘趙后得立帝甚德也迺追叙長言昌陵不可成有功賜爵關內侯元延三年二月遂封爲定陵侯千戶王莽心害其寵因發其姦綏和元年坐大逆下獄死

高安

地在朱扶

侯董賢雲陽人父恭爲御史任賢爲太子舍人哀帝立賢

隨太子官爲郎帝說其儀貌拜爲黃門郎繇是始幸寵愛日甚遷賢父爲少府賜爵關內侯食邑千戶帝欲侯賢而未有緣會孫寵息夫躬等告東平王雲事帝於是令躬寵爲因賢告者乃以其功下詔封賢高安侯建平四年八月封食邑千戶頃之復益封賢二千戶丞相王嘉

坐諫諍下獄死哀帝崩王莽秉政以太后詔罷賢大司馬即日自殺

宜陵地在杜衍侯息夫躬河內河陽人少為博士弟子受春秋通覽記書

容貌壯麗為眾所異哀帝初即位皇后父傅晏與躬相善躬以為援

交遊日廣先是長安孫寵亦以游說顯名免汝南太守與躬相結俱

上書召待詔是時哀帝被疾而人有告中山孝主太后祝詛上太后

及弟馮參皆自殺躬因與寵謀告東平王雲與其后祠祭祝詛下有

司案驗雲及后皆伏誅帝方欲侯董賢遂下詔云躬寵因賢以聞封

戶同前二年元壽二年坐罪下獄死

方陽地在龍亢侯孫寵長安人恩封同前躬死有司奏寵姦謀徙合浦郡

右佞幸封者六人

廣陽地在南陽侯甄豐史失其系人哀帝崩太皇太后與王莽立平帝元始元

年二月豐以左將軍光祿勳定策功封五千三百六十五戶莽篡位

為廣新公後為莽所殺

承陽地在汝南侯甄邯豐弟也以侍中奉車都尉同前功封二千四百戶

莽篡位為承新公

紅休以下諸侯王莽偽封地皆鄉名闕考侯劉歆楚元王之後陽城繆侯德之孫也父

向為光祿大夫領校秘書以譏刺王氏三十餘年不遷官卒年七十

二歆少以通詩書能屬文名見為郎與父領校秘書向死後歆為中

壘中尉哀帝即位王莽秉政舉歆宗室有材行為侍中光祿大夫貴

幸欲建立左氏為眾儒所訕出為河內太守哀帝崩王莽置羲和官

以歆為羲和京兆尹使治明堂辟雍元始五年以得萬國懽心功與

平晏孔永孫遷四人同封各千戶莽篡位為國師公後為莽所誅

寧鄉侯孔永以侍中五官中郎將同前封莽篡位爲大司馬
定鄉侯孫遷以常侍謁者同前封

常鄉侯王惲以太僕與閻遷陳崇等八人使行風俗宣明德化萬國
齊同元始五年四月封

望鄉侯閻遷以鴻臚同前功封

南鄉侯陳崇以大司徒司直同前封

邑鄉侯李翁以水衡都尉同前封

亭鄉侯郝黨以中郎將同前封

章鄉侯謝殷以中郎將同前封

蒙鄉侯逮普以騎都尉同前封莽篡位爲大司馬

盧鄉侯陳鳳以中郎將同前封

弓武侯孫建以彊弩將軍有折衝之威同前封莽篡位爲成新公

明統取名非也侯侯輔以騎都尉明爲人後一統之義同前封

右王莽秉政時封者

總論漢封之制

高帝六年始剖符功臣曹參等爲通侯

通考曰已上封大功臣二十餘人其餘日夜爭功不決未得行封
上在洛陽南宮從複道望見諸將往往相與坐沙中語上曰此何
語留侯曰陛下不知乎此謀反耳上曰天下屬安定何故反乎留
侯曰陛下起布衣以此屬取天下今陛下爲天子而所封皆故人
所親愛所誅皆生平所仇怨今軍吏計功以天下不足徧封此屬
畏陛下不能盡封恐又見疑平生過少及誅故卽相聚謀反耳上

乃憂曰爲之柰何留侯曰上平生所憎群臣所共知誰最甚者上曰雍齒與我有故怨數嘗窘辱我我欲殺之爲其功多故不忍留侯曰今急先封雍齒則羣臣人人自堅矣於是上乃置酒封雍齒爲什方侯見前而急趣丞相御史定功行封羣臣罷酒皆喜曰雍齒尚爲侯我屬無患矣列侯畢已受封詔定功臣十八人位次上從鄂千秋言以蕭何第一曹參次之

卮言曰十八侯位次史漢所載不同蓋高后時復定功臣之封十八侯者高帝初封耳

十二年詔列侯皆令自置吏得賦歛女子公主爲列侯食邑者佩之印賜大第室

通考曰秦漢之制列侯封君食租衣稅率戶二百千戶之君則二

十萬朝朝聘享出其中

高后二年詔差次列侯以定朝位藏于高廟世世勿絕嗣子各襲其功位

文帝二年詔曰朕聞古者諸侯建國千餘各守其地以時入貢民不勞苦上下歡欣靡有違德今列侯多居長安邑遠吏卒給輸費苦而列侯亦無繇教訓其民其令列侯之國

三年詔曰前日詔遣列侯之國辭未行丞相朕之所重其爲朕率列侯之國遂免丞相勃遣就國景帝後二年省列侯之國

馬氏曰初封列侯猶有君國子民之意故文帝遣列侯就國之詔謂其居長安無繇教訓其民也景帝既不令諸侯王治事故亦省徹侯之國蓋事權皆在其相所謂侯國者與郡邑無異矣

通考按文帝二年詔列侯就國而多辭未行三年乃免絳侯相印
令率列侯就國是強之使行也絳侯既就國每河東守尉行縣至
絳勃自畏恐誅常披甲令家人持兵以見人遂告其欲反夫既曰
畏罪恐誅而乃持兵以待守尉欲何為邪勃不學無術見本不能
處功名之際而徒以來讒賊之口倘非遇孝文長者則不能全之
矣然卽此可以見當時功臣侯之就國者憂讒畏譏不能不見陵
尉方其身都將相則聲勢赫奕與人主朋儔及其退就國邑
則心懷畏懼視守尉如官長蓋封爵之號同乎黜徙迫之乃行與
古人建侯之意異矣

武帝元鼎五年列侯坐獻黃金酎祭宗廟不如法奪爵者百六人丞
趙周下獄死服虔曰因八月獻酎祭宗廟時使諸侯各獻金助祭也如淳曰漢儀注語侯王歲以戶口酎金於廟皇帝

際受獻金金少不如斤兩色惡王削縣侯免國璜曰食貨志南越反時卜式上書願死之天子下詔褒揚布告天下天下莫應列侯以百數莫求從軍至酎飲酒少府省金而列侯坐酎金失侯者百餘人而表云趙周爲丞相相知列侯酎金輕下獄自殺然則知其輕而不糾搃之也師古曰酎三重釀醇酒也

容齊洪氏隨筆曰漢自武帝以後丞相無爵者乃封侯其次雖御
史大夫亦不以爵封爲聞唯太常一卿必以見侯居之而職典宗
廟園陵動輒得咎由元狩以降以罪廢斥者二十人意武帝陰欲
損侯國故使居是官以困之爾表中所載鄼侯蕭壽成坐犧牲瘦
蓼侯孔臧坐衣冠道橋壞鄼侯周仲居坐不收赤側錢繩侯周平
坐不繕園屋睢陵侯張昌坐乏祠陽平侯杜相坐擅役鄭舞人廣
阿侯任越人坐廟酒酸江鄉侯斬石坐離官道橋苦惡戚侯李信
成坐縱丞相侵神道俞侯欒賁坐雍犧牲不如令山陽侯張當居

坐擇博士弟子不以實成安侯韓延年坐留外國文書新時侯趙弟坐鞠獄失實牧丘侯石德坐廟牲瘦當塗侯魏不害坐孝廟風發瓦轅侯江德坐廟郎夜飲失火蒲侯蘇昌坐泄官書弋侯任官坐人盜茂陵園物建平侯杜緩坐盜賊多自鄴侯至牧丘十四侯皆奪國武帝時也自當塗至建平五侯但免官昭宣時也下及晉世此風猶存惠帝元康四年大風廟闕屋瓦有數枚傾落免太常荀寓五年大風蘭臺主者求索阿棟之間得瓦小邪十五處遂禁止太常復興刑獄陵上荆一枝圍七寸二分者被斫司徒太常犇走道路太常禁止不解蓋循習漢事云

通考曰漢之所謂封建本非有公天下之心故其予之甚艱而奪之每亟至孝武之時侯者雖衆率是不旋踵而褫爵奪地方其外事四夷則上遵高帝非功不侯之制於是有功侯者七十五人然終帝之世失侯者已六十八人其能保者七人而已及其外削諸侯則采賈誼各受其祖之分地之說於是以王子侯者一百七十五人然終帝之世失侯者已一百一十三人其能保者五十七人而已外戚恩澤侯者九人然終帝之世失侯者已六人其能保者三人而已功臣外戚恩澤之失侯也諉曰予奪自我王子之失侯則是姑假推恩之名以析之而苛立黜爵之罰以奪之與賈誼所謂一寸之地一人之衆無所利焉者異矣禁網既苛動輒得咎而坐宗廟酎金失侯者尤衆食貨志言帝因卜式上書願輸財助邊下詔褒美以諷天下而莫有應者於是列侯坐酎金失侯者百餘人蓋當時國計不給方事誅求雖庶人之多貲者亦必立告緡

之酷法以取之宜其不容列侯坐享封君之富也

宣帝元康四年上令有司求高祖功臣子孫失侯者得槐里公乘周廣漢等百三十六人皆賜黃金二十斤復其家令奉祭祀世世勿絕通考按高帝功臣至武帝時失侯者衆至是方訪求其後而褒錫之然纔得復除租役免同邊氓而已孝文帝而後侯而失爵者則不復省錄矣

容齋洪氏隨筆曰周之初諸侯千八百國至赧王之亡所存者才八國耳七戰國與衛也然趙韓魏分晉而立齊田氏代齊而興其有土各不及二百年俱非舊邦秦始皇乃呂氏子楚幽王乃黃氏子所謂羸羊之先當不款非類然則唯燕衛二姬姓存而衛至胡亥世乃絕若以爲召公康叔之德則周公豈不及乎漢列侯八百

餘人及光武而存者平陽建平富平三侯耳建平以先降梁王永奪國平陽爲曹參之後富平爲張安世之後參猶有創業之功若安世則湯子也史稱其推賢揚善固宜有後然輕重其心殺人則多矣獨無餘殃乎漢侯之在王莽朝皆不奪國光武乃但許宗室復故餘家除之雖鄼侯亦不紹封不知曹張兩侯何以能獨全也王莽僞封章

王莽自稱新皇帝降漢諸侯王皆爲公王子侯皆爲子

莽篡漢稱新皇帝始建國元年己巳正月廢孺人爲定安公按金匱封拜其親黨又曰天無二日土無二王百王不易之道也漢氏諸侯或稱王至於四夷亦如之違於古典繆於一統其定諸侯王之號皆稱公及四夷僭號稱王者皆更爲侯於是漢諸侯王三十

二人皆降為公王子侯者百八十一人皆降為子

庚午

莽始建國二年

春二月莽廢漢諸侯王為民

莽始建國二年二月五威將帥七十二人還奏事漢諸侯王為公者悉上璽綬為民無違命者獨故廣陽王嘉以獻符命魯王閔以獻神書中山王成都以獻書言莽德皆封列侯

是年十一月莽立國將軍孫建奏九月辛巳陳良終帶自稱廢漢大將軍亡八匈奴又今月癸酉不知何一男子遮臣建車前自稱漢氏劉子與成帝下妻子也劉氏當復趣空宮收繫男子即常安姓武字仲皆逆天違命大逆無道漢氏宗廟不當在常安城中及諸劉當與漢俱廢陛下至仁久未定前故安眾侯劉崇徐鄉侯劉快陵鄉侯劉曾楚思王子扶恩侯劉貴等更聚眾謀反今狂狡之虜復

依託亡漢至犯夷滅連未正者此聖恩不早絕其萌芽故也臣請漢氏諸廟在京師者皆罷諸劉為諸侯者以戶多少就五等之差其為吏者皆罷待除於家罷黜其職還家待除上當天心稱高皇帝神靈塞狂狡之萌莽曰可嘉新公國師敬以符命為予四輔明德侯劉龔率禮侯劉嘉等凡三十二人皆知天命或獻天符或貢昌言或捕告反虜厥功茂焉諸劉與三十二人同宗共祖者勿罷賜姓曰王

安新公王舜安陽侯音之子初嗣父爵莽居攝時以為太傅左輔莽篡漢舜為太師改今封後病悸寢劇死子延襲漢兵入長安戰死同心公王匡舜子莽居攝時以籌策定制度功封同心侯後為太師將軍以平反功進爵為公癸未九月漢兵誅莽匡守雒陽降漢

傳詣宛斬之

說德侯王林舜子同前封後為衛將軍

新遷王王安莽第三子初封褒新侯莽居攝為新舉公莽篡漢始建

國四年七月立為新遷王莽改汝南新蔡曰新遷音仙師古曰遷猶仙耳九月病死

統義陽王王臨莽第四子初封賞都侯莽居攝為褒新公莽篡位立

為統義陽王莽曰臨國維陽為統謂據土中為新室統也宜為皇太子以謀殺莽事泄自殺

功修公王興莽侍者子也安死莽自病無子乃封之

功建公王匡同前封

衍功侯王光莽兄子初始元年封尋以罪自殺莽令公子嘉襲爵

居攝二年羣臣復奏言太后修功錄德遠者千載近者當世或以

文封或以武爵深淺大小靡不畢舉今攝皇帝負辰踐阼宜異於

宰國之時制作雖未畢已宜進二子爵皆為公春秋善善及子孫

賢者之後宜有土地成王廣封周公度子六人皆有茅土及漢子

名相大將蕭霍之屬咸及支庶兄子光可先封為列侯諸孫制度

畢已大司徒大司空上名如前詔書太后詔封焉

直道公王涉曲陽侯根子也根成帝時為大司馬薦莽自代莽恩之

以為曲陽非會稱乃追謚根曰直道讓公涉襲其爵為衛將軍自殺

隆新公王邑成都侯商子也初襲父爵莽篡漢以為大司空進今封

漢兵入長安戰死堂威侯王奇邑弟為左關將軍封與甄尋同死章

新公王尋初為不進侯莽篡位進今封為司徒拒漢兵伏誅

明義侯王駿為疆弩將軍封後為五威將將兵擊西域為焉耆聽殺

建威侯王昌以中少府封為中堅將軍

莽篡漢始建國元年以王舜等四人為四輔位上公甄邯等三人為三公甄豐等四人為四將皆封公爵凡十一公封王氏齊縵之屬為侯大功為伯小功為子總麻為男其女皆為任男以睦女以隆為號焉師古曰睦隆皆其受封邑之號取嘉名也

功隆公千莽長子宇之子

功明公壽

功成公吉

功崇公宗

功昭公世

功著公利宇六子封

右莽族封

率禮侯劉嘉漢宗室也居攝二年劉崇討莽不克而死嘉以歸莽封淑德侯張竦

居攝二年四月安眾侯劉崇起兵討莽進攻宛不得入而敗宗族

父嘉與張紹從弟竦詣闕自歸莽赦弗罪竦因為嘉作奏稱莽德美罪狀劉崇願之南陽潞崇宮室莽大悅封嘉為率禮侯嘉子七人皆賜爵關內侯後又封竦為淑德侯長安為之語曰欲求封過張伯松字竦力戰鬪不如巧為奏莽又封南陽吏民有功者百餘人廣新公甄豐初封廣陽侯見漢功臣莽居攝時為大司空莽篡位為更始將軍與孫建王興王盛謂之四將始建國三年以子尋事自殺并力侯甄匡豐孫

居攝二年十二月莽白太后下詔曰故太師光雖前薨功效已列太保舜太司空豐輕車將軍邯步兵將軍建皆為誘進單于籌策又典靈臺明堂辟雍四郊定制度開于午道與宰衡同心說德合意并力功德茂著封舜子匡為同心侯林為說德侯光孫壽為合

意侯豐孫匡爲并力侯益邯建各三千戶

茂德侯甄尋豐子以作符命封爲侍中京兆太尹始建國二年復作符命言平帝后爲尋之妻莽怒收捕尋殺之豐自殺

合意侯孔壽莽太師光之孫

承新公甄邯初封承陽侯莽篡位爲大司馬進封與王尋邑爲三公成新公孫建初封成武侯莽篡位爲立國將軍進封

貢符子張永莽居攝爲冠軍以獻符命太皇太后爲新室文母封

嘉新公劉歆漢宗室爲紅休侯莽篡位爲國師進封與王舜平晏哀章爲四輔地皇四年與王涉董忠等謀殺莽事覺自殺

隆威侯劉棻歆子爲侍中五司大夫封以甄尋辭連爲莽所誅伐

虜侯劉泳棻弟

居攝二年東郡太守翟義起兵討莽三輔豪傑皆起兵應義莽遣諸將擊滅之莽大置酒未央宮白虎殿勞賜將帥詔陳崇治校軍功第其高下莽乃上奏曰明聖之世國多賢人故唐虞之時可比屋而封至功成事就則加賞焉至於夏后塗山之會執玉帛者萬國諸侯執玉附庸執帛周武王孟津之上尚有八百諸侯周公居攝郊祀后稷以配天宗祀文王於明堂以配上帝是以四海之內各以其職來祭蓋諸侯千八百矣禮記王制千七百餘國是以孔子著孝經曰不敢遺小國之臣而況於公侯伯子男乎故得萬國之懽心以事其先王此天子之孝也秦爲亡道殘滅諸侯以爲郡縣欲擅天下之利故二世而亡高皇帝受命除殘考功施賞建國

數百後稍衰微其餘僅存大皇太后躬統大綱廣封功德以勸善興滅繼絕以永世是以大化流通旦暮且成遭羗寇害西海郡反虜流言東郡逆賊惑衆西土忠臣孝子莫不奮怒所征殄滅盡備厥辜天下咸寧今制禮作樂實考周爵五等地四等有明文殷爵亡等有其說無其文孔子曰周監於二代郁郁乎文哉吾從周臣請諸將帥當受爵邑者爵五等地四等奏可於是封者高爲侯伯次爲子男當賜爵關內侯者更名曰附城凡數百人擊西海者以羗爲號槐里以武爲號翟義以虜爲號

項安世家說曰王莽封諸侯置附城漢人蓋以城爲墉也古文庸卽墉字後人加土以別之不成國者謂之墉城猶今言支郡爲屬城也胡氏云余謂王制不能五十里者不達於天子附於

諸侯曰附庸鄭注曰小城曰附庸附庸者以國事附於大國正義曰庸城也謂小國不能自通以國事附於大國故曰附庸

就新公平晏漢就德侯莽居攝爲大司徒莽篡位爲太傅進封

美新公哀章廣漢梓童人學問長安素無行作銅匱以獻莽莽遂篡位莽以章爲國將封

奉新公王興京兆人故城門令史莽篡位以爲衛將軍妻莽孫女妨爲夫人天鳳四年以妨罪責問自殺

崇新公王盛京兆人賣餅莽篡位以爲前將軍封同前

莽案符命求得此姓名十餘人王興王盛兩人容貌應卜相徑從布衣登用以視神焉初甄豐劉歆王舜爲莽腹心倡導在位褒揚功德安漢宰衡之號及封莽母兩子兄子皆豐等所共謀而豐舜

欽亦受其賜並富貴矣莽羽翼已成意欲稱攝豐等承順其意莽
輒復封舜欽兩子及豐孫豐等爵位已盛心意既滿又實畏漢宗
室天下豪傑而疏遠欲進者並作符命莽遂據以即真舜欽內懼
而已豐託符命文爲更始將軍與賣餅兒王盛同列豐父子默然
平化侯平遵晏之子始建國四年晏死尊以飾行爲太傅封
統睦侯陳崇莽篡位封

說符侯崔發封同前地皇四年爲大司空漢兵旣誅莽斬發以狗

宣威公蘭苞莽始建國三年以誘致單于封爲虎牙將軍

楊威公戴級封同前爲虎賁將軍

懷羗子王福 明威侯王級 尉睦侯王嘉

威德子陳饒莽始建國二年以破匈奴封

莽悉封五威將爲子帥爲男獨陳饒以破璽之功封威德子饒帥也

功封是時爭爲符命封侯其不爲者相戲曰獨無天帝除書乎司

命陳崇白莽曰此開姦臣作福之路而亂天命宜絕其原莽亦厭

之遂使尚書大夫趙並驗治非五威將率所班皆下獄

武建伯嚴尤莽篡位爲大司馬封後以諫莽策免歸故郡復爲納言

將軍莽誅尤敗走歸劉望於汝南望死尤伏誅

和親侯王歙王昭君兄子莽

延德侯陳茂莽篡位封後爲秩宗將軍與嚴尤同誅

建德侯唐林莽始建國四年以德行醇備封爲尚書令

封德侯紀逡琅邪人封同前 降符伯董忠代嚴尤爲大司馬

大贅起武侯孫伋 崇祿侯孔永代姚恂爲寧始將軍

右莽功臣封

和平侯史湛杜陵人莽地皇三年立史氏為皇后謹以后父封拜為
寧始將軍拒漢兵於渭橋敗走與莽俱誅

初睦侯姚恂莽以為帝舜出自帝嚳姚舜姓故封恂奉黃帝後

修遠伯梁護奉少昊後

祁烈伯劉歆

此別一劉歆非國師公也

奉顓頊後

莽謂劉氏堯後出自顓頊故以歆奉顓頊又以舜出帝嚳皆謬

伊休侯劉豐國師劉歆子奉堯後

始睦侯嬌昌奉虞帝後莽孫功隆公干

見前條

奉帝嚳後

褒謀子山遵奉皐陶後

褒衡子伊玄奉伊尹後

章平公姬黨周後舊封衛公莽更封

章昭侯孔弘殷後舊封宋公莽更封

章功侯姒豐遼西人夏後封

褒魯子姬就周公後

褒成子孔均宣尼後

世睦侯田豐奉敬王後

陳敬仲莽祖封敬王

統睦侯陳崇

見前

奉胡王後

陳胡公莽追王

右莽恩

剝胡子郭欽以戊巳校尉擊焉耆功為填外將軍封

集胡男何封以左帥擊焉耆封

平均公廉丹為莽大司馬更始將軍封平均侯與王匡攻拔反城進

爵為公與赤眉別校董憲戰死莽賜謚曰果公

明學男張邯稱說莽德及符命封地皇四年為大司徒為漢兵所殺

同風侯遠並莽篡位封始建國三年爲大司馬
輔國侯王丹爲莽大司空士莽天鳳四年以發覺馬適求等謀封
地理侯孫陽以造井田封

莽始建國四年

壬申

二月五日莽至明堂受諸侯茅土下書曰予以

不德襲于聖祖爲萬國主思安黎元在于建侯分九州正域以美
風俗追監二代爰綱爰紀邦畿連體各有采任州從禹貢爲九爵
從周氏有五諸侯之員千有八百附城之數亦如之以侯有功諸
公一同有衆萬戶土方百里侯伯一國衆戶五千土方七十里子
男一則衆戶二千有五百土方五十里附城大者食邑九成土方
三十里自九以下降殺以兩至於一成十里五差備具合當一則

今已受茅土者公十四人侯九十三人伯二十一人子百七十一
人男四百九十七人凡七百六十九人附城千五百一十一人九
族之女爲任者八十三人及漢氏女孫中山承禮君遵德君修義
君更以爲任十有一公九卿十二大夫二十四元士定諸國邑采
之處使侍中講理大夫孔秉等與州部衆郡曉知地理圖籍者共
校治于壽成朱鳥堂予數與羣公祭酒上卿親聽視咸已通矣夫
褒德賞功所以顯仁賢也九秩和睦所以褒親親也予永惟弗懈
思稽前人將章黜陟以明好惡安元元焉以國簿未定未授國邑
且令受俸都內月錢數千諸侯皆困乏至有庸作者

莽天鳳四年丁丑六月更授諸侯茅土於明堂曰予制作地理建封
五等考之經執合之傳記通於義理論之思之至於再三自始建

國之元以來九年于茲迺今定矣予親設文石之平陳菁茅四色
之士欽告于岱宗泰社后土先祖先妣以班授之各就厥國養牧
民人用成功業其在緣邊若江南非詔所召遣侍於帝城者納言
掌貨大夫且調都內故錢予其祿公歲八十萬侯伯四十萬子男
二十萬然後不能盡得莽好空言慕古法多封爵人性實吝嗇記
以地理未定故且先賦茅土用慰喜封者

又天鳳二年莽下書曰常安西都曰六卿衆縣曰六尉義陽東都
曰六州衆縣曰六隊粟米之內曰內郡禹貢去王城四百里納粟
五百里納米皆在甸服內
其外曰近郡有鄣徼者曰邊郡合百二十有五郡九州之內縣二
千二百有三公作甸侯是為惟城諸在侯服是為惟寧在采任諸
侯是為惟翰在賓服是為惟屏在揆文教奮武衛是為惟垣在九

州之外是為惟藩各以其方為稱總為萬國焉其後歲復變更一
郡至五易名而還復其故吏民不能紀

三年五月莽又曰普天之下莫非王土率土之濱莫非王臣蓋以

天下養焉周禮膳羞百有二十品令諸侯各食其同國則謂公食
同侯伯

食國子
男食則辟任附城食其邑辟君也任音
王公主也公卿大夫元士食其采多

少之差咸有條品歲豐穰則充其禮有災害則有所損與百姓同

憂喜也以上數條雖係偽命亦足以
見漢時封國之制去古未遠

君道部卷二十八終

以高祖皇帝百餘

公卿大夫元士會共乘

三季正月恭又曰普天之可莫我王土率土之職與我王用蓋以

張至正陽各而嚴其姑更月不胡錄

朕之於汝為勤勤者以其大為蘇蘇蘇蘇蘇國語其好其好其好更一



上海君道部卷之四十八

世系類

列國譜系


二十

漢封篇

六後漢

後漢志曰皇子封王其郡爲國諸王受封者受茅土歸以立社王國有傳內史中尉等官列侯特進朝侯每國置相一人其秩各如本縣主治民如令長不臣也但納租於侯以戶數爲限關內侯無土寄食在所縣民租多少各有戶數爲限

胡廣曰諸侯受封皆受茅土歸立社稷本朝爲宮室自有制度至於列侯歸國者不受茅土不立宮室各隨其貧富而裁別之庶以守其寵



通考曰舊制列侯奉朝請者皆位次三公中興以來惟以功德賜位特進者在三公下次車騎將軍賜位朝侯在九卿下次五校尉賜位侍祠侯次大夫其餘下土小國或以肺腑及公主子孫奉墳墓於京師者亦隨時朝見是謂猥諸侯位在博士議郎下明帝爲賜姓小侯開立學校列侯歸國者不受茅土不立宮室以戶數租入爲節諸紹封者皆食故國半租罪侯歸國不得臣吏民列侯國置相其官隨國大小爲增減食邑千戶以上置家丞庶子各一人不滿千戶則不置家丞

又明帝時外戚樊氏郭氏陰氏馬氏爲四姓小侯以非列侯故曰小侯

六室諸王章 王子侯附

齊武王縝光武長兄與光武共起兵興復漢室更始立爲帝以縝爲大司徒封漢信侯更始忌之遂見害光武卽位追進今封

齊哀王章武王長子建武二年立爲太原王十一年徙王齊二十一年卒子殤王石嗣二十四年卒子晃嗣十七年坐罪貶爵蕪湖侯卒子東望無忌嗣侯永光二年復王封五十二年卒子頃王喜嗣五年卒子承嗣建安十一年國除 凡六世

下博侯張殤王弟建武三十年封建初中卒子他人嗣

利鄉侯剛殤王子永平十四年封後及兄晃與母太姬宗更相誣告章和元年有司奏免

魯哀王仲光武次兄初起兵沒於小長安光武卽位後追封

北海靖王興魯王次子建武二年封爲魯王以嗣仲後二十七年

始就國二十八年以魯國益東海故徙今封在位共三十九年卒
子敬王睦嗣十年卒子哀王基嗣十四年卒無子章帶不除其國
永元二年和帝以睦庶子斟鄉侯威紹封七年威以非睦子又坐
誹謗徵詣廷尉自殺鄧太后復以睦孫壽光侯普嗣是爲頃王七
年卒子恭王翼嗣十四年卒子康王嗣無後建安十一年國除凡八世
臨邑縣屬東海侯復北海靖王子建武三十年封子駒駘嗣
平望侯毅哀王少弟建初二年封

永平十八年封哀王基二弟爲縣侯二弟爲鄉侯延光二年復
封

趙孝王良光武叔父更始立以良爲國三老更始敗亡奔洛陽建武
二年封廣陽王五年徙今封十二年降爲公十七年卒凡立十六年

子節王栩嗣四十年卒子頃王商嗣二十三年卒子靖王宏嗣十二
年卒子惠王乾嗣四十八年卒子懷王豫嗣卒子獻王赦嗣卒子珪
嗣建安十八年徙王博陵九年魏篡漢降爲崇德侯

城陽恭王祉光武族兄前春陵侯敞之子也王莽篡位敞奪爵卒漢
兵起祉兄弟相率從軍更始立以祉紹封春陵侯從西入關封定陶
王更始敗祉奔洛陽建武二年改今封竟不之國十一年卒葬洛陽
十三年封祉嫡子平爲蔡陽侯以奉祉祀明帝時平坐與諸王交通
國除永平五年更封平爲竟陵侯卒子真嗣真卒子禹嗣禹卒子嘉
嗣

高陽侯堅恭王次子建武十三年封

泗水王欽光武族父也欽子終與光武少相親愛漢兵起欽父子從

軍更始封為元氏王更始敗歙奔洛陽建武二年封三十年卒封小子輝為堂谿亭在汝南吳房縣侯奉歙後

淄川王終歙子建武二年封三十年居喪哭泣而卒封長子柱為邯縣屬南郡侯以奉終嗣

曲陽縣屬東海侯鳳終少子建武三十年封

中山王茂歙從父弟漢兵起茂亦聚眾攻汝南光武既至河內茂率眾降建武初封十三年宗室為王者皆降為侯更封茂為穰侯

宜春侯匡茂弟亦與漢兵俱起建武二年封卒子浮嗣更封朝陽縣屬南郡侯傳國至孫護無子封絕延光中護從兄環與安帝乳母王聖女私通遂娶焉因得紹護封為朝陽侯及王聖敗貶爵為亭侯

安成孝侯賜光武族兄也祖父利蒼梧太守賜少孤兄顯報怨殺人吏捕顯殺之賜與顯子信結客報吏皆亡命逃伏遭赦歸會漢兵起

從攻擊諸縣更始入長安封賜為宛王就國於宛更始敗乃去宛保育陽光武即位乃西之武關迎更始妻子將詣洛陽帝嘉其忠建武

二年封慎縣屬汝南侯十三年更增戶邑定今封十八年卒子閔嗣卒子

商嗣徙為白牛侯商卒子昌嗣

白牛鄉亭地在南陽侯嵩賜次子建武三十年封永平十三年坐楚事國

除

汝陰侯信賜兄子初為更始討平汝南封汝陰王光武即位信詣

洛陽降更今封永平十三年亦坐楚事國除

成武縣屬出陽孝侯順光武族兄也父慶春陵侯敞同產弟順與光武同

里閏少相厚更始立以慶為燕王更始降赤眉慶為亂兵所殺順閏

行詣光武建元二年封十一年卒子遵嗣坐與諸王交通降為端氏

縣屬

侯卒子奔嗣奔卒無子國除永平中明帝封順弟子二人

為鄉侯

甘里

縣屬

侯敏順叔父弘之子弘妻樊氏帝母之從妹也生二子

敏國建元二年封

弋陽

縣屬

侯國敏弟同前封

順陽懷侯嘉光武族兄也父憲春陵侯敞同產弟嘉少孤前賴君養

之如子後與伯升同學及義兵起嘉隨更始征伐更始都長安立為

漢中王鄧禹西征嘉自歸至洛陽建武十三年封十五年卒子參嗣

有罪削為南鄉侯參卒子循嗣卒子章嗣

黃李

地

侯膚嘉子建武十二年與嘉同封

襄邑侯求更始長子更始降赤眉為謝祿所殺明年求兄弟與母詣

洛陽帝封求為襄邑侯奉更始祀後徙成陽卒子巡嗣復徙灌澤

穀孰侯歆求弟同前封

壽光侯鯉求弟同前封

右光武帝兄弟及宗族王者七國

東海恭王彊光武長子建武二年立為皇太子十七年母郭后廢彊

陳懇誠願備蕃國十九年封二十八年就國帝以彊廢不以過去就

有禮故優以大封兼食魯郡合二十九縣都魯十八年卒子靖王政

嗣四十四年卒子頃王肅嗣二十三年卒子孝王臻嗣三十一年卒

子懿王祗嗣四十四年卒子羨嗣二十年魏篡漢以為崇德侯

凡六世

永元十六年封頃王肅第二十一人皆為列侯

永建二年封孝王臻二弟敏儉爲鄉侯

蒸鄉侯儉孝王弟永建二年封

汶陽侯琬懿王子初平四年封

沛獻王輔光武子建武十五年封右馮翊公十七年郭后廢爲中山

太后故徙輔爲中山王并食常山郡二十年徙封沛二十八年就國

四十六年卒子釐王定嗣十一年卒子節王政嗣十四年卒子孝王

廣嗣三十五年卒子幽王榮嗣二十年卒子孝王琮嗣卒子恭王曜

嗣卒子契嗣魏初廢爲侯

凡八世

沛見前侯寶獻王子中元二年封

僮縣屬臨淮侯嘉獻王子永平元年封

元和二年封釐王定第十二人爲鄉侯

元興元年封節王止第二人爲縣侯

楚王英光武子建武十五年封楚公十七年進爵爲王二十八年就

國英母許氏無寵故英國最貧小三十年以臨淮之取慮須昌二縣

益楚國十二年坐交方士造作圖書有逆謀廢徙丹陽自殺凡三十

三年國除建初元年封英子楚侯种五弟皆爲列侯並不得置相臣

吏人种後徙封六卒子度嗣卒子拘嗣

濟南安王康光武子建武十五年封濟南公十七年爲王二十八年

就國三十年以祝阿安德朝陽平昌隰陰重丘六縣益濟南國凡五

十九年卒子簡王錯嗣六年卒子孝王香嗣二十年卒無子國絕永

建元年順帝立錯子阜陽侯顯爲嗣是爲釐王三年卒子悼王廣嗣

二十五年卒無子國除

東武城

縣屬清河

侯德安王子中元二年封

西平昌

縣屬德州

侯昱簡王子

樂城亭侯文悼王弟永建五年封

永元十一年封簡王錯第七人爲列侯

永初二年封孝王香第四人爲列侯 香又上書分爵土封叔父

篤子九西平昌侯昱子嵩皆爲列侯

東平憲王蒼建武十五年封東平公十七年進爲王顯宗卽位拜爲

驃騎將軍置長吏掾史員四十人位在三公上以東郡之壽張須昌

山陽之南平陽橐湖陵五縣益東平國四十五年卒子懷王忠嗣明

年帝乃分東平國封忠弟讓爲任城王餘五人爲列侯忠立十一年

卒子孝王敞嗣四十八年卒子頃王端嗣四十七年卒子凱嗣四十

一年魏初降爲侯

永平二年封憲王蒼子二人爲縣侯

永平十一年賜蒼列侯印十九枚諸王子年五歲已上能趨拜者

令帶之

永元十年封蒼孫梁爲矜陽侯矜第六人爲列侯

永寧元年封蒼孫二人爲亭侯

任城孝王尚憲王子懷王弟元和元年封食任城亢父樊三縣十

八年卒子貞王安嗣十九年卒子節王崇嗣三十一年卒無子國

絕延熹元年桓帝以河間孝王子參戶亭侯博紹封以奉其祀十

三年卒無子國絕熹平四年靈帝復以河間貞王子新昌侯子佗

紹封奉孝王後四十六年魏初廢爲侯

桃鄉侯福孝王子永元十四年封

當塗鄉侯亢孝王子同前封

阜陵質王延建武十五年封淮陰公十七年進爵爲王二十八年就國三十年以汝南之長平西華新陽扶樂四縣益淮陽國後坐罪徙今封五十一年卒子殤王冲嗣二年卒無嗣和帝初以冲兄魴紹封是爲頃王立三十年卒子懷王恢嗣十年卒子節王代嗣十四年卒無子國絕桓帝立勃道亭侯便親爲恢嗣是爲恭王十三年卒子孝王統嗣八年卒王子赦立建安中卒無子國除

永元八年封頃王魴第十二人爲鄉亭侯

延光三年封懷王恢兄第五人爲鄉亭侯

廣陵思王荆建武十五年封山陽公十七年進今封二十九年坐使

至祭祀祝詛自殺永平十四年封荆子元壽爲廣陵侯食荆故國六縣卒子商嗣卒子條嗣

永平十四年又封元壽第三人爲鄉侯

臨淮懷公衡建武十五年立未及進爵爲王而卒無子國除

中山簡王焉建武十五年封左馮翊公十七年進爵爲王以郭太后少子故獨留京師三十年徙今封立五十二年永元二年卒子夷王憲嗣二十一年卒子孝王弘嗣二十八年卒子穆王暢嗣二十四年卒子節王稚嗣無子國除

永元四年封夷王憲第十一人爲列侯

永平二年封孝王弘二弟爲亭侯

南鄉侯荆穆王弟永和六年封

琅邪孝王京建武十五年封琅邪公十七年進爵為王永平二年以太山之監南武陽華東萊之昌陽盧鄉東牟六縣益琅邪三十一年卒子夷王宇嗣二十年卒子恭王壽嗣十七年卒子貞王尊嗣十八年卒子安王據嗣四十七年卒子順王容嗣八年卒子熙嗣十一年建安時坐謀欲過江被誅凡六世

陽都

縣屬城陽國

侯邈順王弟初平元年順王遣邈至長安奉章貢獻

帝以邈為九江太守封

建初七年封夷王宇第十三人為列侯

永初元年封恭王壽第八人為列侯

延光元年封貞王尊第四人為鄉侯

永和五年封安王據第三人為鄉侯

右光武帝子王者十國孫王者一國

千乘哀王建明帝子永平三年封明年卒年少無子國除

陳敬王羨明帝子永平三年封廣平王七年徙西平分汝南八縣為

國章帝崩遺詔徙陳食淮陽郡其年就國立三十七年卒子思王鈞

嗣二十一年卒子懷王竦嗣二年卒無子永寧元年以敬王子安壽

亭侯崇紹封是為頃王立五年卒子孝王承嗣卒子愍王寵嗣後為

術所殺陳由此敗凡先後六世

陽都鄉侯番思王弟永元十三年封

新平侯千秋

博平侯

樂鄉亭侯壽

周亭侯

高亭侯旦

耕亭侯安國敬王孫永初七年封

彭城靖王恭明帝子永平九年賜號靈壽王

取其美名未有國號

十五年封為

鉅鹿王建初三年徙封江陵改南郡為國元和二年徙為六安王以廬江郡為國肅宗崩遺詔徙今封食楚郡其年就國四十六年卒子

考王道嗣二十八年卒子頃王定嗣四年卒子孝王和嗣六十四年

卒孫祗嗣七年魏受禪降為侯

凡五世

竹邑

縣屬沛郡

侯阿奴靖王子永初六年封

都鄉侯丙考王子元初五年封

安鄉侯國考王子

魯陽鄉侯丁考王子

東安亭侯順靖王孫

卞亭侯據頃王庶兄本初元年封

昭陽亭侯光頃王弟

蒲亭侯興

梁父亭侯祀

林亭侯代

樂成靖王黨明帝子永平九年賜號重熹王十五年封建初四年以

清河之游觀津渤海之東光成平涿郡之中水饒陽安平深澤八縣

益樂成國二十五年卒子哀王崇嗣二月卒無子國絕明年和帝以

崇兄修侯巡紹封是為釐王十五年卒子隱王賓嗣八年卒無子國

絕明年復以濟北惠王子萇紹封後坐罪貶臨湖侯

縣屬廬江

延光元年

以河間孝王子得嗣靖王後以樂成比廢絕故改國曰安平三十年

卒謚曰孝王子續嗣三十四年坐不道誅國除

下邳惠王衍明帝子永平十五年封四年以臨淮郡及九江之鍾離

當塗東城歷陽全椒合十七縣益下邳國五十四年卒子貞三成嗣

二年卒子愍主意嗣五十七年卒子哀王宜嗣卒無子國除

永建元年封貞王成兄二人及惠王孫二人皆為列侯
陽嘉元年封愍王意弟八人為鄉亭侯

梁節王暢明帝子永平十五年封汝南王建初四年徙梁以陳留之
鄆寧陵濟之薄單父已氏成武凡六縣益梁國其年就國二十七年
卒子恭王堅嗣二十六年卒子懷王匡嗣十一年卒無子順帝以匡
弟孝陽亭侯成紹封是為夷王二十九年卒子敬王元嗣十六年卒
子彌嗣四十年魏初降為侯

永元十六年封恭王堅弟二人為鄉侯

淮陽頃王昞永平五年封常山王建初四年徙今封以汝南之新安
西華益淮陽國十六年卒子殤王側嗣十三年卒無子以兄防子侯
章為常山王是為靖王二十五年卒子頃王儀嗣十七年卒子節王

豹嗣八年卒子高嗣三十二年遭黃巾賊棄國走建安十一年國除

凡先後
六世

永建二年封頃王儀兄二人為亭侯

永嘉元年封節王豹兄四人為亭侯

濟陰悼王長明帝子永平十五年封建初四年以東郡之離狐陳留
之長垣益濟陰國十三年卒于京師無子國除

右明帝子王者八國孫王者三國

千乘貞王伉章帝子建初四年封十五年卒子夷王寵嗣永元七年
徙樂安二十八年卒子孝王鴻嗣鴻生質帝梁太后詔以樂安國土
卑濕租委薄徙渤海二十六年卒無子太后以桓帝弟蠡吾侯悝紹
封奉孝王後二十五年王甫誣以太逆自殺國除

平春悼王全章帝子建初四年封其年卒葬京師無子國除

清河孝王慶章帝子建初四年立爲皇太子後廢爲清河王二十五年卒長子祐嗣入繼大統是爲安帝鄧太后崩安帝乃上慶尊號曰孝德皇子愍王虎威嗣王三年卒無子鄧太后以樂安王寵子延平紹封是爲恭王三十五年卒子蒜嗣質帝崩太尉李固等議徵立之梁冀及曹騰等不從遂立桓帝甘陵人劉文等謀立蒜事覺坐奪爵自殺國除明年立安平孝王子經爲甘陵王奉孝德皇祀是爲威王二十五年卒子貢王定嗣四年卒子獻王忠嗣十二年卒嗣子爲黃巾所害建安十一年以亡後國除

廣川王保孝王少子永初元年太后分清河爲二國保王廣川明年卒無子國除

濟北惠王壽章帝子永元二年封分太山郡爲國和帝崩乃就國三十一年卒子節王登嗣十五年卒子哀王多嗣三年卒無子以鄉侯安國紹封是爲釐王十年卒子孝王次嗣七年卒子鸞嗣卒子政嗣卒無子建安十一年國除

河間孝王開章帝子永元二年封分樂成渤海涿郡爲國延平元年就國四十二年卒子惠王政嗣十年卒子貞王建嗣十年卒子安王利嗣二十八年卒子咳嗣四十一年魏初降爲侯

蠡吾侯翼孝王子元初六年鄧太后徵濟北河間王諸子詣京師以翼爲平原王奉懷王勝祀後爲王聖江京等所譖貶爲都鄉侯父開上書願分蠡吾縣以封翼順帝從之翼卒子志嗣爲大將軍梁冀所立是爲桓帝梁太后詔追尊河間孝王爲孝穆皇蠡吾先

侯曰孝崇皇皆立陵廟置令丞 更封帝兄都鄉侯碩爲平原王
留博陵奉翼後建安十一年國除

解瀆亭侯淑孝王子封卒子長嗣卒子宏嗣爲大將軍竇武所立
是爲靈帝追尊淑爲孝元皇長爲孝仁皇立陵廟置令丞拜河間
安王利子康爲濟南王奉孝仁皇祀康卒子贊嗣卒子開嗣十三
年魏初降爲侯

城陽懷王淑永元二年封分濟陰爲國五年卒于京師無子國除還
并濟陰

廣宗殤王萬歲永元五年封分鉅鹿爲國其年卒無子國除還并鉅
鹿

右章帝子王者八國孫王者三國

平原懷王勝和帝長子少有痼疾延平元年封八年卒葬于京師無
子鄧太后以樂安夷王寵子得紹封奉懷王後是爲哀王六年卒無
子太后又以河間王開子都鄉侯翼紹封安帝廢之國除

右和帝子封國

馬氏曰按范蔚宗東漢書叙諸王止於和帝蓋自孝和以後殤冲
質三帝皆早世安順桓三帝皆無子惟靈帝二子皇子辨陳留王
協辨嗣位爲董卓廢而殺之立協是爲獻帝獻帝六子其二爲曹
操所殺建安十七年封熙爲濟陰王懿爲山陽王邈爲濟北王敦
爲東海王然是時政在曹氏天下三分雖有封爵之名而實無所
謂土地租食矣既封後九年魏始受禪四王皆降爲列侯云

總論

通考曰光武既定天下至建武十五年方封諸王子爲公十七年皇子之爲公者方進爵爲王徐徐如此未嘗有盡王子弟以鎮服天下之意蓋是時封建之實已亡尺土一民皆止自制之諸侯王不過食其邑入之租而所謂藩維屏翰本無所預故亦不必急急然視爲一大事如周漢有天下之初也

漢書明帝永平三年初帝按地圖將封皇子悉半諸國明德馬后見而言之曰諸子食數縣於制不已儉乎帝曰我子豈宜與先帝子等乎歲給二千萬足矣

通考曰按前孝文之時梁懷王薨賈誼上疏拳拳以諸侯強大皇子單弱爲慮欲帝徙皇子大其封疆而帝從之後漢顯宗則謂我子豈宜與先帝子等於是封皇子悉半光武所封諸王與孝文異意何也蓋孝文之時分封之大小可以驗國勢之強弱顯宗之時分封之大小不過係租入之豐儉國勢則宗藩強而皇子弱殊非疆幹弱枝之遠慮租入則兄弟豐而諸子儉乃見先人後已之公心然亦可以知封建一事至東漢之初名存實亡故諸侯王土地之大小初無係於理亂安危之大勢矣

建初四年按輿地圖令諸國戶口皆等租入歲皆八千萬

卮言曰明帝披輿圖封皇子而曰我子豈宜與先帝子等於是食賜減半孝友之誠謙讓之度武王成王以來未嘗有也後有殘滅兄弟尊崇子孫者寧非帝之罪人乎

羅氏泌曰惡呼高帝封諸侯王其子孫亡有與漢俱存者矣歐陽子云周有天下封國七十而同姓五十三後世不以爲私也蓋所

以降本枝崇屏衛雖其敝也有未大之患而猶崇獎扶持歷四百年而後亡蓋其德與力皆不足矣而其勢或使然也唐有天下雖不封建而其子孫咸列封爵及世遠親盡然後各隨賢愚與異姓雜仕入居尚書出爲督刺故雖天下分裂而猶愈於它人高帝時梁楚燕趙出入缺望一皆異姓之憂而所恃者惟宗族昆弟是以兄仲奪國伯子甫侯而諸侯莫敢非末大之禍固始謀之不善而非封建之末敝豈可茫焉而縱尋斧哉文帝封梁王城陽菑川景封河間常山長沙中山昭封廣陵高密廣陽諸國比莽攝而廢矣宣帝所封雖云有及莽世又年淺亡足論徐鄉嚴鄉武平陵鄉之徒忿然以誅莽死亦足尚矣若夫東漢王子百餘亦亡有及建安末者豈非天厭漢德而先蔑其人邪抑人事之不旣邪鄉使絕除輒續與爲長久計雖不能驟以勝天而漢祚亦未必旣如此也詩云懷德維寧宗子維城修德而固宗何城如之

蜀漢諸王附

甘陵王興永昭烈子後主庶弟也章武元年立爲魯王建興八年改封甘陵漢亡入魏封鄉侯

安平悼王理亦後主庶弟也與永異母章武元年六月立爲梁王建興八年改今封延興七年卒子哀王胤嗣十九年卒子殤王承嗣二十年卒無子景躍四年以理子武邑侯輯嗣漢亡入晉封鄉侯

右昭烈子封國

學海君道部卷之四十八終



國家圖書館, NATIONAL CENTRAL LIBRARY, TAIWAN, R.O.C.



學海君道部卷之四十九

世系類

四十九

列國譜系

三十

漢封篇

七

功臣諸侯章

高密

縣名後屬密州

元侯鄧禹南陽新野人年十三能誦詩受業長安時光

武亦游學京師遂相親附數年歸家及漢兵起禹卽杖策從帝渡河
運籌將兵入關拜大司徒建武元年封鄼侯食邑萬戶二年更封梁
侯食四縣十三年以功高定今封食高密安夷安淳於四縣永平元
年以太傅卒帝分禹封爲三國長子震爲高密侯震卒子乾嗣永元
十四年坐從兄奉以后舅被誅國除元興元年復封乾卒子成嗣成

卒子衰嗣衰卒子某嗣卒子衰少子昌以舞陰侯嗣

凡六世

昌安侯襲禹子永元元年分封卒子藩嗣

夷安侯珍禹子同前分封卒子良嗣

後永初六年以珍少

子義侯康紹封陽嘉二年卒

雍奴

縣地

威侯寇恂上谷昌平人世為著姓恂初為郡功曹太守耿

况甚重之王郎起恂說况以郡歸光武拜偏將軍號承義侯從破群

賊拜河內太守轉輸軍糧建武二年拜潁川太守進今封食邑萬戶

從討隗囂拜執金吾十二年卒子損嗣徙封扶柳

縣屬信都

侯卒子釐嗣

徙封商鄉侯卒子襲嗣

凡四世

浚

縣屬

侯寇壽損庶兄建武十三年封

本傳曰恂同產弟及兄子妹以軍功封列侯者八人終

其身不傳於後

夏

夏音

節侯馮異潁川父城人好讀書通左氏春秋孫子兵法漢

兵起異以郡掾監五縣城守拒漢間出行屬縣為漢兵所執光武署

為主簿從渡河北從破王郎封應侯與寇恂合勢拒朱鮪擊鮪破之

建武二年進今封入關代鄧禹討赤眉大破之定關中擊隗囂拜征

西大將軍十年卒子彰嗣十二年更封東緡

縣屬山陽

侯食三縣永平中

徙封平鄉侯

食鬱林潭中

彰卒子普嗣有罪國除永初六年安帝復封普

子晨為平鄉侯

析鄉侯馮訢彰弟建武十三年帝思異功封

舞陰

縣屬

壯侯岑彭南陽棘陽人王莽時守本縣長漢兵起彭守宛

攻之數月食盡乃降大司徒伯升義之封為功德侯光武徇河內彭

與太守韓歆迎降拜刺姦大將軍從平河北帝即位圍洛陽令彭說

降朱鮪建武二年遷征南大將軍討鄧奉擊秦豐破之進今封九年

討公孫述大破之為述遣刺客所殺子遵嗣徙封細陽縣屬汝南侯卒子

伉嗣元初三年坐事失國建光元年復封杞卒子熙嗣卒子福嗣凡七世

穀陽縣屬沛郡侯岑淮遵弟建武十三年帝思彭功封

膠東以郡為國剛侯賈復南陽冠軍人少好學習尚書王莽未為縣掾下

江兵起復亦聚眾數百人歸漢後北渡河從光武擊青犢五校群盜

破之帝即位為執金吾封冠軍侯渡河攻朱鮪降之建武二年益封

穰朝陽二縣遷左將軍十三年定今封食郁秩壯武下密即墨挺胡

觀陽凡六縣三十一年卒子忠嗣卒子敏嗣坐罪國除章帝復以忠

小子邯紹封又以邯弟宗為即墨各一縣邯卒子育嗣卒子長嗣

章和二年卒子參嗣卒子建嗣凡六世七侯

即墨縣屬齊侯賈宗復孫忠子封

廣平縣屬廣平忠侯吳漢南陽宛人家貧給事縣為亭長王莽末以賓客

犯法亡命至漁陽以販馬自業往來燕薊間更始立使使者韓鴻狗

河北以漢為安樂令光武討王郎漢說漁陽太守彭寵以郡歸帝賜

號建策侯擊群賊先登陷陣帝即位拜大司馬封舞陽侯建武二年

定今封食廣平斥漳曲周廣平四縣十一年討公孫述滅之二十年

卒子哀侯成嗣為奴所殺二十八年分漢封為三國成子旦為濯陽

縣屬汝南汝南房縣侯奉漢嗣無子國除安陽縣屬汝南侯吳彤漢兄尉之子尉為將軍從征戰死彤以建武二

十八年封

衰親取名侯吳翁漢之弟帝以漢功大後封翁為衰親侯吳氏侯者

比五國

筑陽縣屬南陽侯吳盱漢次子建武二十八年分封建初八年徙封平

春縣屬江夏以秦漢後

新蔡縣屬汝南侯吳國漢幼子分封同前

祝阿縣屬平原侯陳俊南陽西鄂人少為郡吏光武徇河北為安集掾從

擊銅馬五校破之建武二年封新處侯為琅邪太守破張步董憲十

三年增邑定今封二十三年卒子浮嗣徙封斬春縣屬新州卒子專諸嗣

卒子篤嗣凡四世

安平縣屬涿郡侯蓋延漁陽南陽人邊俗尚勇力而延以氣聞歷郡列掾

州從事所在職辦彭寵為太守召為護軍及王郎起延與吳漢等同

歸光武從平河北帝即位使延為虎牙將軍建武二年封討劉永

憲龐萌等皆平之十三年增封定食萬戶十五年卒子扶嗣卒子側

嗣永平十三年坐謀反誅國除永初七年鄧太后復封延曾孫恢為

廬亭侯卒子遂嗣凡先後五世

朗陵縣屬汝南愨侯臧宮潁川陝人少為亭長游徼後率賓客入下江兵

中為校尉從光武征戰至河北以為偏將軍從破群賊數陷陣卻敵

建武二年封成安侯七年更封期思侯與岑彭吳漢共滅公孫述十

三年增邑更封鄴侯十五年定今封永平元年卒子信嗣卒子震嗣

卒子松嗣元初四年與母別居國除永寧元年鄧太后復以松弟田

紹封凡五世

好時縣屬上愨侯耿弇扶風茂陵人其光武帝時以吏二千石自鉅鹿徙

馬父況以明經為郎王莽時為朔調連率莽改上谷郡曰朔莽敗更

始立弁奉奏詣長安至宋子會王郎起兵乃馳謁光武說帝發漁陽

上谷兵攻拔邯鄲誅王郎為大將軍從擊銅馬赤眉青犢尤來大槍

諸盜破之光武即位拜建威大將軍封食好時美陽二縣定彭寵取

張豐張步十二年增戶邑永平元年卒子忠嗣卒子馮嗣卒子良嗣

卒子協嗣凡五世

隃麋縣名屬右扶風烈侯耿況弁弟以上谷郡歸光武封子霸嗣卒子文金

嗣卒子顯嗣卒子援嗣尚桓帝妹長社公主為河陽太守後曹操誅

耿氏惟援孫弘存焉

五世

牟平侯耿舒况子况以拒擊彭寵進封牟平舒嗣封卒子共嗣卒

子寶嗣順帝初坐罪自殺國除

美陽縣屬上桓侯耿秉况次子國之子也况卒國次當嗣上疏以先

侯愛少子霸固自陳讓許之後為大司馬卒秉初以父在為郎永

平中拜騎都尉伐北匈奴遷征西將軍章和二年以擊破匈奴功

封食邑三千戶永元三年卒子冲嗣及竇憲敗以秉竇氏黨國除

栗邑縣屬馮翊侯耿夔秉弟永元初為竇憲假司馬北擊匈奴三年為

大將軍從憲出河西斬關氏各王封憲敗坐奪

安成縣屬汝南思侯鈇期潁川郊人父猛為桂陽太守光武略地至潁川

聞期志義召署賊曹掾從徇薊拜偏將軍從擊王郎破之拜虎牙大

將軍擊破銅馬赤眉青犢等建武二年封食邑五千戶五年拜衛尉

十年卒子丹嗣徙封葛陵縣屬汝南丹卒子舒嗣卒子羽嗣卒子蔡嗣凡

五世